





10.3.26

A11 30

25.50



M E T H O D U S  
S T U D I I  
P H I L O S O P H I C I , E T T H E O L O G I C I  
A T Q U E  
A F F I N I U M Q U A R U M D A M D I S C I P L I N A R U M  
*Cui vacare debent integro Novennio*  
R E L I G I O S I J U V E N E S  
S A C R I O R D I N I S S E R V O R U M M A R I A E  
C U M  
E L E N C H O Q U A E S T I O N U M

*Ab eisdem exponendarum in Examine ante  
Graduum affectionem.*



FLORENTIÆ ANNO MDCCLXIX.  
Apud JOSEPHUM ALLEGRI, & SOCIOS.

---

*Censoribus approbantibus.*





# FR. FRANCISCUS RAIMUNDUS

SACRI ORDINIS SERVORUM MARIÆ

PRIOR GENERALIS

*Omniſus ejusdem Ordinis Alumnis in Studio Sacrarum  
Disciplinarum erudiendis, vitæ innocentiam, cor  
docile, ſinceram addiſcendi cupiditatem,  
firmum mentis propoſitum, & corporis  
incolumitatem precatur a Deo.*



Eterum Aſcetarum, & Monachorum vitam ita diſtributam fuiſſe legimus, ut qui illi nomen dediffent, rerum divinarum contemplationi, plalmodiæ, & manuali exercitio unice vacarent. Evidentibus tamen momentis probat in aureo, & vulgatiffimo Tractatu *de Studiis Monaſticis* doctiffimus Mabillonius, antiquos eodem ſolitarios cordi habuiſſe ſacrarum paginarum, aliarumque diſciplinarum ſtudiis ſedulam operam impendere, ne eiſdem deſtituti chriſtianarum virtutum jaſturam facerent, & ipſa eadem ſanctitas Monaſteriorum, & diſciplina periret.

Eſti tamen ampliori illa eruditionis ſupelleſtili, quam ſcriptor præſtantiffimus priorum Eccleſiæ ſæculorum Monachis vindicat ſpoliandi forent, pro certo tamen haberi debet a noſtrorum temporum Cænobitis



totius vitæ methodum, atque rationem ita informandam esse, regendamque, ut cœlestium bonorum meditationi, quæ in divinis etiam laudibus celebrandis, precibusque pro Republica fundendis continetur, Disciplinas Ecclesiastico homine dignas consocient. Tale enim priscae inter ætatis, & recentioris Monachos, sive, ut vocantur, Claustrales discrimen intercedit; quod illi ab Urbium tumultu penitus segregati perpetuum suo ipsorum corpori bellum indicerent, quæ in hominum societatibus gerebantur negocia, tamquam a proposito aliena despectui haberent, & ne desidii vitium obreperet, labore corporis, manuumque industria otium fallerent, & antiquo serpenti, qui calcaneo insidiatur, occurrerent. Isti vero, qui divina charitate, & sempiternæ beatitudinis capeßendæ desiderio inflammati Monasteria in Urbibus, aut in Oppidis constituta nostra hac ætate ingrediuntur, segregantur utique a rerum terrenarum molestiis, negociisque sæcularibus non implicantur, sed in eo sollicitam operam locare debent, ut exemplo aliis luceant, & concives erudiant in illis præsertim, quæ pertinent ad cœlestis Patriæ singulis hominibus debitæ asssecutionem, eisdemque in bonis eliciendis, & in malis operibus præcavendis dirigant, & manuducant. Singula tamen hæc præstari non poterunt, nisi studiis, ac disciplinis, quæ sacræ appellantur semetipsos addicant, atque ab ipsamet adolescentia diurna nocturnaque manu exemplaria versent, a quibus instrui possint, & erudiri. Divinum propterea Numen nos monet a labiis Sacerdotum scientiam custodiri, atque ab eisdem, veluti a lucernis ignorantiae caliginem dispellentibus, hominum mentes esse illustrandas, & sanioris doctrinæ pabulo nutriendas.

Hæc, quæ a pluribus annis vera esse intellexeram, postquam ad regendam Mariæ Servorum Familiam promotus, ac deputatus sum, sedula mente re-

pe-

petens, nihil Deo acceptius, nihil universo Servitarum cœtui utilius, nihil meo munere dignius censui cura, & labore, quo Sacrarum, & affinium disciplinarum studia in eodem, cui præsum Religioso Ordine promoverem, eundemque in litteraria palæstra Prædecessorum meorum vigilantia exercitum, ne a calcata semita defleſſeret, retinerem, atque meliori, si fieri posset, methodo juvarem.

Assumpto autem muneri meipsum pro virili satisfecisse putavero, quando adhibitis hortamentis, propositisque præmiis, cupidæ juventutis animo stimulos addam, & longi itineris ab ea conficiendi generalia quædam lineamenta proponam, ne labore irriti temporis jacturam faciat, & illa addiscat, quæ caliginosæ oblivionis nocte damnanda sunt.

Post exactum itaque Tyrocinium, in quo præter officia pietatis alibi exposita, legumque nostrarum noticiam, nihil aliud a Juvenibus postulo, nisi ut in latina lingua exerceantur, & aureæ ætatis scriptores cum Historicis, tum Oratores, atque Poetas quotidiana lectione percurrant, ad sublimium scientiarum limina iidem Tyrones deducendi erunt, ut locupletari possint divitiis, quibus Philosophia, Theologia, & eisdem affines disciplinæ redundant. Et ne immensa veluti mole opprimantur, atque ab amplissima messe, quibus scientiarum nobiliorum campus luxuriat, perterriti animos despondeant, ita earumdem scientiarum partes ab illis investigandas distribuam, ut novem annorum spatium, quæ opportuniore videbuntur doctrinarum capita lustrent, atque Præceptorum voce in eisdem exerceantur. Longiori autem Præfatione Præceptores ipsos, atque Alumnos eorumdem magisterio erudiendos morari piget, quando ex partitione, atque ex distributione doctrinarum, thematicum, & argumentorum, quid a singulis integro novennio præstandum sit luculenter ap-

pa-

pareat . Hoc unum silentio præterire non possum , quod primum triennale spatium ad Lectores pertinet , qui Philosophi nuncupantur . Sex autem qui superiunt anni , complectuntur labores a Theologiæ Regentibus subeundos .

---

## Annus Primus .

### LOGICA , ET METAPHYSICA .



Ostquam excusso Scholæ Peripateticæ jugo, liberior atque etiam utilius mentes hominum in corporum, rerumque sensibus subjectarum discussione, atque in sublimium, & abstractarum doctrinarum examine vagari cœperunt, Facultatem aliquam mentis directricem, sive Artem cogitandi, quam Logicam, Dialecticam, Dianoëticam, aliique nominibus vocant, disciplinis omnibus anteferendam esse, cum eisdem Peripateticis, aliisque veteribus Philosophis una omnium sententia fuit . *Logicæ historiam* copiose traditam a Georgio Walchio in syllogem tyronibus utilem contraxit Antonius Genuensis, cuius *Elementa artis Logico-criticæ* omnium manibus teruntur . Plures ille veteres Philosophos nominat, atque ex recentioribus novatores, qui duobus retro sæculis hanc spartam ornandam susceperunt, scilicet Laurentium Vallam, Rodolphum Agricolam, Ludovicum Vives, Petrum Ramum, & Baconem de Verulamio . Postremi hujus scriptoris eximiis sane laudibus efferendi profert *Novum Organum*, in quo inductio analytica syllogismo anteponitur; sed omittit quæ prolixiori oratione Baco docuerat in libro V. alterius operis *de Augmento scientiarum* . A Bacone ad Gassendum

dum gradum sibi facit Genuensis , ad Hobbesium , ad Cartesium , & ad Arnaldum , cui utrum ascribenda sit *Ars cogitandi* nonnulli dubitant . Recensitis deinceps Mallebranchio iis , qui præcepta Logicæ ex principiis mathematicis deduxerunt , diligentius prosequitur , quæ scripsit Joannes Lockius in libris *de Intellectu humano* , & quæ publici juris fecere Christianus Thomasius , Poiretus , Rudigerus , & in metaphysicis attritus Christianus Wolfius . Nominari potuissent a Viro clarissimo Claubergius , Clericus , Buddeus , Croufatius , Titius , Grosserius , Gravelandius , & alii , quorum vestigia paucis ab hinc annis præferunt de Soria , Fromond , Jacquier , & quem plurimi facio Florianus Dalham .

Viderint nostrorum Juvenum Præceptores quas segetes ex hoc campo feracissimo colligant , & sua in horrea transferant . Ab externorum corporum pressione sensationum organa percellente materialem repræsentationem objectorum in cerebro delineari , atque ex illa *mentis perceptionem* gigni , & inde *ideam* oriri inficiatur nemo . Ad conciliandam idearum claritatem , & distinctionem , atque ad augendam languescantis memoriæ vim series Categoriarum , & Universalia utilitatem aliquam afferent , si tamen parcissime de utriusque differatur ; multoque plus proderit examen idioma- tum , & vocabulorum , quorum subsidio ideæ communicantur , & quæ jure optimo vocata sunt prima societatum vincula , & scientiarum elementa . In illis tamen , quæ de *Alphabeto Naturæ* , ut appellatur ab Edmundo Chifful , sive de *Lingua primitiva* scripserunt Stephanus Morinus , Warburthonus , Calmetus , & sexcenti , quos prætereo , historica brevitate arbitror utendum , ut a tyronibus intelligatur qua via , quæ ratione didicerint homines vocum , & vocabulorum auxilio ideas exprimere , easdemque in aliorum hominum

no-

notitiam deducere. Vocabula vocabulis addita ideas plures complectuntur, quas rudiores incolæ terraquei globi signis, picturis, & hieroglyphicis expressisse, monumenta plura ab edacitate temporis immunia testantur.

Plurium itaque idearum complexio, & relatio viam sternit *Judicio*, sive *sententiæ*, quam Scholastici *Propositionem* vocant, a qua *Ratiocinatio*, & *Methodus* cum *synthetica*, tum *analytica*, quo ad illarum indolem, & finem non secernuntur. Multiplicem Propositionum naturam accurate enucleat Arnaldus; & ab eo desumi similiter poterunt ratiocinationis præcepta, & regulæ *Syllogismorum*, quos a scholis eliminandos non esse contra Lockium facile intelligent, quicumque experimentales inductiones a sublimioribus speculationibus segregaverint. Assentientur etiam *Socraticæ disputationi*, absque ullo tamen Syllogismi detrimento; sophismata, & fallacias a tyronibus vitandas exponant, & eas inter locum dare poterunt *argumento ab invidia ducto*, quo Joannes Clericus pessime abutitur.

Hiscæ omnibus libratæ, expensisque, via sternitur ad cognitionem *Veritatis*, & ad *Criterium* illius. In quo nam criterium collocari debeat facile intelligitur, quotiescumque secernatur a mediis veritatis cognoscendæ. Veritas cognoscitur per evidentiam, si de humanis loquamur, si verò de divinis, tunc firmum ab hominum voluntate assensum extorquebit Fides, quæ Dei falli, & fallere nescii veracitati innititur. Quod vero inter se fides, atque scientia sædus inire possint circa idem objectum, quæri debet, assumptis, quæ doctissimus Huetius protulit argumentis. *Probabilitatis* examen postremum occupabit locum, quod officium est *Artis criticæ*, cujus præcepta penes Joannem Clericum caute legenda, ab Honorato a S. Maria, a Floriano Dalham, ab Eusebio Amort, & ab Antonio Genuensi vario tamen ordine colliguntur. Juvenes, quorum præ-

præcipui labores in studia theologica dirigere debent ,  
plura invenient non contemnenda in Eusebio Amort ,  
qui in cæteris philosophicis doctrinis insuavis apparet ,  
& scholasticam trituram graviter olet .

A Logica , sive ab arte humanæ rationis directrice deveniendum est ad *Metaphysicam* , cui *Scientiæ universalis* Scholastici veteres nomen dedere . Hanc provinciam tractandam acceperunt ex nationibus singulis præstantes viri Cartesius , Regis , le Grand , Malebranchius in Gallia ; Morus , Cudworthus , Lockius Clarkius in Anglia ; Leibnitius , Wolfius , Thummingius , Baumgartenus in Germania ; in Italia Corsinius , Doria , Iacquierus , Genuensis ; in Hollandia Clericus , & Gravefandius . Multo frequentiores tamen sunt illi , quibus placuit metaphysica quædam argumenta versare . Scriptores , qui pro vindicanda adversus Atheos æterni Numinis existentia suam symbolam contulerunt , quique hominum mentem substantiam , esse spiritalem contra pneumatophobos demonstrarunt , numerari vix possent . Cæterarum gentium Philosophis palmam Angli præripuisse visi sunt , postquam præsertim e cathedra Boylææ veluti e perenni fonte tot dimanarunt lucubrationes , quas Burnetus collegit . Antiquis Græciæ sapientibus , & ævi medii scholasticis plurimum debet Metaphysica , quamvis illi vera cum falsis , isti utilia cum vanis , inanibusque confuderint , & permiscuerint . Suas tamen utrique divitias possident , quibus recentiores locupletatos fuisse nemo omnium ignorat .

In Metaphysica generatim sumpta traduntur rationes , & causæ rerum possibilium ; quamobrem pluribus placuit *Possibilitatem* , sive *ad existendum non repugnantiam* assumere pro fundamento essentiali *Entis* , cujus proprietates a tyronibus investigandas accuratissime prosequuntur Purchotius , Genuensis , & Iacquierus . Entis idea , & vocabulum subjacet divisioni ; atque

B

ita

ita Ens necessarium, æternum, infinitum, segregatur ab Ente contingente, temporaneo, suisque limitibus clauso. Illud vocatur *Deus*, & in istius censu numerandæ sunt *Substantiæ* omnes *creatæ*, quæ si materiæ cujuslibet expertes fuerint *Spiritus* appellantur; ex materia compactæ, *Corpora*; ex materia demum atque ex spiritu coalescentes, *Hominēs*.

Ad Deum tendere debent, atque in illum tanquam in scopum collimare nostrorum Juvenum studia. Quæcumque ad *Theologiam naturalem* pertinent in prima hac, & nobilissima *Pneumatologiæ* parte edisserenda erunt, ut animus præparetur ad ea, quæ a revelationis illustratione dependent. Sat erit calcare vestigia Grotii, Clarckii, Gerdili, Fenelonii, aliorumque Religionis Christianæ athletarum, qui ex indito nobis rationis lumine Dei existentiam, & attributa deducere noverunt, ut gradum facerent revelationi, qua rationis ejusdem imbecillitas regitur, & sustentatur. Quod si Divinitatem naturalium argumentorum subsidio scrutentur, de singulis Atheismi generibus a Cudworthio accurate distinctis triumphabunt, malum eum physicum, tum morale Divinæ bonitati nequiquam officere ostendent, Dei, qui immotus movet omnia, intelligent opera, & voluntatem, etiam in ratione finis, cui audacissimi Fatalistæ opponuntur, & absque alterius Principii concursu, ut Polytheistarum evertantur systemata.

Neque unus *Deus* est, cuius inter attributa immaterialitas recenseatur. Negari enim non debet existentia *Spirituum*, a qualibet materiali concretionē immuniū, & *Mentis humanæ*, quæ pro Leibnitiana monade assumi non debet, quamvis ob ingentem intelligendi vim *Speculum universi representativum* analogice vocari possit. Mentem, sive animam inter & corpus *vinculum* quoddam admittendum esse fatebuntur, cujus beneficio pro motu corporis idæ conformes excitantur

in

in anima , & hac imperante , debitas corpus elicit operationes . *Systēma Causarum occasionalium* ex Cartesio instauratum a Mallebranchio , *Harmonia præstabilita* Leibnitii , & Wolfii , & *Influxus physicus* Scholasticorum tot , tantæque patiuntur incommoda , ut sapientibus hæreat aqua , & quid consilii capiendum sit dubitent . Priora duo mihi semper invisæ fuerunt , quia lædere videntur hominis libertatem , germanamque corporis cum anima connexionem . Plura alia ad Metaphysicam pertinentia prætermittuntur , quia de eisdem commodius in postrema parte Physices disserteretur .

## Annus Secundus .

### P H Y S I C A



Amplissimum *Physicæ* regnum contemplationem , atque investigationem amplectitur omnium corporum , quibus Universi compages construitur , atque perficitur . Scriptores , qui de nobilissima hac Philosophiæ parte verba fecerunt impossibile foret enumerare ; quamobrem vehementer probatum iri censeo illorum consilia , qui *Tractatum* , sive *Dissertationem Historico-Criticam* *Physicæ* universæ præmiserint , & in illa veterum , recentiorumque sententias de mundi origine , & constitutione , de rerum principiis , de corporum qualitatibus , & affectionibus , deque aliis præstantioribus *Physicæ* argumentis manifestaverint . Historia enim quædam Philosophiæ universæ brevibus lineamentis adumbrata maximam pariet utilitatem , & ne ampliora volumina nominentur Heumanni , Brucheri , aliorumque , sat erit pro exemplaribus sibi

B 2

pro-



proponere nostri Leonardi Cozzandi librum de *Philosophorum magisterio*, succulentam *Historiam philosophicam*, quam Heineccius præmisit *Elementis Philosophiæ Rationalis*, & *Moralis*, atque *Dissertationem*, quam Genueusis inseruit tomo primo editionis secundæ *Elementorum Metaphysicæ*. In statuendis corporum naturalium *Principiis* Philosophos quosdam *Elementa metaphysica*, & a sensibus remota elegisse, alios mechanica, cæteros sensibilia meipsum aliquando docuisse memini. Revera si primigeniæ Atomistarum, sive Newtoni particulæ proponantur, accedente mutuo earum plexu, & attractionis vi, quorumlibet corporum compositio intelligetur, quamvis sub iudice pendeat illarum secabilitas, sive in infinitum divisio. Particularum earumdem distributio, & symmetria *Formas* constituit corporum, quorum essentiam menti humanæ imperviam esse testantur homines sagacissimi. In hoc tamen investigando labor irritus infumi non debet, cum a Physicorum oculis essentia, atque existentia non secernantur.

*Temporis*, *Locique* investigationem illustrando Physicæ regno maxime opportunam esse nemo omnium ignorat. Illud egregie definitum a Musschembroechio in relativum, & absolutum dividitur, ita tamen, ut uniformitas perpetuæ durationis repetenda sit a *Tempore* absoluto, quod Newtoniani exprimunt cum Davide Gregorio per motum æquabilem,\*lineam, summamque momentorum quorumlibet repræsentantis. Temporum multiplex distributio a Chronologis tradita brevissime hoc loco delibanda erit, ne utilitate ex antiquarum præsertim ætatum partitionibus proveniente Juvenes nostri fraudentur. *Locus* & ipse relativus dicitur, si corpus in loco positum cum aliis in aliis locis positis corporibus conferatur; & absolutus, si animo concipiatur immensum spatium, in quo corpora quælibet quiescunt, aut errant. Hæc autem placuit non in alium finem

\* *imaginariæ Planicie aut. Sæpi rectam Representant*

finem repetere, nisi ut exulatum abire jubeantur. Ubicationes Aristotelicæ, modalesque Entitates locatis corporibus superadditæ, & ut concedatur Infinitæ virtuti potestas eodem in loco plura corpora collocandi, & inducendi Vacuum coacervatum, ad quod proxime accedit medium non resistens, in quo circa Solem feruntur Planetæ. *Motus* tandem, quo ignorato Naturam ignorari necesse est, unicus defendi debet contra Peripateticos, nempe localis in absolutum dividendus, & in relativum. Pro localis motus indole cognoscenda Newtonianæ *Leges* explicandæ sunt cum legitimis, quæ ex eisdem nascuntur consecutariis, illis præsertim, quæ referuntur ad vim *Inertiæ*, ad vim *Attractionis* singulis materiæ partibus insitam, ad *Vires vivas*, in quarum mensura quadratum velocitatis locum non habet, ad gravium projectionem, ad oscillationes pendulorum deflectentium in Peruvianis montibus a perpendiculari, ad vires *centripetas*, & *centrifugas* cælestium corporum motibus accomodandas, ad Solidorum in substantias liquidas immersionem, ad Staticæ, & Hydrostaticæ leges, ad Elaterium, ad Electricitatis principia, & ad substantialem corporum generem, eorumque fermentationem, & corruptionem.

A Physica generali ad particularem investigandam progredientur tyrones, quibus *Elementa*, quæ Ocelliana, vocantur se offerent, & primo *Ignis*, in quo cum calore, extensio corporum, & lumen visivam facultatem afficiens, accuratum examen postulant. Prolixius tamen versabuntur in investiganda *Lucis* natura, sive substantia illa subtilissima, quæ celeritate incredibili dimanat a corpore lucido, & in diversæ densitatis mediis refrangitur ob Attractionis legem, quam invenire poterunt in refractione septemplex radii, cui colorum generem cum Newtono tribui opus est. *Fulmina*, quæ prope terram aliquando oriuntur, electricis experimen-

tis

tis illustrari debent, sicuti *Auroræ boreales* observatio-  
nibus Parisiensibus supra Solis atmospheram repetitis,  
ut inde inferatur cum cl. Mayrano ex quadam solari,  
sive zodiacali luce eandem oriri. *Aer* terraqueum globum  
undique cingens grave est, & elasticum; & ex utro-  
que attributo innumeri effectus proveniunt, qui Physi-  
corum ingenia exercent. Aeris raritas distantiae a globo  
terrestri commensuratur, & illius æquilibrîi turbatio  
generat *Ventos*, quos perpetuo flantes inter utrumque  
tropicum non sine assignabili causa nautæ experiun-  
tur. Ad aerem referendus est etiam *Sonus*, cuius pro-  
pagationis leges Academici Florentini Newtono rogan-  
te, & Musichembroeckius tradidere. *Aqua* & ipsa  
Elementum est, quod in vapores solutum per ampla  
aeris spatia diffunditur, & in ipsamet congelatione ra-  
rescit. Inter aquæ meteora *Iris* consideranda erit, cum  
radiatorum solarium reflexionibus, & refractionibus, de  
quibus primo Cartesius, dein Newtonus consulendi.  
*Terra*, ex qua tot coalescunt corporum species, contro-  
versiam dirimendam offeret suæ ipsius *figura*, quam  
spheroidis esse versus Polos compressæ post Kepleri,  
atque Newtoni conjecturas immortales Parisensium la-  
bores evincunt. *Montium origo* diluvianis aquis vetustior  
statuenda videtur: quamvis *Testacea* nodum exhibeant a  
feliciori sæculo dissolvendum. Flammæ, quas montes  
evomunt, internam sulphuris, bituminisque accensio-  
nem produunt; atque inde *tremor*, & concussio Terræ  
repetenda est, non ex aquarum impetu, non ex aere  
interius compresso, non ex aeris externi elasticitate,  
& violentia. *Marini æstus* reciprocatio, & *fontium origo*  
argumenta erunt historice potius, quam dogmaticè  
tractanda.

Corpora etiam, quæ intrinseco vitali motu fru-  
untur Juvenum nostrorum oculis subjicienda sunt. Quod  
*Plantæ* vegetandi, & *Bruta* seipsa movendi facultatem  
ha-

habeant, & quod non ex putrescente materia, sed illa nascantur ex semine, sive ex furculi, germinique insitione, ista quamvis vivipara ex ovo secundo, & non ex animalculis Hartsoecheri probari debet. *Naturas plasticas* universales pro terraeque molis directione, & speciales pro viventium generi a Cudworthio, Grewio, & Clerico inductas inter ægrorum somnia reponant, & per illas gravissimam Deo injuriam irrogari animadvertant. *Vitale principium*, quo Bruta moventur determinari vix poterit; sed quæ Rorarius, atque Bullierus de anima spirituali, quæque Cartesius, & Pereira de automatis manu sapientissimi Artificis elaboratis scripserunt, negligenda non sunt. Horret vero animus inter machinas ex nullis materiæ partibus coalescentes mentem humanam collocare, quando impossibile est *Cogitationem* assumere pro materiæ attributo. Uniuscuiusque hominis *Anima* Deum habet Creatorem, non tamen in mundi exordio, sed post conceptionem factus; quamobrem improbandi erunt Du-Vigierus, Leibnizius, & Wolfius Platonice fabulæ renovatores, sicuti nec firmis vallata argumentis censenda opinio Fabri, & Mallebranchii, qui hominum corpuscula in primo homine latentia effinxerunt. Cogitatio, qua materiam quantumvis actuosam, vividamque spoliavimus, homini competit, non ita tamen ut *animæ essentia* in cogitatione reponenda sit. Homini similiter convenit ratio *causæ*, nedum occasionalis, sed etiam efficientis, non vero creatricis. Postrema enim hæc soli tribui debet Omnipotentiae, a qua *mundum* in tempore e sinu nihili fuisse ductum ita demonstrandum est, ut possibilitas quoque æternæ illius creationis repugnet. Neque aliam Deus sibi metipso rationem sufficientem in orbis formatione proposuit, nisi liberam voluntatem, & quæ Leibnitiani argumenta congesserunt, opus sunt periculosæ plenum alicui, quo vitio laborat etiam impossibilitas

litas duorum perfecte similium , & *Identitatis indiscernibilium* doctrina .

Quamvis autem Universi moles infinita vocari non debeat, amplissima tamen occupat spatia, quorum dimensionem Astronomorum sagacitas labore non irritò aggressa est. *Astronomiæ* igitur prima Elementa, & systemata Ptolomæi, Tychonis, & Philolai, sive Copernici breviter exponenda erunt, & hypothesi Copernico-Keplero-Newtonianæ acquiescendum, ut manifestentur *motus elliptici* Planetarum ex gravitationis principio, atque ex eorum distantis a Sole deducti, *Solis* circa proprium axem rotatio, aræ, quæ a planetis describuntur temporibus proportionales, fixarum aberrationes, *Cometarum* periodi a Cassino, & Wistono delineati, *Eclipses*, aliaque plura Juvenum indoli, & idoneitati aptanda, ut hæc etiam opera infinite sapientis mentem testantia mirentur. Physicæ generalis præcepta tradiderunt Corsinius, Martinus, Crivellus, Regnaultius, Fortunatus a Brixia, Iacquierus, & alii, qui Cartesii, Gassendi, Newtoni, aliorumque philosophantium doctrinas expendere, & quæ veritati conformia viderentur, amplecti, & proponere curaverunt Pro Physica particulari recedendum non est nisi in paucis a Græfandio, Muschembroechio, Pembertonio, & pro cœlesti a Gregorio, Keilio, & de-Landio. Scriptorum quos nominavimus labores typis editi ubique prostant. Si qui autem felici fidere nati altius in philosophicis voluerint assurgere, alios præstantissimos, a quibus erudiantur Magistros reperient.

## Annus Tertius .

### JUS NATURALE , ET PHILOSOPHIÆ MORALIS PRINCIPIA .

**U**Ni Deo *Enti necessario*, & infinita potentia prædito, non solam creandi, sed etiam *creata* quælibet *conservandi* virtutem competere, naturalis ratio testatur . Quælibet præterea rerum creaturarum operationes intelligi nequeunt sine *concursu* Dei proximo, & immediato, quem Thomistæ per physicam præmotionem, alii per moralem determinationem exponunt . *Providentia*, & ipsa attributum est, cujus ope diriguntur a Deo creata quælibet in suum finem . Ex hoc multiplici titulo sequitur absolutum, plenumque *dominium* Dei in creaturas . Homines propterea subjacent Deo creatori, conservatori, provisorio, & domino . Ab eo acceperunt animam spirituales, immortalem, suisque in actibus *liberam* . Hobbesius, Spinosæ, Thomasius, Coccejus, aliique humanæ libertatis ofores, ineluctabile *Fatum* in scenam revocant, jure meritoque a sapientibus improbandum . Quamvis enim voluntas feratur in bonum, adhuc *libertas* illius non destruitur, neque *indifferentia activa*, quæ præviam cognitionem supponit, rectæque innitur rationi, quam inficiatur, aut saltem subdole exponit Hobbesius . In usu autem rectæ rationis *voluntas* ab *intellectu* dirigitur, quod Puffendorfius indebite negat, & hæc directio, ut præmonui, tendit in *bonum*, quod objectum est voluntatis integrum, & essenziale ; quamobrem audiendi non sunt, qui voluntatem allici

C

com-

communiſcuntur a voluptate cum Epicuro , a ſpe, ſive a metu cum Spinofa , ab utilitate cum Machiavello . Hæc enim concutere, atque etiam movere poterunt hominis mentem, quotieſcumque boni ſpeciem induant.

Ex hominis libertate ſequitur *neceſſitas legis* , quam æternus , & ſapientiſſimus Proviſor imprimere quodammodo debuit mentibus hominum , ut in verum ſincerumque bonum ſuos actus dirigerent , & ab inani, & fallaci, pedem retraherent . Operam ludit Schmauſius, qui hominem *ſine lege creatum* affirmat, & Helvetius, qui naturalis legis vocabulo designat *inſtinctum* quem animalia quælibet a natura acceperunt . Ex lege tradita creaturæ rationali liberæ, ſequitur *Imputabilitas*, de qua Puffendorſium diſſerentem caute catholici conſulant . Quicumque leges a Deo inſculptas hominum cordibus cum Thomasio, & Fleiſchero pro meris *conſiliis* aſſumpſerint, Deo legiſlatori injuriam irrogant, imputabilitatem enervant, ejuſdemque effectus de medio tollunt . Imputabilitas Deum cognitorem, & *judicem* ſervatæ, violatæque legis ſupponit, *præmia* diſtribuentem & *pœnas* . Commoda, & ærumnæ, quæ ſinente Numine a cauſſis ſecundis dependent, præmiorum, pœnarumque loco ſtare nequeunt ; ac propterea ex eadem imputabilitate *neceſſitas alterius vitæ* eruenda eſt . Impoſſibilis itaque erit *Atheorum Republika*, in qua nullus inſtare ſupponitur ultor poſt mortem Deus, ſicuti evidentibus argumentis contra Baylum Warburthonus oſtendit . Lege autem hac naturali hominibus quibuſcumque proviſum eſt, pro *conſideratione* etiam illorum *civili* . Regnandi propterea poteſtatem Principes ex hac naturali lege in ſeipſos derivant, & Divinæ, Regiæque majeſtatis reus exiſtimari debet Hobbeſius, qui Principes jure regnandi frui docuit propter *potentiam*, & ſubditos ad obediendum impelli ab eorum *imbecillitate*.

*Primaria Lex* a Deo tradita, & independenter

a Legislatore intrinsece bona, vocatur *Jus naturale*, cujus investigari debent principia, fundamentum, finis, obiectum, & proprietates. Heineccius, qui *amorem Dei, sui ipsius*, & *proximi* posuit pro Juris naturalis principio genuinum expressit illius characterem, a quo parum distant Barbeyracius, & Burlamacquius, qui Religionem, sui, proximique amorem, & Finettus, qui custodiam naturalis ordinis in hæc eadem tria capita dispersitam pro Juris naturalis principio considerant. Minus recte de hoc principio senserunt Rousseau, qui amorem sui, & commiserationem aliorum, Hobbesius qui propriam conservationem, Puffendorphius qui socialitatem, Thomasius qui opera tendentia ad diuturnitatem, & felicitatem vitæ, Wolfius qui hominis perfectionem pro Juris naturalis primo, & præcipuo fonte proposuerunt -

Sicuti vero *fundamentum* cognitio, ita & *finis* proximus Juris naturalis *custodia* erit, & *exercitium* amoris Dei, sui ipsius, & proximi. Et quamvis non prohibeamur pro secundario fine, & mediato ejusdem Juris felicitatem, ab exercitio triplicis amoris deductam assumere, acquiescendum tamen non est Wolfio affirmanti ad Jus naturale servandum teneri neminem, qui de assequenda felicitate desperet. Quod Juris naturæ *objectum* liberæ sint hominum actiones, apud omnes in confesso est; quod vero etiam internæ ad illud referantur, contra Puffendorphium ostendi poterit. Aeternitas, necessitas, & universalitas, *proprietates* sunt ejusdem Juris accurate exponendæ. Finettus cum aliis inter Juris ejusdem proprietates numerat *obligationem*, quam pro effectu sumendam arbitror, ut clarius etiam appareat, cur spes, & metus male sumantur a Thomasio, tanquam obligationis causæ, cum sint externa pro custodia legis incitamenta.

Præmissis generalibus doctrinis, quæ pertinent



ad Jus naturale , *Officia* hominis erga *Deum* , erga *seipsum* , & *alios* exponenda erunt , ut finis proximus Juris naturalis clarius innotescat . Cum igitur *Deo* accepta referri debeant omnia , quæ ad homines pertinent , & de nullo gloriari possint , quod ab eo non acceperint , illum toto animo , & super omnia tenentur diligere , interno , externoque cultu colere , ejusdemque legem implere . *Amor* suimet ipsius externam corporis conservationem , unde oritur Suicidii scelus , internunque regimen complectitur , cum studio assequendæ virtutis , cum fuga vitiorum , rerumque temporalium usu moderato . Proximi tandem *dilectio* , sollicitos reddere debet homines erga Principem , erga Patriam , erga Sacrorum Ministros , erga familiam , erga alios homines universos , gradatione quadam adhibita , quam fusiori oratione Grotius prosequitur , & in syllogem tyronibus utilem Purchotius contraxit .

*Virtutis dilectionem* , fugamque vitiorum , Jus naturale generali quodam præcepto nobis insinuat , ut consequi valeamus felicitatem , quam Deus nunquam definit procurare hominibus quibuscumque , & in quam tendunt perpetuo nisu eorundem hominum vota , & actiones ; sed *Moralis Philosophiæ* proprium est æqualance actiones easdem expendere , & cum lege æterna comparare , ut bonitas , sive malitia earundem manifestetur . Hisce enim mediis , hac arte , *Ethica* iter præparat ad summum bonum , veramque felicitatem , & ita intelligitur , Heineccio animadvertente , quomodo hæc disciplina segregetur a Jure naturæ . *Canones* , & regulæ morum proponuntur ab *Ethica* , quæ in apertum deducit virtutes æternæ , & incommutabili Bonitati conformes , sicuti & vitia , quæ ab eadem Bonitate deflectunt , eidemque opponuntur . Quæritur etiam ab *Ethica* , utrum quilibet actus humanus singulariter sumptus , & in individuo , ita cum morum regulis

gulis consentiat, aut ab illis dissideat, ut nunquam *indifferens*, sed bonus, aut malus moraliter, & intrinsece vocari debeat: utrum *affectus animi* morales scientiæ legibus subjiciantur, quæ methodo temperentur: utrum denique in politico societatis regimine *vitia* necessario locum habere debeant, sicuti in Apum fabula Mandevillius labore irritò evincere conatus est.

*Juris naturalis* principia plurimorum exercuerunt Scriptorum ingenia. Quæ Hobbesius, Grotius, Cumberlandius, Puffendorfius, Thomasius, Wolfius, Burlamacquius, Heineccius, & ex A catholicis alii, ad hanc spartam ornandam congefferunt, maturo, serioque librentur examine; quando ex doctrinis breviter recensitis apparet, eos studio partium abreptos, & novitatis cupidine accensos sæpe falsa, & pernicioſa dogmata proposuisse, quæ emendatrice catholici Præceptoris manu frequenter indigent. Quos autem consulendos proponam Catholicos, ne a recta semita deflectendi incautis, & non satis emunctæ naris nostrorum Juvenum Magistris, præbeatur occasio? In operibus Patrum, quos inter eminet pro hoc argumento in libro de *Officiis* S. Ambrosius, plura inveniuntur egregie dicta, & a virulentis Barbeyracii morſibus perperam lacerata, & plura in veterum Scholasticorum voluminibus, præsertimque in libris Angelici Doctoris *contra Gentiles*. Duos ego recentissimos Scriptores proponam, videlicet Thomam Cerbonium ex præclarissima Fratrum Prædicatorum Familia, & Joannem Franciscum Finettum Venetum. Ille in tribus *naturalis Theologiæ* libris Romæ evulgatis anno 1768. postquam libro II. quæst. 6. de libertate hominis egregie disseruisset, libro III. quæst. 5. naturalis Legis principia revelat, aliaque plura argumenta versat tyronibus, eorumque præceptoribus utilissima. Ille vero satis amplum de *Jure naturæ* com-

men-

mentarium scripsit ; eruditisque ejusdem laboribus me debere plurimum ingenue fateor .



*Moralis Philosophiæ* rudimenta tradidit le Grand in gallico opere *de homine ab affectibus libero*, cui addi poterit ejusdem nationis scriptor de la Chambre, in suis *characteribus passionum*, nec non Claramontii aureus liber *de conjectandis latentibus animi affectibus*. Ex recentioribus illi, qui Cebetis tabulam, Stoicorum, & Socraticorum, Zoroastri, Confucii, aliorumque veterum Philosophorum moralia præcepta illustraverunt nomina, & scripta, in Historia Philosophica Brucheri indicata reperientur. *Moralis Philosophiæ* Emmanuelis Thesauri parvipenditur, quia inutilia utilibus permiscet. *Institutiones Ethicas* omnium optimas dederunt Hornejus, & Kippingius; verum utriusque scriptoris opera in Bibliothecis pulverulenta jacent. Purchotii *Ethicam* pro usu scholarum commendatam præceptores assumant, si meliori scriptore destituantur, qui a revelatis, naturalia Moralis Philosophiæ documenta segregare docuerit.

# DUBIA ET QUÆSTIONES

*Datis fortibus solvendæ in experimentis, quæ præmittuntur Graduum assecutioni.*

## Annus Primus

### EX LOGICA, ET EX METAPHYSICA:


1.  Uid sit Logica, quodnam Logicæ objectum, & quænam ejus partes.
2.  Quid sit perceptio; quid, & quotuplex sit idea, & quomodo in mente hominum ideæ formentur
3. Qua via, quæ ratione didicerint homines vocum, & vocabulorum auxilio ideas exprimere, eisdemque in aliorum hominum notitiam deducere.
4. Quid sentiendum sit de Hieroglyphicis aliisque signis, & characteribus pro idearum communicatione.
5. Quid sit Judicium, & quid Propositio, & quotuplex.
6. Quid sit Ratiocinatio, & an intellectus cogatur assentiri propositioni, siue conclusioni deductæ ex syllogistica forma.
7. An Syllogistica forma e scholis sit eliminanda.
8. Quæ utilitas inferri possit ex sorte, ex dilemmate, atque ex methodo disputationis Socraticæ; & an locum habeat inter sophismata argumentum ab invidia ductum.
9. Quænam sint media Veritatis cognoscendæ, & an Cartesianæ de omnibus dubitatio inter ea locum habeat.
10. Quodnam sit principium mentis directivum in scientia acquirenda, seu veritatis Criterium.
11. Quid, & quotuplex sit evidentia, & quid sit scientia, quæ per evidentiam acquiritur.
12. Utrum fides, & scientia simul inveniri possint in eodem intellectu, circa idem objectum.

13. Quid sit probabilitas , & opinio , & utrum illarum conjunctionem scientia patiatur .
14. Quid sit Ars Critica , & quænam ejus nobiliora præcepta ; & quomodo probabilitate utatur pro veritatis quantum fieri potest assecutione .
15. Quid sit Metaphysica , quodnam Metaphysicæ objectum , & quænam ejus partes .
16. An Possibilitas sit essentielle Entis fundamentum .
17. Quotuplex sic Ens , & quæ Entis proprietates .
18. An , & quibus argumentis metaphysicis , physicis , & moralibus Entis supremi , seu Dei existentia , ejusque Attributa demonstrentur .
19. An malum cum physicum , tum morale Divinæ officiat bonitati .
20. An Deus immotus , & absque alterius principii concursu , omnia moveat voluntate libera , etiam in ratione finis .
21. An præter Deum agnoscendæ sint aliæ substantiæ spirituales a qualibet concretionem materiali immunes .
22. An Mens humana sit omnino incorporea , & spiritualis .
23. An dentur in humana mente ideæ innatæ .
24. An mentem , seu animam inter & corpus vinculum quoddam admittendum sit , cujus beneficio pro motu corporis ideæ conformes excitentur in anima , & hac imperante , debitas corpus eliciat operationes .
25. An hujusmodi vinculum per systema causarum occasionalium recte explicetur , cum Cartesio , & Mallebranchio .
26. An per harmoniam præstabilitam Leibnitii , & Wolfii .
27. An per influxum physicum Scholasticorum .

An-

## Annus Secundus

## E X P H Y S I C A.

1.  Uid sit Physica, quodnam ejus objectum, & quænam sint Physicæ partes.
2. Quænam corporum naturalium principia sint admittenda.
3. An admissis primigeniis Atomistarum, seu Newtoni particulis, accedente mutuo earum plexu, & attractionis vi, quorumlibet corporum compositio intelligatur, earundemque particularum distributio, & symmetria, formas constituat corporum naturalium.
4. An qualibet materiæ pars sit in infinitum divisibilis.
5. Quid sit tempus, & ob quam causam dividatur in absolutum, & relativum.
6. Quænam sint temporum distributiones a Chronologis traditæ, & quæ sint ætatum præsertim antiquarum partitiones.
7. Quid sit Locus, tam absolutus, quam relativus.
8. An virtute divina plura corpora eodem in loco simul esse possint.
9. An possibile sit Vacuum coacervatum, & disseminatum.
10. Quid sit Motus localis tum absolutus, tum relativus.
11. Quænam sint primariæ Motus leges juxta Newtonum, & quænam earundem legum consecutaria.
12. Quid sit Attractio, & an attractionis vis omnibus materiæ partibus insita sit.
13. An admittendæ sint Vires vivæ, & in earum mensura locum habeat velocitatis quadratum.
14. Quibus legibus subiaceant corpora, quæ moventur ob vim sibi impressam, & ea quæ descendunt perpendiculariter, & in plano inclinato.
15. Quænam assignanda sit causa, cur in montibus Peruvianis pendula oscillatoria a perpendiculari deflectant.
16. An admittendæ sint vires centripetæ, & centrifugæ.

D

17.


17. Undenam repetenda sit corporum cohaerentia .
18. Quænam sint Staticæ leges .
19. Quænam sint leges Hydrostaticæ .
20. Quid sit Elasticitas , & quænam Elasticitatis causâ .
21. Quænam sint Electricitatis principia .
22. In quonam statuenda sit corporum fluiditas .
23. Unde oriatur fermentatio , & corruptio corporum .
24. In quonam collocanda sit ignis essentia , & natura .
25. An Lux sit substantia subtilissima e corpore lucido dimanans , & quomodo propagetur .
26. An ad attendendum sit Nevvtonianum Systema lucis , atque colorum , & quomodo supposita hac theoria , corpora colorata appareant .
27. An Fulmina tam prope telluris superficiem , quam longe ab ipsa , ac in nubibus efformentur , & oriantur .
28. Quænam sit Fulminum materia , inflammationis causâ , & modus operandi .
29. An Aurora Borealis ex quadam solari , seu zodiacali luce oriatur .
30. Utrum Aer sit gravis , & elasticus .
31. An suspensio Mercurii in tubis Torricellianis ab aeris pressione , & gravitate sit repetenda .
32. Quænam sit causâ variationis altitudinis Mercurii in barometro .
33. An aeris raritas distantiae a globo terrestri commensuretur .
34. Quomodo generentur Venti .
35. An sonus propagetur per undas aereas a tremulo motu partium insensibilium corporis in ipso aere excitatas .
36. Quænam sint leges propagationis sonus ab Academicis Florentinis , & a Muschembroechio traditæ .
37. Quomodo efformentur vapores , & exhalationes ; & quænam sit eorundem elevationis , ac descensus causâ .
38. Quænam sint Iridis phænomena , & quænam sit Iridis natura , & causâ .
39. An Terræ figura sit spheroidis versus Polos compressæ .
40. Utrum Montes tempore universalis diluvii fuerint efformati , & quæ sit vera causâ Testaceorum .
41. Undenam repetenda sit Terremotus causâ .
42. Quænam sit causâ marini æstus .
43. A quonam principio plantarum origo desumi debeat .

44. Utrum Animalia omnia nascantur ex ovis .
45. An admittendæ sint Naturæ plasticæ universales pro terræque mollis directione , & speciales pro viventium generi .
46. Quid sentiendum sit de principio vitali , quo bruta moventur , an in ipsis agnoscenda sit anima spiritalis , an vero dicendum sit bruta esse pura automata .
47. An materia cogitare possit .
48. An anima humana Deum habeat creatorem in mundi exordio , an vero post fœtus conceptionem .
49. An admittenda sit opinio Fabri , & Mallebranchii , qui hominum corpuscula in primo homine latentia effinxerunt .
50. An animæ humanæ essentia in cogitatione sit reponenda .
51. An causæ omnes creatæ sint mere occasionales , & an homini conveniat ratio causæ efficientis .
52. An homini convenire possit ratio causæ creatricis , an vero soli Divinæ Omnipotentæ sit tribuenda .
53. An Mundus in tempore , & ex nihilo fuerit a Deoeductus .
54. An Mundus potuerit creari ab æterno .
55. An Deus in mundi creatione nullam aliam rationem sufficientem sibi metipso proposuerint , nisi suam liberam voluntatem .
56. An admittendum sit principium , quod vocant identitatis indiscernibilium a Leibnitio , & Wolfio inductum ; & an dati possint duo entia perfecte similia .
57. Ex tribus mundi systematibus Ptolomæi scilicet , Tycho- nis , & Copernici , quodnam admittendum esse videatur .
58. Utrum motus elliptici Planetarum deduci debeant ex universali attractionis , sive gravitationis principio .
59. Utrum probabile sit Planetas incolis suis non carere .



## Annus Tertius .

### EX JURE NATURALI, ET EX PHILOSOPHIÆ MORALIS PRINCIPIIS .

1.  **N**aturali ratione constat Deo creata quælibet conservandi virtutem competere .
2. **An** Deus immediate concurrat ad creaturarum operationes , & quomodo .
3. **An** Deus providentia sua creata quælibet dirigat in suum finem .
4. **An** Deo competat absolutum ac plenum Dominium in creaturas .
5. **An** homines subjaceant Deo creatori , conservatori , provisorio , & domino .
6. **An** anima hominum spiritualis , sit etiam immortalis , & in suis actibus libera .
7. **Ad** admittendum sit Fatum .
8. **An** voluntatis libertas , ejusque indifferentia activa , quæ præviā cognitionem supponit , rectæque innititur rationi , destruatur ex ejus tendentia in bonum .
9. **An** voluntas in usu rectæ rationis ab intellectu dirigatur , & hæc directio tendat in bonum .
10. **An** voluptas , spes , metus , & utilitas per se movere possint , & allicere voluntatem , etiamsi boni speciem non induant .
11. **An** admittenda sit necessitas Legis , a Deo provisorio mentibus hominum quodammodo impressæ , ut in bonum suos actus dirigant .
12. **An** assentiendum sit Helvetio , qui naturalis legis vocabulo designat instinctum , quem animalia quælibet a natura acceperunt .
13. **An** ex lege naturali sequatur Immutabilitas .
14. **An** leges naturales sint mera consilia .
15. **An** Deus sit cognitor , & judex servatæ violatæque legis , præmia distribuens , & pœnas .
16. **An** commoda , & ærumnæ , quæ , Deo finente , a causis secundis dependent , præmiorum , pœnarumque loco stare

- stare possint; an vero necessitas alterius vitæ sit admittenda, attento solo naturali lumine .
17. An dari possit, & subsistere Atheorum Respublica, in qua nullus instare supponatur ultor post mortem Deus.
  18. An lege naturali hominibus quibuscumque provisum sit pro civili etiam illorum confederatione .
  19. An regnandi potestatem Principes ex lege naturali derivent, an vero hoc regnandi jure fruantur, propter potentiam, & subditi ad obediendum impellantur ab eorum imbecillitate .
  20. Quid sit Jus naturale; & an sit intrinsece bonum .
  21. An Juris naturalis principium in amore Dei, sui ipsius, & proximi sit statuendum .
  22. An propria conservatio, socialitas, opera tendentia in felicitatem vitæ, & perfectio hominis, assumi debeant pro genuino Juris naturalis principio .
  23. Quodnam sit Juris naturalis fundamentum, quinam finis tam primarius quam secundarius, & quodnam objectum illius
  24. An qui de assequenda felicitate desperat, ad Jus naturale servandum teneatur .
  25. An internæ hominum actiones liberæ, ad Juris naturæ objectum sint referendæ .
  26. An Jus naturæ sit æternum, necessarium, & universale .
  27. An obligatio sit Juris naturalis effectus .
  28. An spes, & metus recte sumantur tamquam obligationis causæ, seu potius sint externa pro custodia legis incitamenta
  29. An homines teneantur ex vi naturalis legis Deum toto animo, & super omnia diligere, eumque interno æternoque cultu venerari .
  30. An homines teneantur ad amorem suimet ipsius atque ad corporis conservationem; & an Suicidium sit licitum .
  31. An Proximus sit diligendus ex legis naturalis præcepto .
  32. Quænam sint officia hominis erga Principem, patriam, sacrorum ministros, familiam, hominesque universos .
  33. In quonam consistat bonitas, sive ex opposito malitia actionum humanarum .
  34. Utrum quilibet actus humanus singulariter sumptus & in individuo, possit esse indifferens .
  35. Utrum affectus animi morales scientiæ legibus subjiciantur, & qua methodo temperentur .
  36. Utrum in politico societatis regimine vitia necessarium locum habere debeant .

An-

## Annus Quartus.

### LOCI THEOLOGICI, ET TRACTATUS DE DEO UNO, ET TRINO.



Uamvis Clementissimi Numinis beneficio, ad naturalem illius cognitionem assequendam homines viribus mentis innixi erigantur, plura tamen supersunt eisdem manifestanda, aut clariori luce illustranda, quæ absque Divina Revelatione occulta prorsus laterent, & quorum ignorantia ab affecutione finis ultimi, videlicet a possessione, & fruitione ipsiusmet Dei, miseram Protoparentum sobolem arceret. *Revelatio* propterea, cujus possibilitatem, & credibilitatem argumenta edocent evidentissima, nedum erit utilis, sed necessaria, eandemque admittendam esse ostenditur ex duplici Divinitatis charactere, videlicet ex *Miraculis*, & ex *Prophetia*. Neque alibi *Dei Verbum* hominibus revelatum quærendum est, nisi in sacrarum Scripturarum volumine, & in perenni constantique Traditione, cujus fontes ab Ecclesia, Conciliis, Romano Pontifice, & Patribus deducendi sunt, additis ad uberiores illustrationem Theologorum placitis, Historia, Philosophia, & naturali Ratione. Firmissima hæc sunt Theologiæ fundamenta, quæ *Loci Theologici* vocantur, in quibus sedulo exerceri decet tyrones in divinæ Facultatis mysteriis initiandos.

Primo itaque ostendi opus est, quid sit *Divina Scriptura*, & quibus ex partibus, sive *Libris Canonis* cum veteris, tum novi Testamenti coalescat. Integritas illius, & veracitas subinde probari debet, con-

tra

tra Deistas, ut præparetur animus ad fidem præstandam *Prophetiis*, quas iniquissimo consilio Spinoza æstrum vocavit fervidæ mentis: Grotius assumi non posse docuit pro demonstratione, sed in confirmationem illius: & Woolstonus allegorias esse commentus est. *Miracula* & ipsa vindicari debent ab ejusdem Spinozæ, aliorumque pravorum hominum sophismatis, ostendendo, non occultis naturæ viribus utriusque Testamenti prodigia, sed Deo naturæ ordinem immutanti in testimonium veritatis, ascribi oportere. *Miracula* fieri, & futuri temporis fata, quæ caliginosa nocte premuntur, ab improbis etiam manifestari poterunt, sed pro veritate confirmanda; quamobrem *miracula Paganorum*, & præsertim Apollonii Tyanæi, aperti mendacii arguentur adversus Philostratum, aliosque christiani nominis adversarios. Risum movere, & cordatorum sibilos excitabunt ipsa quoque *Paganorum oracula*, si quas Vandalius post doctissimum Thomasinium fraudes detexit, expendi velint. A veritate etiam alienas esse ostenditur sententias de Gentium ritibus, quos emendatos a Deo in Legem Mosaicam commigrasse Spencerus affirmat. Cætera, quæ de librorum divinorum antiquitate, divisione, multiplici sensu, versionibus, & vulgatæ editionis, cui robur addidit Tridentinum Concilium, autenticitate, atque etiam de privata interpretandi Scripturas facultate, sublato irreformabili Ecclesiæ judicio, cui Novatores non acquiescunt, investiganda sunt & addiscenda, reperiri poterunt in *Prolegomenis* Montani, & Waltoni, in *Apparatu Biblico* P. Lamy, in *Prolegomenis Biblicis* du Pinii, qui tamen cum Richardo Simonio æquis non semper passibus graditur, in *Præfationibus* Martianæi ad *Sacram Bibliothecam* Hieronymi, in *Apparatu* P. Annati, in *Theologia Revelata* P. Cerbonii, & in aliis plusquam sexcentis, quos numerat P. le Long in sua *Bibliotheca*.

Opti-

Optima e suis fontibus *Traditiones* hauriendi methodus foret, opera Patrum, servata serie sæculorum, evolvere, Acta, & Canones Conciliorum expendere, Ecclesiasticam historiam in Natali Alexandro, Fleury, Cayzo, in Petavii *Rationario*, atque in aliis, de hac sacræ eruditionis parte optime meritis, meditari. Ex hoc tamen immenso veluti oceano, modicus humor juvenibus gustandus proponatur, ut intelligant, quid sit Traditio, qua ratione ab humanis separentur Traditiones Divinæ, & quomodo demonstrari possit easdem custodes fuisse, a mundi exordio ad nostram ætatem, veræ doctrinæ, adversus quam irrita labore præliantur Rivetus, Dallæus, Piceninus, & Barbeyracius. Nat. Alexander Rivetum impugnat, atque Dallæum, Picentinum Card. Gotti, & Barbeyracium iteratis curis Ceillerius.

*Ecclesia* divinarum Traditionum vindex, Locus est Theologicus novatoribus molestissimus. Ecclesiæ naturam, visibilitatem, & membra juvenes nostri considerent, ut veterum, recentiorumque extra septa Ecclesiæ vagantium mendaciis obsistant. Notas Ecclesiæ dein recenscant, & proprietates, præsertim vero infallibilitatem, & indefectibilitatem. Bellarminus in *Controversiis*, Fratres Wallemburgici, Bossuetus operum Tomo I. Nicolius in *præjudiciis contra Calvinianos*, Liberius a Jesu in suis *Disputationibus*, & Holdenius in *fidei analysi* abunde cuilibet eos consulenti satisficient.

*Conciliorum* genuinus character, eorumdemque inerrantia, necessitas, convocatio, præsentia, & confirmatio, themata erunt breviter attingenda, in quibus egregiam navarunt operam Alexander, Lupus, Cabasfutius, Jacobatius, de Marca, & Richerius: quamvis duo postremi cum Lovaniensi Doctore, qui de *Locis Theologicis* meruit, non sine cauta animadversione consuli debeant. Eiusdem Lovaniensis, aliorumque diligentiam commendo, in recensione Generalium Con-

Conciliorum, eorum historia, præcipuisque Decretis ad fidei dogmata, & ad Ecclesiæ disciplinam pertinentibus.

In *Romano Pontifice* potentiorē residere principalitatem, cum S. Irenæo testantur catholici. Caput ille est atque Primas Ecclesiæ, cum per orbem diffusæ, tum in Generalibus Synodis congregatæ. Primatus enim collatus Apostolo Petro in eo residet, & extorris foret a fide, quicumque sublimi huic primæ Sedis dignitati adversaretur. Eiusdem supremi Hierarchæ infallibilitas gravi defenditur rationum pondere, quod Bossuetus, du Pinus, alique Theologi minuere conantur. Hæc eadem sunt fata Pontificiæ autoritatis supra Concilium. Hanc ego controversiam animo reputans, animadverti, quod si Romana Sedes suo Præsidi non videtur, & de Petri successore non ambigatur, quemadmodum Constantiensis Concilii ætate contigisse novimus, Concilium sine Romani Episcopi, sive Legatorum ejus præsentia, acephalum erit; quomobrem caput & membra seorsim videntur considerata non esse. De *Romano Pontifice*, quæ typis edita leguntur commentaria Cardd. Bellarmini, Ursi, & Gotti, quæque scripserunt Petitdidierus, Serry, Berti, & Zacharia, ut Gersonis, Richerii, du Pinii, declarationes Cleri Gallicani, & Febronii argumenta refellerent, in domuum nostrarum bibliothecis non deerunt.

*Patrum* illustriorum doctrina elucet in ecclesiasticis collectionibus Cavæi, du Pinii, & Oudini. Cum tamen in illis plura improbanda offendantur, post Tillemontium ego ipse *Apparatum* proponam P. Nourry, *Concordantias Patrum* a Marechallo collectas, & Annatum in *Apparatu* altero ad Theologiam positivam. Quæcumque supersunt de Theologorum placitis, de Historia prophana simul & ecclesiastica, de Philosophia, & de naturali Ratione summatim exponenda erunt,

E

ut

ut parcatur tempori in utilioribus infumendo . Melchior Canus primus omnium de *Locis Theologicis*, nitida usus oratione differuit . Post illum plurimi Cani exemplum imitati sunt , præsertim hoc quo vivimus sæculo ; & ab eisdem Locis in unum coadunatis Theologorum studio , & discussione , ad Dei contemplationem progrediendum est .

Ad illam nostrorum juvenum mens præparari posset brevi & succulenta demonstratione *veritatis Religionis Christianæ* , quæ adversus Atheos , Materialistas , Deistas , Politheistas , Judæos , & Mahumedanos a Grotio , Clarckio , l' Abbadie , Jacquellorio , Paſchalis , Lamy , Fenelonio , Gerdilio , aliisque pluribus invictè demonstrata est . Hisce ego Prolegomenis discipulorum , quos in Pisana Academia erudiendos acceperam , animos disposui ad sermonem habendum de Deo , cujus existentia , & attributa jam præostensa , hoc loco supponi poterunt , ut manifesti erroris , & pervicaciæ arguantur Judæi , & illi quos crassæ Alcorani fabulæ dementant . De Judaismo reprobato post adventum Messiae , triumpharunt Martinus in *Pugione fidei* , Spanhemius , qui causas explorat incredulitatis Judæorum , & Huetius . Mahumedanis opponuntur Forbescius lib. IV. *Instructionum* , Relandus , & Marraccius . Quod si dogmata , servato argumentorum ordine , a purissimis fidei laticibus haurienda sunt , opportunum erit eisdem præmittere contra Pomponantium in Lateranensi Concilio proscriptum , & Socinianos , fidem , humanamque rationem ad invicem non destrui , sed a fide proponi , quæ supra rationem , aut præter illam revelantur a Deo .

Accedens itaque ad ipsum supremum Numen , nomina quibus exprimitur apud Hebræos , Græcos , Latinos , primo loco poterit investigare , sicuti Limborchium apud Remonstrantes , Tournely , & P. Berti apud Catholicos fecisse , notum est . Incommunicabile

no-

nomen *Jehovah* criticorum ingenia torquet, præsertim post Harduini singularem in illo, sicuti & in aliis pluribus sententiam. Divinationis loco proponerem, utrum ex nomine, quod reverentia ducti, & non exemplo Aegyptiorum, uti Clericus comminiscitur, Hebræi pronunciare non audebant, nedum Ens intelligatur sibi ipsi sufficiens, & a semetipso subsistens, sed etiam qui semel pollicita servat, & implet. Promissiones revera factæ veteribus Patriarchis tunc implebantur, quando Moses hebraicam gentem ex Aegypto in terræ Chanaan possessionem deducturus erat; atque ita Dei in promissis servandis fidelitas manifestabatur, & ab eadem fidelitate nomen, antiquioribus Patribus non indicatum defumebat.

Absoluta nominum recensione, *Dei Existentia* ostendenda est argumentis, quæ alibi discussa fuerunt. Existentiæ Divinæ copulari debet *Essentia*, quam in *Independentia*, sive in *Aseitate* concordi fœdere Theologi omnes inveniunt. Alia etiam *Attributa*, & *Perfectiones* necessario conveniunt Deo. Quomodo, quæ ratione Perfectiones in Divina contineantur Essentia querendum erit, & postea investigandum, quæ distinctio non realis, ob quam Gilbertus Episcopus, & Joachim Abbas damnantur, sed reali minor segreget *Attributa* Dei ab ejusdem Essentia, atque inter se.

*Attributa* eadem bifariam separari poterunt. Alia enim Deo conveniunt in ratione Entis, & alia in ratione Entis vivi, & operantis in se, & in creaturis. A priori parte hujusce distributionis, quæ parum distat ab illa, quam proponunt Theologi, nobis exhibetur 1. *Dei Unitas* contra vetustissimum Dualismi delirium restauratum a Manichæis, & contra falforum Deorum myriades. 2. *Simplicitas* contra Antropomorphitas, & Audianos, quorum seriem a Petavio auctam fuisse dubitatur. 3. *Infinitas* in essentia, & in perfectionibus, quas



Scholastici in suas classes distribuunt . 4. *Immensitas* de qua Vossius in origine idolatriæ , & Huetius in quæstionibus Alnetanis singularia quædam scrutantur . 5. *Immutabilitas*, etiam in Decretis , quod Sociniani cum Worſtio inficiantur . 6. *Aeternitas* , quam egregie definivit Boethius . 7. *Invisibilitas* respectu habito nedum ad corporeum oculi organum, sed etiam ad intellectualem mentis facultatem , nisi coadiuvetur a Deo . 8. *Incomprehensibilitas*, quam de medio auferre conati sunt Anomæi , qui Dei, sicuti hominum intimam cognitionem se habere gloriabantur .

In eodem supremo Numine, si vivum & operans consideretur , primo loco *Vitam* ego ipse aliquando proposui , ut illustrentur innumeri Scripturarum textus , in quibus Deus vivens repræsentatur . Nomine Vitæ intelligitur actus simplicissimus , & efficacia interna immanens , & perpetua , qua Deus in se, sive ad intra operatur , & extra se operatur , & ad operandum promovet , & pro libito promovere potest creaturas . 2. *Visio Dei* activa , quæ perfectissima est suimet ipsius comprehensio ; & passiva , quæ Deum constituit obiectum visionis Angelorum , atque Beatorum . Utrique tamen indigent lumine gloriæ , ut fruantur Dei visione , quam differri ad Iudicii diem Heterodoxi affirmant , non tamen Joannes XXII. definivit . 3. *Iustitia* . 4. *Misericordia* . 5. *Omnipotentia* 6. *Providentia* . 7. *Libertas* : & hæc attributa sunt humanæ rationi non impervia , quæ validioribus momentis proponuntur a Fide . Tria quæ supersunt attributa , videlicet . 8. *Scientia* Dei 9. *Voluntas* illius . 10. *Prædestinatio* , & *Reprobatio* accuratum examen efflagitant . In illorum discussione scinduntur Theologi , & acerrime pro sua quique sententia præliantur . Noverint nostrorum juvenum præceptores in Deo duplicem scientiam *simplicis intelligentiæ* , & *visionis* esse admittendam , repudiata penitus ,  
pro

pro statu præsertim naturæ lapsæ *Scientia Media*, cum in eodem statu, Decretum gratiæ efficacis & prædeterminantis, ante prævisionem meritum statui oporteat. Deus enim, affirmante Augustino, voluit prius experiri quid posset liberum arbitrium hominis; postquam autem prævidit luctuosam generis humani ruinam, clementiæ suæ beneficium appoluit in Redemptionis decreto; & quamvis pro hominibus quibuscumque Redemptio fuerit prædefinita, ad ostendendas tamen divitias Misericordiæ, quibusdam ante prævisa eorum merita, decernere voluit gratiam efficacem, perseverantiam, & gloriam. Gratia hæc efficax, ex qua sequitur opus bonum, quod libere fit, iuste negatur aliis, quibus diversam largitur gratiam, cui homines culpabiliter resistunt, & ex qua bonum opus non sequitur. *Prædestinatio* qua illi eximuntur a perditionis massa, gratuita penitus erit; *Reprobatio* autem, qua urgente, damnantur isti, post peccatum saltem originale prævisum decernitur. Geographorum more brevibus lineis immensa veluti spatia metitus sum, ut qui gravissimam hanc controversiam tractandam assumpserint, ambigere nequeant, quæ tutior semita eisdem calcanda offeratur.

De *Essentia*, & *Existentia* Dei sermonem habent Theologi fere omnes, quibus consociandi sunt Christianæ Religionis assertores. Attributorum Dei distinctionem enucleant, post S. Bernardum, Scholastici. Me plurimum debere fateor in hoc argumento, & in generali Dei Attributorum notitia, laboribus Estii, Petavii, Thomadini, Herminieri, Contensonii, & Berti. *Simplicitatem* Dei illustrent S. Epiphanius contra *Audæanos*, Cotelierius in *notis* ad S. Clementis epistolam, Pamelius in *Paradoxis Tertulliani*, & Huetius in *Origenianis*. *Infinitem*, atque *Immensitatem* Dei in clariorem diem protulerunt controversiæ, quæ Arnaldum inter & Mallebranchium Parisiis excitatæ sunt. Pro *Im-*  
*muta-*

*Immutabilitate*, atque *Æternitate* legi poterunt Socinianorum oppugnatores, præsertim Maresius. Quæ pertinent ad *Invisibilitatem*, *Incomprehensibilitatem*, & *Visiorem* Dei, discussa inveniuntur a Garnerio in *Theodoritum*, ab Allatio contra *Hottingerum*, & in altero opere de *Consensu*, in quo Palamitarum somnia dispellit, & explicat quomodo dicatur *Deus habitare lucem inaccessibilem*. De *Vita* Dei erudite loquuntur Bibliorum interpretes, etiam illi, quibus Criticorum Sacrorum nomen concessum est. *Iustitia*, *Misericordia*, *Providentia*, & *Omnipotentia*, veterum quoque Poetarum carminibus commendatæ, eos habent vindices, quos de Religionis veritate disceptantes audivimus. *Scientia*, quæque post eam expendentur *Attributa* Dei, ut firmius animo adhæreant, opportuna erit lectio S. Augustini in libris de *prædestinatione SS.* & de *dono perseverantiæ*. Dimicant pro *Scientia* Media Lud. Molina in *Concordia*, P. Daniel suis in *Epistolis*, & Lud. Blancius in *Thesibus Sedonensibus*, sed adversus illam insurgunt Hyac. Serry in *Schola Thomistica vindicata*, Nat. Alexander in *Dissert. V. Sæc.*, suis in *Epistolis* Gravelonius, & plenissime P. Berti. De *Hæresi* tandem *Prædestinariana*, cujus historiam scripsit Sirmundus, præteriri non debent Nat. Alexander loco laudato, Calmetus in *Dissertatione* de hac hæresi, Thomasinus *Dissert. XIII.* in *Concilia*, & cum aliis pluribus P. Berti.

Ineffabili *Trinitatis* Mysterio postremi labores hujus anni consecrandi sunt; neque ab illis, recedendum ex eo quod SS. Athanasius, Ambrosius, aliique dehortantur homines ab ejusdem arcani scrutatione; procacia enim a PP. coercentur ingenia, non jubentur despondere animos nostri juvenes, qui pro humanæ mentis imbecillitate sublime Triadis Augustæ folium contemplari desiderant. Hæc autem mihi faciliior metho-  

dus

dus visa est , ut prius exponantur *vocabula* , quorum  
 in hoc argumento frequens usus apud Theologos , dein-  
 de recenscantur *heretici* impiique homines Trinitatis  
 oppugnatores , ac postea ostendatur illam *recto rationis*  
*lumini non adversari* . Quamvis autem argumentis ex  
 fonte naturalis intelligentiæ petitis non opponatur ,  
 adhuc tamen Trinitatis arcanum illustratione indiget ,  
 ac lumine fidei . Ostendendum propterea erit , ante ad-  
 ventum Christi Domini , qui Trinitatem perspicuam  
 reddidit Ecclesiæ suæ , in illius notitiam *Gentiles* non  
 descendisse . Sermo post hæc instaturandus erit de *Ju-*  
*deis* , qui Fidei depositum custodiebant , priusquam  
 Verbum assumpta carne illucesceret orbi . Hisce præ-  
 cognitis , demonstranda erit *veritas Trinitatis* , sive exi-  
 stentia trium Divinarum Personarum in unius ejusdem-  
 que naturæ unitate , & consubstantialitate . Ita planior  
 sternetur semita doctrinis theologicis *Processionum* , &  
*Relationum* , quæ fundamenta veluti sunt hujus Myste-  
 rii . Eisdem expensis , *Divinas Personas* in communi  
 acceptas contemplari opus est , earumque subsistentiam ,  
 existentiam , & proprietates absolutas atque relativas .  
 Tandem differendum de illis remanet , quæ unamquam-  
 que *Personam* seorsim assumptam respiciunt , ut de sin-  
 gulis ad Augustissimam Trinitatem pertinentibus , con-  
 veniens notitia obtineatur .

*Nomina* , quæ ad Trinitatis Mysterium referri  
 debent colligit , & diligenter explanat P. Herminier in  
 exordio *Traëctatus de SS. Trinitate* . Veterum sæculo-  
 rum adversarii expenduntur a P. Travaša , qui tamen  
 nimius est in libris quos scripsit *de priorum sæculorum*  
*hereticis* . Plura etiam inveniri poterunt in Tillemon-  
 tii *Memoriis* , & in Cavaei , atque du Pinii *Bibliothecis* .  
 Veterum simul , recentiorumque nomina , & frau-  
 des manifestantur a PP. Pinchinatio , & Sianda in  
*Hæreseon Lexicis* , a Scriptore Gallico *Historia Soci-*  
*nia* .

nianorum, & a Georgio Bullo in *Defensione Fidei Nicenæ*. Recensentur etiam, & accuratissime refutantur, post Petavium a P. Berti *Theolog. Disciplinarum* libro VII. atque in tres classes breviter & perspicue distribuuntur a P. Bossio Tomo II. *Instit. Theologicarum*. In prima classe ab eo collocantur Sabelliani, Ariani, & Macedoniani; in secunda Trithitæ, quorum Parens fuisse creditur sexto sæculo Joannes Philoponus, cujus pressit vestigia sæculo duodecimo Abbas Joachim; in tertia Sociniani, quorum errores pestilentissimi quibusdam in Europæ Provinciis adhuc serpunt. Socinianis addendum censeo cum Valentino Gentili Michaellem Servetum Genevæ combustum, instigante Calvino, & si non omnes, plures saltem ex Remonstrantibus in Hollandia, unde evenit, ut Grotii fides Gomaristis, aliisque suspecta fuerit.

Quod Trinitatis Mysterium recto rationis lumini non opponatur, certatim probant Theologi cum Angelico, Estio, Petavio, Billuartio, & Contensonio, qui cæteris diligentior in hoc capite mihi visus est. Contensonio, aliisque præcesserat S. Augustinus mirum quo pollebat mentis acumine, rationes, congruentias, & exempla suppeditans, quibus acquiescendum est. Opportuna æstimari etiam poterit *Trinitas logicis argumentis propugnata*. in quo tamen opusculo, dum Leibnitius brevis esse laborat, legentibus obscurus apparet. Trinitatis manifestationem *Gentilibus* factam tuentur post Abailardum, Mamertum, & Lullum, Steuchus in Libro I. *perennis Philosophiæ*, Card. de Aguirre Tomo II. *Menologii*, & in *Alnetanis Questionibus* Huetius, qui Platonicos arcanum vidisse opinatur per nubila, & caliginem. Platonicis patrocinatur iniquissimo animo Clericus, Trinitatem Christianorum confundens cum Trinitate Demiurgica Platonis. Adversus Clericum eximia cum voluptate legi *Prefationem* Maurinorum

ad *Opera S. Iustini*; nam ex temporum computatio-  
ne, ibidem apparet putidum Clerici mendacium. Com-  
munis inter Catholicos sententia docet Paganis Trini-  
tatem non innotuisse, & verborum similitudinem ex  
eo oriri, quod a Platone expilata fuerint Judæorum  
serinia, sicuti arbitraturs Lamius, apud quem libro III.  
*de Trinitate* inveniuntur testimonia Patrum, quibus  
placuit hoc ipsum opinari. *Oracula Sybillarum* Paga-  
norum causam meliorem non reddunt, quamvis cum  
Nat. Alexandro pro eorum authenticitate foret decer-  
tandum.

*Judeorum* Patriarchis, Prophetis, aliisque sancti-  
tate conspicuis viris, Trinitatem innotuisse, explorata  
mihi res est, ex Christi Domini verbis deducta; non  
tamen Judaicæ plebi, in qua sola requirebatur fides in  
Messiam, de cujus divinitate a sacris voluminibus eru-  
diri poterat. De Philone Judæo, cujus verba ad exa-  
men revocat Clerius in *Arte Critica*, hoc iudicium fe-  
rendum censerem: consociare eum voluisse insauis avi-  
bus Scripturarum doctrinas, cum fallaci Platonis phi-  
losophia, quam Judæi Hellenistæ Alexandriæ excole-  
bant, sine ulla tamen veræ Trinitatis notitia.

Ostendenda deinde erit *Trinitatis existentia*; atque  
inter testimonia ex novo Fœdere desumpta, satis celebre  
apud Criticos redditur illud Joannis Epist. 1. cap. 5.,  
*Tres sunt qui testimonium* &c. Pro supposititio esse  
habendum, post primas editiones Erasmi, cum Socinia-  
nis arbitraturs Rich. Simonius, qui sibi ipsi plaudit,  
quotiescumque labem minimam proferre possit, ad Sa-  
cri textus integritatem turbendam. Præter Tournely,  
l' Herminier, Berti, aliosque Theologos, hunc nodum  
solvunt Calmet in *Dissertat.* ad eundem textum, Gra-  
velor *de Sacra Scriptura* Part. 3. & inter novatores  
Coccejus. Traditio Ecclesiæ a quibuscumque proponi-  
tur post Petavium, in Græcis etiam PP. versatissi-

mun. Theologis addantur *defensio Fidei Nicænæ* Georgii Bulli, qui palmam reliquis præripere conatus est, observationes Nic. Nourry, a cujus *Apparatu* me plura didicisse libens fateor, Bossueti in Jurieu *Animadversiones*, Abb. Faiditii *systema de Trinitate*, & limatissimum Mon. Maurini Opus: *divinitas D. N. J. C.* Peculiarem in traditione sedem exposcit Nicænum Concilium, & vocabulum *Ὁμολογίον* quod assumi debet tamquam veræ doctrinæ tessera, quam Arianorum astus eludere nequiverunt. Traditio eadem ut inconcussa permaneat, adversariorum calumniæ propulsandæ sunt. Theologos inter, opus hoc exequuntur Tournely, & P. Berti; de PP. vero Antenicænis, quos Platonisimi insimulatos novimus, optime meruit P. Baltus, qui eorundem *Apologiam*, a viris doctis in pretio habitam, adornavit.

De *Processione Spiritus Sancti* sermonem habent, præter memoratos Scriptores, Allatius in *Græcia Orthodoxa*, nec non in *vindictis Synodi Ephesinæ*, & P. le Quien *Dissert.* I. in Damascenum. Quod Latini immerito redarguantur, tanquam Symboli corruptores pro additione particulæ *Filioque*, ostendunt idem Allatius *contra Creightonem*, & Mabillonius *Sæculo secundo Benedictino*. De Liberio quem Valesius, & Pagius post Blondellum, Nicænæ Synodi desertorem vocant: de Osio qui ab Ariana impietate resipuit: de origine Hymni *Te Deum*: de turbis tandem excitatis a Monachis Scythiæ, atque de *Symboli Athanasiani* Scriptore, verba fecerunt Nat. Alexander, du Pinus, Card. Norisius, alique. *Processiones*, & *Relationes* explicat accuratissime noster Lodigerius; & pro aliis locutionibus legi poterunt Canones, quibus P. Berti claudit librum IX. suarum *Disciplinarum*.

## Annus Quintus.

### TRACTATUS DE INCARNATIONE , *Gratia, Myſteriiſ, Annis, & Cultu Chriſti Domini, & Sanctorum.*

**M**ysterium Incarnationis magnum pietatis Sacramentum dicitur ab Apostolo, quia singulare opus complectitur Divinæ Clementiæ, & humanæ reparationis œconomiam. Sublime hoc & utilissimum argumentum, ita a me distributum fuit in suas partes. Primo nomina diligenter collegi, quibus in Sacris Literis, & in Ecclesiæ utriusque Patrum operibus exprimitur Incarnatio, cujus naturam breviter exposui, una cum male feriatorum hominum erroribus. II. Incarnationis possibilitatem, & cognoscibilitatem manifestandas assumpsi. III. Myſterii ejusdem convenientia, & necessitas ostensa fuit. IV. Existentia Incarnationis Verbi, quod est dogma principale, & præcipuum, demonstrata est. V. De Incarnationis essentia differere placuit; VI. De veritate, & integritate naturæ humanæ assumptæ a Verbo; VII. De Persona Divina assumente humanam naturam; VIII. De Unione hypostatica, & de Idioma- rum communicatione; IX. De motivo Incarnationis; X. De Incarnationis termino, qui est Christus Dominus.

Hanc methodum imitari cupientibus, e vestigio se offerent nomina Scripturarum, & Patrum, qui diversis vocabulis Incarnationis beneficium designant. Eorundem nominum Illustrationem utilissimam censeo,



ut evitetur periculum in Hæreticorum laqueos offendendi; & exemplo esse poterit vocabulum Oeconomix, five dispensationis, quo abutebantur Apollinaristæ, phantastica, & umbratili Incarnatione. Ad hanc referuntur & alia nomina, quæ sunt Natura, Hypostasis, Suppositum, & Subsistentia, quæ inveniuntur in Actis Conciliorum Ephesini, Chalcedonenfis, & Nicæni II., & ex quorum expositione deducitur, quod Christus Dominus appellari possit *Θεοσέπ* Deus homo, & hebraice Emmanuel, five Persona humano-divina. Nonnulli ex hæreticis oppugnantur Christi divinitatem; humanitatem alii; cæteri utriusque Naturæ vinculum, & unionem. In hæc tria capita distribui commodè poterunt impia dogmata, quæ Incarnationis mysterium commaculant. Nestorius, atque Euthyches in tertio collocandi sunt; cum ille sublata physica unionem, duas in Christo Personas agnoverit; iste Naturam a Persona non segregans, unicam Naturam admisit, etiam post assumptam humanitatem a Verbo.

Possibilitas Incarnationis deducitur ex non repugnantia hypostaticæ unionis: cognoscibilitas ex revelatione: convenientia ex bono multiplici, quod ex Incarnatione resultat: necessitas vero ex condigna satisfactione debita divinæ Justitiæ ad humani generis reparationem. Dogma tamen præcipuum, in quod tractatus hujus theologici partes tendunt est Existentia Incarnationis, quam Judæi scandalo esse, & a Gentibus pro stultitia haberi affirmat Apostolus. Adversus Judæos duo demonstranda esse videntur. Primum est, inani spe illos deceptos errare, dum Messiam præstolantur, characteribus temporalis regni in Palestina instaurandi insignem; alterum est, Messiam jam advenisse. Antiqui fœderis oracula accuratissime expendantur & illa præsertim Jacobi, & Danielis. Si a primo vaticinio adventus Messie ad ea tempora revocetur, in qui-

quibus imperium a tribu Juda ad alienigenas translatum fuit, nemo ignorat, id contigisse sub Herode Aſcalonita, ſive Idumæo, cujus regni anno 35. orbi univerſo Salvator illuxit; & quamvis pro Judæo Herodes aſſumeretur cum Scaligero, Caſaubono, & aliis quibus non aſſentior, adhuc tamen perſpicuum eſt judaicæ gentis imperium a Pompejo imminutum, ſenſim deſiſſe, ad extremam uſque Urbis, Templique vaſtationem, & excidium. Excidium hoc prænunciavit Daniel, cujus majores hebdomadæ, quæ criticorum ingenia exercent, initium habent a Decreto Artaverſis Longimani, ab anno ſcilicet ſeptimo, ſive ut aliis placet vigefimo ipſius regni. Quæcumque chronotaxis ſumatur, plane deſipit, qui dubitat jam non adveniſſe Meſſiam, ab Aggæo etiam, & a Malachia promiſſum. Hunc Meſſiam Jeſum Chriſtum Nazarenum fuiſſe, invictis demonſtrabitur argumentis, quibus non ſola miſſio, ſed etiam divinitas in tuto ponitur contra eoſdem Judæos. Apud illos floruit Joſephus, qui præclariffimum de Chriſto Jeſu teſtimonium reddidit, ab Oſiandri, Fabri, du Pinii, aliorumque cenſuris purgandum. Hiſce doctrinis, & aliæ addantur adverſus Ethnicos, Hæreticos, & Mahumedanos, ex quorum Alcorano novum documentum eruitur ab Incarnationis aſſertoribus non omittendum.

Ad eſſormationem deinde corporis Chriſti in Beatiſſimæ Virginis utero progrediendum; & pro cauſſa efficiente principali unionis hypſtaticæ Auguſta Trinitas deſignanda eſt, quia virtus agendi ad extra Omnipotentis divinx tribuitur. Cauſſa vero formalis perficiens humanam naturam fuit Verbum, quod immediate aſſumpſit verum, integrumque corpus humanum terreſtre, & paſſibile, veramque animam rationalem proprio intellectu, propriæque præditam voluntate, in quo dogmate falluntur Monotheliæ. Unio autem cum

na-

natura humana, facta est ratione solius Personalitatis Verbi, non ratione divinæ Naturæ, sive facta est sub ratione relativa & propria, non sub ratione absoluta, aliisque divinis Personis communi; ex quo sequitur subsistentiam Verbi, ejusdemque Perfectiones relativas, quarum capax est natura assumpta, immediate, physice, & formaliter illi communicari: divinam vero Naturam, absolutamque Perfectiones ejusdem, communicari mediate & moraliter.

Cum tamen Nestorius, atque Euthyches hæresim suam fallaci verborum involucri tegerent: cum S. Cyrillus impotentis odii in Nestorium, animique ad excitanda dissidia proni reus, a Maturino la Croze, & ab aliis accusetur: cumque Socrates de una vocula *Deiparæ*, tanto impetu disceptatum fuisse doleat, plane necessarium erit evidenter ostendere, unionem Verbi cum humana natura fuisse veram, realem, & physicam, non moralem, sive assistentiæ, & affectionis, uti Nestorius arbitrabatur, ut clanculum Incarnationis finem, & effectus everteret. Hæc eadem unio, a qua modales Scholasticorum entitates sunt excludendæ, est omnium maxima etiam in ratione doni, est perpetua, & nullam naturæ duplicis confusionem, aut permutationem generat, in quo Euthyches turpiter lapsus est. Ex eadem vero unionem sequitur communicatio idiomatum, sive utriusque naturæ attributorum, earumque proprietatum, quæ prædicantur de Persona, sive de supposito Christi Domini. Hæc communicatio in concreto admitti debet contra Nestorium, qui Deum natum, passum, mortuum, & Mariam *Θεοτόκος* vocari posse negabat, non in abstracto, sicuti Lutheranis, & Ubiquitis visum aliquando est. Motivum denique Incarnationis, desumi non debet ab hominibus, sed a sola clementia, & benignitate Dei, qui ut divinæ justitiæ fieret satis, humanumque genus mundaretur

tur

tur a culpa, Decretum edidit Incarnationis, cuius Terminus est Christus Dominus. De eodem differetur postquam actum fuerit de Gratia, quæ primum est & nobilissimum beneficium collatum hominibus virtute ac merito Incarnationis.

Divini Verbi Incarnationem theologicis curis, illustrandam acceperunt Dogmatici, & Scholastici fere omnes post SS. Patres. Priusquam huic sublimi argumento manum admoveant, diligenti lectione Juvenum nostrorum Magistri percurrant duas S. Athanasii *epistolas ad Epiſtetum*, & *ad Adelphium*, totidemque *ad Cledonium* S. Gregorii Nazianzeni, cum sermone ejusdem Doctoris 46. ; Cassiani VII. de *Incarnatione* libros; *Opera* S. Cyrilli Alexandrini, & Theodoriti, cum *Actis Conciliorum Epheſini*, & *Chalcedonenſis*. Quamvis autem apud theologos passim occurrant, quæ de *Incarnationis* mysterio tractanda erunt, nihilominus post Petavium consulendos proponerem l' Herminier, Tournely, & Boucat in suis de Incarnatione Tractatibus, Berti libris 25. & 26. *Theolog. Disciplin.*, Serry in *Exercitationibus de Christo*, & *ejus Virgine Matre*, & Graveson de *Mysteriis*, & *annis Christi*. In utroque postremo scriptore, multa invenientur erudite, & solide scripta contra *Judeos*, *Nestorianos*, *Eutychianos*, & *Socinianos*, pro aſtruenda veritate Incarnationis, præcipuiſque, Christi Domini Servatoris dotibus, & prærogativis. Testimonium quod Fl. Josephus reddidit de *Jesu Christo*, pro genuino defenditur a Vossio, Uſſerio, Huetio, & Daubuzio in erudito opere quod scripsit de hoc argumento, ad cujus illustrationem accessit etiam in sua Josephi editione Havercampius. *Apothôſis*, de qua Tiberius Cæſar retuliſſe dicitur ad Senatum, una cum Actis Pilati, aliisque exoticis monumentis, iure defenditur a Petavio, a Pearſonio in *Apoſtolorum Acta*, a Serry, & ab aliis contra Fabricium, Clericum, & Baſnagium, quos

non

non pudit testimonia Justini , Tertulliani , Luciani martyris , & Eusebii , atisque criticæ canones parvi pendere , & hisce spoliis Christi triumphum exuere . Si vero contra errores Monothelitarum , pro duplici voluntate , duplicique Christi operatione , præliari placeat , Acta Concilii Romani , & SS. Leontii , & Maximi Opera , cum Historia Monothelitica Dezallierii , & plurium recentiorum scriptis conferri poterunt , simulque dirimi celebris controversia de Honorio , cuius memoriam , non hæreseos , sed inconsultæ dissimulationis nota inurendam esse affirmant de Marca , Nat. Alexander , Garnerius , & Lupus .

Ab Incarnatione progredi opus est ad *Gratiam* . ad singulare videlicet divinæ clementiæ donum prædestinitum in ipso Incarnationis Decreto , ut superius ostensum est . Præmitti poterunt nomina , definitiones , & divisiones Gratiae . 2. numerabuntur veteres divinæ Gratiae adversarii ; & 3. recentiores . 4. de Bajanismo ; & 5. de Jansenismo sermo habeatur . 6. proponatur Gratia ante statum naturæ lapsæ , & reparate per Christum ; 7. Gratia habitualis in statu naturæ lapsæ ; & 8. Gratia actualis . 9. necessitas Gratiae expendatur pro eliciendis bonis operibus , malisque vitandis 10. ad examen revocetur Fides in ordine ad Gratiam 11. de perseverantia , & de amissione , & gradibus Gratiae tractandum erit ; 12. de Gratia efficaci ; 13. de sufficienti ; & ultimo de effectibus Gratiae sermo instaurabitur .

Primo itaque *nomen* , *divisio* , ac *definitio* multiplicis Gratiae , studium est nemini ignotum , qui prima Christianæ Legis rudimenta didicerit . *Veteres* ante Pelagium *Gratiæ adversarii* dicuntur Origenes , Theodorus Mopsvestenus , atque Rufinus , quibus addi poterunt Africani Episcopi , qui in epistolis ad Zoizimum datis Pelagianismum olent . De *Pelagio* quæren-  
da

da sunt, patria, vitæ institutum, focii, & discipuli famosiores, atque etiam tempora, quibus hæresim suam disseminare cœpit, quibusve palinodiam cecinit, aut potius prava dogmata imminuit. *Semipelagianorum* error exponi etiam debet, simulque expendi, utrum Cassianus, Faustus Rhegiensis, Vincentius Lirinensis, Hilarius Arelatenfis, Gennadius, & S. Io. Chrysostomus, quorum nomen apud nonnullos hac infamia laborat, ab eadem purgandi sint. Tandem de *Prædestinarianis* alibi in scenam deductis, brevissime quaeri poterit, an illorum hæresis Monasterium Adrumetinum infecerit, & an Gothescalcus Sæculo IX. eam propugnaverit.

Observandum deinde erit, quid Lutherus, atque Calvinus docuerint de *Gratia*: quæ controversiæ excitatæ sint ab utriusque hæresiarchæ discipulis in Hollandia: & cuiam sententiæ nostra hac ætate adhæreant. Peculiarem animadversionem merentur Bajus, & Jansenius. *Illius* circa Gratiā, Liberumque arbitrium errores, jure optimo a Romana Sede proscripti fuerunt. *Jansenii* quinque *Propositiones* expendantur, & refutentur, ut appareat S. Augustini mentem ab illis fuisse alienissimam, & a summis Pontificibus debuissē proscribi, sicuti & ab Ecclesia Gallicana reprobari, una cum doctrina Quesnellii, quam Clemens XI. iusta censura damnavit in Bulla *Unigenitus*.

Hiscæ præcognitis, *Gratiā* expendi opus est ante statum naturæ lapsæ, reparatæ per Christum, propositis *quinque statibus* naturæ humanæ, atque eos inter statu innocentie, in quo primi Parentes, utrum originalem justiciam & sanctificantem gratiam acceperint, quærent Theologi. Investiganda etiam erit *Gratia*, qua primi homines indiguissent ad perseverandum in bono, & possibilitas status naturæ puræ, quæ sapientum ingenia vexat. Accedendum postea erit ad

G

Gra-

*Gratiam habitualement* naturæ reparatæ ita proficuum , ut nullum donum ea utilius atque sublimius impetrari possit a Deo . Sincerum characterem illius, deduci opus est ex Divinis literis , & præsertim ex Epistola Pauli *ad Romanos* . Eam esse quidpiam animæ permanenter inherens fides ipsa testatur ex plurimorum sententia; sed Tridentinum Concilium consulto abstinuit a vocibus entitatis , qualitatis , & habitus . Quod si a Concilio erudimur *charitatem Dei* diffundi , & inherere cordibus eorum , qui justificantur , *Gratiam a charitate* distinguendam non esse arbitrarer . Qua vero ratione a *sanctificante Gratia* homines formaliter justificentur , quid sint & quotuplicis generis *virtutes infusæ* , & an per modum habitus infundantur cum Gratia , apud theologos inquiretur . Revera in eodem Tridentino Concilio *theologicarum virtutum* infusio statuitur , & de aliis quæ *morales* vocantur , eadem sententia a Romano Catechismo proponitur . Hoc ipsum affirmandum censeo de *donis Spiritus Sancti* , quia si per illa disponitur justus ad abundantiores Spiritus Sancti motiones , privandus non erit hujusmodi beneficiis , postquam in Christus capiti , vivit spiritu illius , & acquisita adoptione Dei , ad Gratia consummationem in æterna patria obtinendam disponitur . De *Gratia actuali* , cujus ab habituali discrimen divinorum sermonum expositores assignant , duo peculiari studio quærenda sunt , nempe , utrum sine gratia valeat homo præparare seipsum ad gratiam , & quæ nam dispositiones præmittendæ sint justificationi parvulorum , & adultorum .

*Necessitas* Gratia , quæ manifestatur in prima hominis conversione ad Deum , ampliatur etiam ad quodcumque opus bonum morale , ad dilectionem Dei , ad implenda Legis præcepta , ad tentationes repellendas , & ad lethalia , aliaque minora peccata vitanda . In  
con-

controverſiis hujusmodi caute evitentur doctrinæ Pelagianifmo affines, & pro certo habeatur adverſus Semi-pelagianos, a Deo eſſe etiam *initia fidei*; & quamvis ſine fide bonum morale fieri non poſſit, ex hoc tamen non ſequitur *omnia infidelium opera* peccatum eſſe. *Perſeverantia* in bono, Gratiæ beneficium eſt, non tamen inamiſſibile, cum poſſint homines amittere *Gratiam*, quæ ſuos habet *gradus*, quibus meritum, & gloria commenſurantur.

Gratia *Efficax* peculiare examen eſſagitat; quamobrem, poſtquam oſtenſum fuerit admittendam eſſe gratiam *per ſe*, *ex ſe*, & *ab intrinſeco* efficacem, eligenda erit ſententia, eas inter quæ, circumferuntur. Ego quidem arbitror efficaciam Gratiæ repetendam non eſſe a *conſenſu* Molinæ, non a *congruitate* circumſtantiarum Suarezii, non a *præmotione phyſica* Thomiſtarum, ſed a *delectatione* ſimpliciter victrici, a qua libertas non læditur. Hæc victrix delectatio, ſegreganda eſt a delectatione victrici *relative ſuperiori*, quam Janſeniſtæ amplectuntur, cum evidenti humanæ libertatis ruina. Gratia *Sufficiens* admitti debet, contra Janſenium ſcribentem, interiori gratiæ nunquam reſiſti. De hac *ſufficienti* Gratia inquirendum eſt, utrum detur juſtis, peccatoribus, & infidelibus, utrum juſto Dei judicio aliquando negetur, & utrum reddatur *Efficax*, ſi eam comitentur circumſtantiæ congruæ, quod noſtro adverſatur ſyſtemati.

S. Auguſtinus divinæ Gratiæ aſſertor, & vindex, ſublime hoc argumentum luculenter proſequitur in libris *de Gratia Chriſti*, *de correptione*, & *Gratia*, *de dono perſeverantiæ*, *de prædeſtinatione SS.*, & *contra Julianum* Pelagianum. *Collationes* quoque Caſſiani, cum S. Proſperi *adverſus Caſſianum* laboribus conſulantur. Quod Origenes ova poſuerit, quæ a Palagio fuerunt excluſa, docet S. Hieronymus in epiſtola ad



*Ctesiphontem*; & ex Mario Mercatore discimus, Theodorum Mopsvestenum suum ab Origene venenum hausisse. Cæterum Vossius, atque Norisius Pelagianæ historiæ scriptores plura dogmatica tractant. Ex Thomistis Silvium, & Gonetum propono, cum Contensonio; ex discipulis S. Augustini Beilellum in duplici opere, in quo mentem S. Doctoris scrutatur ante, & post peccatum primi parentis, & Berti suis in *Theol. Discipl.* cum recentioribus fere omnibus Sorbonicæ Scholæ magistris; ex Soc. Jesu Suarezium, & Valquesium, atque ad eorum opiniones proclivem Tournely. Prætereundæ non sunt *Dissert. Nat. Alexandri* ad V. Ecclesiæ sæculum, & *Epistolæ Polemicæ* Gravesonii.

Nihil vero hoc loco opportunius, & tyronum institutioni utilius censeo contemplatione Vitæ *Christi Domini*, qui terminus *Incarnationis*, & *Gratiæ* fons perennis a Theologis nominatur. Primo itaque demonstrari oportet *Mariam*, firmo permanente virginitatis proposito, verum matrimonium contraxisse cum S. Joseph, & ambos fuisse e Tribu Juda, atque e familia *David*. Probanda 2. erit miraculosa Christi *Conceptio*, omissis omnibus, quæ in Tractatu de Incarnatione discussa sunt. 3. Christi *Nativitas* exponenda erit, cum loco, tempore, & prodigiis, quæ tunc novimus contigisse. 4. *Circumcisio* etiam Christi infantis, Matrisque *Purificatio*, discuti poterunt. 5. De *Magis* Christi adoratoribus, de *fuga* illius in Aegyptum, & de Bethleemica puerorum *cæde* verba fient. 6. *Vita* Christi Domini ante baptismum, baptismus, ejusdemque circumstantiæ expendi debent. 7. *Transfiguratio* cum miraculis Christi, & Diaboli tentationibus non prætermittatur. 8. Triumphalis *ingressus*, & ultima *Cena* Divini Reparatoris cum *Passione*, & *Morte* illius accurate exprimantur. 9. Acerbissimis dolori-

ribus in corpore, & in anima Christum Dominum cruciatum fuisse demonstrari debet. 10. De Christi *Descensu* ad inferos, & de glorioſa *Reſurrectione*, *Ascensione*, & *Seſſione* illius ad dexteram Patris, atque de *Miſſione* Divini Spiritus, opus eſt catholicum dogma defendere, & quantum ſat eſt illuſtrare.

Quatuor ego Scriptorum commentarios proponam in multiplici hoc argumento. Primus erit *Vita Jeſu Chriſti*, & *Beatæ Mariæ Virginis* conſcripta a Tillemontio, cum *annotationibus* ejuldem. Alter erit *Vita* ejuldem Divini Servatoris, cujus auctor eſt Montacutius, qui tamen plura miſcet, a catholico viro improbanda. Tertius eſt Serry in *Exercitationibus* de Chriſto, ejulque Virgine Matre. Poſtremus erit Graveſon in *Diſſert. de myſteriis*, & *annis* Chriſti. Ab eiſdem recenſentur hæretici, qui ſunt reſellendi, & enodantur dubia, quæ vitam, & acta Incarnati Verbi legentibus occurrere poterunt.

Tria ſuperſunt, quæ non ſolum pertinent ad Chriſtum Dominum, ſed quibus etiam clauditur ſublime *Incarnationis* Myſterium. Primum eſt *Scientia*, *Libertas*, & *Sanctitas* Chriſti. *Scientia* infinita, ſicuti Lutheranis viſum eſt, non convenit humanitati aſſumptæ, per ſe, ſed inſuſa, acquiſita, & beatifica, quæ conjunctam habet *Viſionem* adeo ſublimem, ut ea perfectior tribui nequeat creaturis. Qua autem ratione *dolores* atque cruciatus ſuperius enunciati cum *viſione* beatifica congiungi potuerint, diligenter & ſolide exponit Graveſon *diſſert. XX.* Humana Chriſti voluntas fuit maxime libera, libertate *contradictionis*, non *contrarietatis* ad malum. Impie igitur blaſphemat Calvinus, ſcribens Chriſtum *peccaſſe* mortaliter in ſua paſſione; & a fide etiam inſtruimur, quod voluntas illius Patris imperio morigera ſemper fuit & conformis. Tandem humanitas Chriſti *Sanctitatem* habuit ſubſtantia-

tialem, ex unione hypostatica, & accidentalem sive creatam ex gratia habituali. Secundum, in quo opus est immorari, *Christi merita* respicit, atque *satisfactionem*, cui adversantur iniquissimo animo Sociniani. Merita Christi *infiniti pretii* fuisse quem lateat, cui persuasum sit actionis elicita a natura humana ex *Personalitate* Verbi suum valorem delumere? Non tantum sibi ipsi propterea meruit Christus Dominus gloriam, & ea quæ ad gloriam illius referuntur, sed etiam pro humano genere universò *plene* & abundantissime satisfecit. Si enim puniri debeat peccatum, & poenam divinæ justitiæ oporteat commensurari, unius Christi Domini dolores, & mors, compensatio, *satisfactio*, & pretium fuerunt æquivalens, & superabundans pro hominum quorumcumque criminibus. Tertio conveniunt Jesu Christo *tituli* & prærogativæ, a quibus multiplex *dignitas* & *poteslas* ejusdem manifestantur. Ille enim est *Filius Dei* naturalis, proprius, & verus, *Mediator* Deum inter & homines, *Sacerdos* & Pontifex novæ Legis, *Rex* demum & *Judex* vivorum simul, & mortuorum. Apud Bellarminum, l' Herminier, Gonet, Contenson, Tournely, Berti, Billuart, aliosque Theologos, tituli & characteres iidem nobilissimi, fusiori oratione expositi inveniuntur.

Ex eisdem titulis, & multo amplius ex *pretio*, quem pro nostra omnium *Redemptione* effudit, sequitur *Cultus*, & veneratio, qua prosequi opus est eundem Filium Dei, quem Paulo teste, etiam Angeli adorant, quando a Patre introducit in orbem terræ. Opportunum propterea erit theologica inquisitione scrutari obsequium debitum *Deo*, quod ex jure naturali jam deduximus, *Christo Domino*, *Angelis*, *Sunctis*, & *Imaginibus*, cum *invocatione*, & *precibus*, quibus auxilium eorumdem imploramus & opem. Neminem porro latet ab *Excellentia*, & dignitate *Objecti* cultum,

tum, quem illi impertinetur proficisci; & excellentiam infinitam esse in Deo, cui convenit cultus *Latriæ*, finitam suique limitibus clausam in Sanctis, quibus *Dulia* cultum impendimus, moraliter infinitam in Virgine cujus Divina Maternitas honorem exigit *Hyperdulia*. Hæc vocabula, & similia, quibus *jure optimo* Ecclesia utitur, illustranda, & enumerandi sunt *Adversarii* antiquæ & recentioris ætatis, qui SS. Angelos, Homineque divina in cœlis visione fruantes, pro viventibus preces fundere inciantur. Ostendatur itaque eodem Cœlicolas, qui in terra militantibus auxilium præstant & patrocinium, rite *invocari*, & cultu religioso *honorari* posse ac debere, absque majoris cultus Deo tribuendi detrimento, & injuria. Recenseri deinde poterunt *Festa* in *Sanctorum* honorem instituta ab Ecclesia, quæ a primis sæculis consuevit eorumdem memoriam venerari, & *Natalitia* celebrare. *Lipsana* etiam, sive Sanctorum *Reliquias* eadem Ecclesia devoto obsequio semper prosequuta est, delucto exemplo ab eodem Numine, prodigia colentibus Reliquias largiente. Hoc ipsum affirmari poterit de *Imaginibus*, quas ab idolis simulacrisque Ethnicorum toto cœlo distare, compertum habemus. Opportunum quoque erit disserere de *usu Imaginum* apud Hebræos, & apud vetustiores Christianos, pariterque de Imaginibus *symbolicis* Trinitatis, & Christi Domini. *Canones* Concilii Elibertani, quibus fidunt Heterodoxi, *Statua* quam Paneade Hemorrhœissa mulier erexit, & Scriptoris *Librorum Carolinorum* opinio, criticis observationibus illustrentur; ac tandem de cultu *Deiparæ*, vivificæ *Crucis*, & illius *Imaginum* multiplici doctrina inconcussi dogmatis disceptetur. Plura ad hoc Theologiæ Polemicæ caput pertinentia traduntur in Actis Conciliorum Constantinopolitani, Nicæni II., Parisiensis, & Tridentini, quibus addi poterunt S. Joannes Damascenus,

&

& Theodorus Studita, qui data opera de hoc argumento scripserunt. Plura etiam collegit Mabillonius *de cultu Sanctorum ignotorum*, & periculosa novitatis amans Launojus *de separandis fidei Reliquiis*. Tandem hæc omnia solide discussa inveniuntur a nostro Capito-  
nio, post quem Bellarminus, Sanderus, Gretlerus, & Vaverda eandem provinciam regendam acceperunt, cum aliis Controversistis, quos inter eminet Trombellius in suis decem *de Cultu Sanctorum* Dissertationibus.

## Annus Sextus.

### DE ANGELIS, PRIMO HOMINE,

#### *Novissimis, Purgatorio, & Suffragiis.*



Eum causam esse univerforum, non sola naturalis ratio suadet, sed Fides ipsa testatur. Demonstrandum propterea erit *Deum* a Sacris Literis nobis proponi, pro causa efficiente, finali, exemplari, atque creatrice rerum visibilium, & corporearum, simulque invisibilium, & spiritualium. De visibilibus & corporeis in Philosophicis actum fuit; superest propterea, ut præmissa Revelationis luce, sermo instituat de *Angelis*, qui substantiæ sunt immateriales, & de *primo Homine*, in quo Deus miro sapientiæ artificio spirituales Animas terreno corpori consociavit.

Angelorum *Existentiam* inficiabantur apud Hebræos Sadducæi, & nunc pernegant cum Tolando Spinosistæ, qui unicam materialem substantiam agnoscunt. Angelorum meminerunt Platonici, alique non solius

Gra-

Greciæ, sed barbararum quoque nationum Philosophi. Verum *minora* quædam in Angelis *Numina*, illi venerati sunt cum Valentinianis, aliisque *Aconum* architectis, de quibus legendi Irenæus, Tertullianus, & Augustinus, qui animadvertit a Seleucianis constitutos fuisse Angelos animarum *creatores*. Ab eodem S. Doctore in libris *de Civit. Dei* appellantur Angeli *animalia rationalia*; & in Enchiridio difficillima dicitur quæstio *de corporibus* Angelorum. Purgant nihilominus Augustinum a qualibet erroris suspitione Theologi, qui catholicum dogma confirmant testimoniis Patrum Ignatii, Irenæi, Gregorii Nisseni, Basilii, Hieronymi, Chrysostomi, aliorumque, quibus addenda sunt Concilia, ut Lateranense IV., quod immerito infestantur Novatores. Bekkerus Calvinista, sive potius Anabaptista in libro, cui *Mundi fascinati* titulum posuit, Angelorum, Dæmonumque doctrinam, a prophanarum gentium scholis, & a fabulis ubique locorum disseminatis, in Ecclesiam commigrasse arbitratur, conaturque malos præsertim Angelos de medio auferre, & obtorto collo in allegoricum sensum trahere veteris, novique Fœderis testimonia, in quibus bonorum, malorumque Spirituum existentia, & opera proponuntur. Nullum tamen negotium nobis facessere poterunt illius sophismata, neque etiam alia, quæ proponuntur a Vandadio in suo opere *de Divinationibus*. Præter Dogmaticos, qui in demonstranda *natura Angelorum*, cum illorum *numero*, & *officiis* conspirant, erudita Dissertatio Calmeti in bonos, malosque Angelos præteriri non debet.

Primo itaque expositis *nominibus*, quibus Angeli designantur, demonstranda a nobis est eorum *existentia*, quam Sacræ literæ annunciant, quæque infertur ex Symbolo constituyente Deum *invisibilem* etiam rerum Creatorem, atque ex perenni traditione, cui multiplex

H

ratio

ratio theologica adstipulatur. Secundo ostendetur Angelos *in tempore* creatos, & in prima orbis conditi fuisse *astra matutina*, quæ in libro Jobi Deum laudare dicuntur, eisdemque præsedisse Luciterum, sive ex plurimorum sententia *Beemoth*, qui nominatur *initium viarum Domini*. 3. *Incorporeos* esse Angelos deducitur ex epistola ad Hebræos, atque ex traditione superius commemorata. 4. Ingentem Angelorum *numerum*, & multitudinem inficiari non poterit, quicumque testimonio Jobi, Danielis, Matthæi, Pauli, & Joannis expenderit. In distinctos *Gradus hierarchicos*, atque in *Cboros* Angeli distribuentur; utrum vero *specie* singuli differant incertum arbitror. 5. Bonos Angelos suam *beatitatem* promeruisse, & malos suam *damnationem* Divinæ Justitiæ consonum æstimabitur. 6. Præmissa Angelorum cognitione naturali, & revelata, de *assumptis* ab eisdem *corporibus* sermo habebitur, ad illustrandas *Missiones*, & *Legationes*, quibus Angelos functos fuisse edocent Divina volumina. 7. A Sanctis Angelis regi homines, & *custodiri*, argumentis evidentissimis demonstrabitur.

Ab Angelis ad *primum Hominem*, servata rerum tractandarum methodo, progrediamur. Ego autem in votis habeo, ut prius ostendatur Deum *in principio temporis* cuncta creasse, Mosaicam *Cosmogoniam* prophanis historiis antefereendam esse, *sex dies*, qui in primo Geneseos capite nominantur, *veros* fuisse, & non metaphoricos; & in sexta die *Adam* fuisse creatum *ad imaginem & similitudinem* Dei, quæ apparet in facultate intelligendi, & in voluntatis libertate. Hac libertate abusus, frangendo legem sibi impositam, & Dæmonis suasionibus assentiendo, ab originali justitia *Adam* excidit, mortem, effrænem concupiscentiam, aliasque *pœnas* sibi, suisque posteris debitas promeruit. Homines quicumque ab eodem Protoplasto *originem* suam nanciscun-

scuntur : qua de re repudianda erit *Præadamitarum* fabula , & illustranda testimonia Scripturarum , cum historicis diversarum gentium narrationibus , quæ adversari quibuscumque visæ sunt catholicæ huic doctrinæ .

Præter originale peccatum , de quo in Septimi Anni exercitationibus disputabitur , ad sobolem Adami universam *Novissima* pertinent , quæ sunt *Mors* , *Judicium* , *Infernus* , & *Gloria cælestis* . De *Morte* , & de futura corporum *Resurrectione* inquirendum est 1. quid sit *Mors* , & an quicumque homines sint morituri ; 2. Utrum *Henoch* , & *Elias* cum *Joanne Evangelista* mortem obierint ; 3. an Adamo non peccante corpora hominum a *morte immunia* servata fuissent ; 4. utrum *Resurrectio* humanorum corporum *possibilis* sit , & aliquando *futura* ; 5. utrum resurrecturi sint *omnes* omnino homines , etiam *impii* ; 6. qua *etate* , quo *corpore* , quo *tempore* , & quo *loco* resurrectio fiet ; 7. utrum *Dei-pater* surrexerit , & in cælum *assumpta* fuerit .

De *finali Judicio* hæc dubia proponi poterunt ; 1. an præter *privatum Judicium* , quod in morte peragitur cujuslibet hominis , *Judicium* aliquod *universale* expectari debeat ; 2. quæ *Signa* universale *Judicium* prænuntiatura sint ; & utrum *Antichristus* dominaturus sit in terris , postremis mundi temporibus ; 3. an , & quomodo *judicandi potestas* Christo Domino sit committenda ; 4. quoniam in *loco* , quo *tempore* , & qua *methodo* fieri debeat *Judicium* ; 5. an etiam *Sancti* sublimiores judicaturi , & *Angeli* cum *parvulis* sint judicandi ; 6. quæ futura sit *conflagratio* , & *renovatio* mundi post *Judicium* .

De *inferna damnatorum sede* inquirendum est 1. an *subterranea* defunctorum *receptacula* sint admittenda , & ea inter numerari debeat *Infernus* ; 2. quinam inferorum pænis crucientur *Angeli* , & *Homines* ; 3. utrum *Inferni supplicia* sint *æterna* ; 4. utrum eadem



*cessent* aliquando, aut *mitiora* reddantur, & utrum quispian ab Inferno *liberari possit*, sive liberatus fuerit; 5. quibus *pœnis* damnati puniantur; 6. an tartareus ignis sit *corporeus*, & qua ratione cruciet *spiritus* immateriales, & cruciaturus sit *corpora* post universale Judicium, ab'que corporum eorumdem resolutione.

De *Gloria Cœlesti* plura alio loco discussa fuerunt, quæ ad Dei visionem referebantur. Quærendum itaque remanet 1. utrum *Regnum millenarium* Christi, & Sanctorum post universale Judicium opponatur fidei, & rationi; 2. in quonam collocari possit *essentia* beatitudinis, & quale iudicium ferendum sit de *Illapsu* Dei in Beatorum animas; 3. quæ futuræ sint *Dotes* corporum glorioforum, Sanctorumque *Aureole*; 4. qua gloria *essentia*li, simul & *accidentia*li fruatur Beatissima Virgo Maria.

De *Morte* hominibus quibuscumque post Adami culpam communi, etiam illis, qui in Iudicii finalis pervigilio vivent, legi poterunt Tertullianus in libro *de Anima*, S. Hieronymus in Epist. *ad Minerium*, & *Alexandrum*, & S. Thomas lect. 2. in Epist. *ad Thessal.* Henochem, & Eliam adhuc superstites vivere post Alcuinum lib. 3. *de Trinit.*, & Aretam Cæsariensem, Theologi inferunt ex Scripturarum contextu contra traditionem Rabbiorum, quibus adhærent Grotius, & Clericus. De obitu autem S. Joannis Evangelistæ non dubitant SS. Hieronymus in *Catal.*, & in *Comment. Matthæi*, atque Cœlestinus I. in Epist. *ad Synod. Ephesinam* data Evangelica de Joanne verba erudite, & solide a Calmeto illustrantur. Quod Mors fuerit *stipendium peccati*, definitum est in Conciliis Diospolitano, Ephesino, Milevitano, & Arausicano, quibus addantur Patres, imprimis Augustinus in lib. *de gestis Pelagii*. Pelagius revera, cui Mercerus Hebræos confociat, & Calvinistas, morti homines obnoxios reddidit

dit, etiamsi Adam innocens perstitisset. *Mortuorum Resurrectionem*, quam cum risu exceperunt, Paulo eam prædicante, Athenienses, & cui opponuntur Spinosa, Tolandus, Collinsius, alique Christianorum dogmatum irrisores, possibilem esse, & aliquando, futuram ostendunt Athenagoras, Tertullianus, & SS. Gregorius Nissenus, Ambrosius, & Chrysostomus, cum Anastasio Sinaïta, qui suis in *Sermonibus* probat, eandem Resurrectionem divinæ justitiæ consonam esse. Præter doctores Catholicos, conferri merentur Protestantium libri Georgii Callixti, Abr. Calovii, Jo. Gerhardi, & Henr. Hottingeri. Apud eos discussa inveniuntur dubia quæ pertinent ad *etatem, tempus, locumque* Resurrectionis, & ad *corpora* resurgentium. Argumentum desumptum ex Antropofagis solvitur ab Augustino ab Estio, & a Lamio. Aliud, quod proponitur de materiæ *massa, & quantitate*, quæ necessaria erit pro humanorum corporum resolutorum *refectione*, a me ipso prostratum fuit, hac facta supputatione, quod si octingenti hominum miliones globum terraqueum perpetuo incolant, & tres, sive etiam quatuor generationes quolibet sæculo renóventur, adhuc hominis uniuscujusque corpus integrum perfectumque, jubente Deo, ad vitam revocari poterit, etiamsi universalis resurrectio protrahatur ad tercenta annorum millia, & sola *superficies* terræ consideretur pro hominum eorundem geneli, & nutritione. Tandem de *corporea* Beatæ Virginis *Assumptione* consulendi erunt Baronius ad annum 48. Nat. Alexander Tom. III. sæc. 2. & alii passim; præsertim *Liturgiarum* illustratores; ita ut de unius Tillemontii mente dubitare possimus.

De *postremis* mundi *temporibus*, de *Antichristo*, de *Judicii* *suprema die*, & de *exustione* mundi, accurate non minus quam erudite, plura expenduntur ab Hier. Maggio in libro *de exustione mundi & de ultimo* *Judicio*

*dicio*, a Th. Malvenda in satis amplo opere *de Antichristo*, ab Hug. Grotio, qui brevem de eodem Pseudo Christo librum conscripsit, & a Jac. Thomasio, cui placuit Dissertationibus *de exustione mundi stoica*, nonnulla inferere ad rem nostram spectantia. *Universale Judicium* prænunciatum a Joele, atque ab aliis veteris Testamenti Prophetis, proponitur in Evangeliiis, in Pauli epistolis, & in Apocalypsi; quamobrem sacrorum librorum Interpretes in hac controversia, non minus proderunt, quam Theologi.

Adversus Tartari *existentiam*, ejusdemque *perennitatem*, & *flammas*, nostro hoc quo vivimus sæculo impii homines post Socinianos, & Arminianos, præsertim in Anglia debacchantur. Burneti liber *de Statu mortuorum*, & Tillotsoni *Scriptum* de hoc argumento, errorem renovant Origenistarum, quibus jam plautum fecerant Lockius, Wollastonus, Leadia, alique, quorum scriptis corda mentesque hominum corrumpuntur. Ea de re nullus dubito, prorsus necessarium esse exitiales pravorum Deistarum impetus retundere. De futuro impiorum statu, & de sede Inferni in terris *quærenda*, doctos edidit commentarios Io. Vinc. Patuzzi, qui plurimorum librorum vices supplet in polemicis hisce quæstionibus. Alterius vitæ *necessitas* ab illo statuitur, pro collatione præmiorum, pœnarumque inflictione: quod a nobis præstitum est in expositione principiorum Juris Naturalis.

*Subterranea* animarum *Receptacula* conformia sunt legitimæ, sinceræque lectioni Scripturarum, a quibus instruimur, Samuelem *de terra ascendentem*, videndum se præbuisse Pythonissæ mulieri, & Christum Dominum in triduo mortis *ad Inferos descendisse*. Symboli Apostolici verba, quibus obsistere religio vetat, illustrari debent contra Vossium, atque Bochartum, quibus accessit apud Britannos Swindenius, qui  
se-

*sedem Inferni in Sole* quærendam esse comminiscitur. Pro Inferni pœnarum *æternitate* firmissima momenta proferunt Patuzzius, & ante eum in Origenianis Huetius, qui tamen lib. 2. cap. 11. infelici ausu carpit Augustinum, Nourry in *Apparatu* ad Opera *Justini*, & passim Dogmatici. Petavius magni apud istos nominis eundem Augustinum, & alios Patres stetitisse opinatur pro *mitigatione*, & *intermissione* pœnarum; sed ab erroris suspicione iidem liberandi esse videntur, exceptis Joanne Damasceno, Prudentio Poeta, & quibusdam sequioris ævi Ritualibus Libris, in quibus *preces*, & *collectæ* pro damnatis leguntur, *ut mitius ardeant*. Plures, quæ circumferuntur, & præsertim de *Trajano Casare* historicæ narrationes, inter aniles fabulas & ipsæ amandentur, ob Justitiæ divinæ immutabile decretum, cujus efficaciam Clericus, & Tillotsonus futiliter imminuere conati sunt.

De pœna *damni* non dubitant, quicumque tartareo carcere impios detineri fatentur; sed *ignem*, a quo *veris*, *mirisque modis* spiritus rebellium Angelorum, hominumque torqueri Augustinus affirmat, metaphorice sumendum esse voluerunt Calvinus, Beza, Danaus, & alii, quorum nomina a Patuzzio recensentur. Contra eisdem clamat constans & perpetua traditio, quæ vindicanda est etiam a libertinorum machinationibus. Cætera, quæ ad crîsim theologicam revocari oportet, minoris momenti sunt, & persûctorie tractanda.

*Millenarium* Christi Regnum, cum veterum Kiliastrarum cineribus sepultum, ad vitam revocare conatus est in pestilenti opere superius improbato Burnetus, qui non solum suis cum gregalibus *retardari* affirmat iustorum beatitudinem usque ad supremam universalis Judicii diem, sed absoluto eodem Judicio, Sanctos in terra hac renovata, *mille annis* cum Christo Re-

ge dominaturos arbitratur, terrenisque *deliciis* fruturos. Contra Burnetum scripsit Cl. Muratorius, cuius liber *de Paradiso* omnino evolvendus est, non solum, ut ostendatur iustis nullam maculam, nihilque coinquinatum habentibus, æternam mercedem, Deique visionem, & fruitionem non differri, sed ut appareat millenarium regnum inter vanas ægrorum species collocari posse, quod ante Muratorium Angelicus, de Castro, Bellarminus, Petavius, Valquesius, & post eundem Boucat, Berti, & Billuart fusiori argumentatione demonstrant. Dissertationes le Quieni in *Damasceum*, Nourry in *Apparatu*, & du Pinii in *Apocalypsim* plura nobis suppeditant, quibus utrumque orthodoxæ doctrinæ caput fulcitur, atque defenditur.

Cum tamen *secretum Patris*, sive Dei visio, & fruitio, in probatissimis Ecclesiæ monimentis appelletur *Sinus Abrahæ*, inde potest oriri suspicio, utrum pro vera admitti debeat opinio Io. Cadonici, qui primo theologicis argumentis, ac deinde Scripturarum, Augustini, aliorumque Patrum testimoniis conatur evincere, Justos *ante Christi adventum* in eodem Abrahæ sinu quiescentes, *visione Dei intuitiva* gavisos fuisse. In hac sane visione, sive in fruitione, qua satiantur Beati *Illapsum Dei* in animas, & potentias eorumdem admitti oportere Lodigerius, Soggia, Canalius, aliique ex nostris affirmant, obistente tamen frequenti Scholasticorum cæterva. Non ausim ego tantas componere lites; verum, si Deus in Beatis præstat effectus, atque operationes ordinis supernaturalis, & maxime speciales, quales sunt Lumen gloriæ, representatio sui ipsius, & concursus ad actus visionis intuitivæ, amorisque fruitivi, *Illapsum* Numinis admitti posse auctorem pro formali beatitudine in actu primo, in quo consideratur potentia proxima, & expectata erumpendi in supernaturales actus visionis, & amoris Dei.

Sub

Subterranea inter animarum receptacula superiorum commemorata, etiam *Purgatorii sedes* collocanda erit. *Purgatorii existentiam* iulnuant cum Divinis Libris Ecclesiæ Patres, quibus persuasum fuit homines, qui satis non fecissent divinæ Justitiæ, eo tempore, quo fruebantur hujus lucis usura, pro levibus criminibus, proque temporalis pœnæ debito *purgandos* esse, & puniendos in *altero sæculo*: quod dogma a Platoniorum placitis haustum, novisque pigmentis coloratum, in Ecclesiæ septa se insinuasse, credendum non est. *Purgatorius ignis* a Latinis defenditur adversus Orientales, qui in Florentino Concilio *igni corporeo* obstiterunt. Quamvis autem spiritus, qui purgantur, acerbissimos cruciatus tolerant, non tamen subjacent *Demonum potestati* & arbitrio, neque de æterna beatitudine assequenda *dubitant*, aut *desperant*, postquam pœnæ luendæ satisfecerint, & venialium criminum remissionem obtinuerint. Sicuti vero Divinæ clementiæ beneficio permittuntur *pro viventibus orare*, ita viventium *suffragia* purgantibus prodesse docet in liturgicis Officiis Ecclesia, Deo ipso ratam habente compensationem satisfactionis sibi debitæ. Mutuo igitur charitatis fœdere ad invicem seipso foventes, defunctis suffragantur fideles, precesque *offerunt* & Sacrificia eidem Supremo Numini, qui nunquam misereri obliviscitur, & in ira sua misericordiam continere dedignatur. Huic eidem fundamento innituntur *Indulgentiæ*, quibus per modum suffragii juvantur Purgantis Ecclesiæ membra.

Nonnulla, quibus *Purgatorii existentia*, & oblata Deo *suffragia* confirmari possunt, consecretaria sunt veteris Disciplinæ pœnitentialis, & in expositione Sacramenti Pœnitentiæ accurato examini subicientur. De Purgatorio differentes, post S. Augustinum *de piis mortuis*, & S. Jo. Damascenum, le Quieni *Disertationibus* auctum, proponam Bellarminum, Fratres


Wallemburgicos, Allatium *de consensu*, Arcudium *de Purgatorio*, Auctorem *perpetuitatis Fidei*, Thomam Anglum *de medio animarum statu*, Mabillonium in *Pref.* ad lib. 3. *Annal. Benedic.*, Cotelierum ad lib. 2. *Constit. Apost.*, & Dogmaticos, quibus curæ fuit Novatorum oppositiones retundere. Dissertationem satis utilem *de Purgatorio* publici juris fecit P. a Porta, qui ex græca lingua, in qua, sicut & in aliis excellit, nova promit subsidia laudibus Criticorum dignissima.

---

## Annus Septimus.

### DE ACTIBUS HUMANIS,

*Conscientia, Legibus, Vitiis, & Peccatis,  
Justitia, & Jure.*

 Uæcumque in hoc septimo Anno tractanda erunt, ad *mores hominum* referuntur, & fundamenta appellari possunt Moralis Theologiae, non minus eam profitentibus, quam societati Christianorum universæ utilissima, planeque necessaria. Brevissime ab illis me expediam, ne videar noctuas Athenas ferre, & ea proponere, quæ in minimis quoque Ordinis nostri cœnobiis vulgaria, & notissima sunt. Primo itaque exordiri placet ab *Actibus humanis*, de quibus plura in tertio Anno Philosophico disputata fuerunt. Opportunum nunc erit scrutari, quid sit *spontaneum, voluntarium, liberum, involuntarium, violentum, & coactum*; ac deinde quatuor dubia dissolvenda erunt. Primum est, quandonam *effectus malus* indirecte voluntarius in causa positiva, sive etiam

tiam negativa, imputetur ad culpam; 2. Quomodo ad voluntarium se habeant, & referantur ignorantia, concupiscentia, & metus: 3. Undenam Actus humani desumant suam bonitatem, malitiamque moralem; 4. Utrum bonitas, & malitia inveniantur in Actibus, nedum internis, sed etiam externis, & an utrique pertineant ad eandem speciem.

*Conscientia*, quæ cordis scientia a S. Bernardo appellatur, a nobis assumenda est pro scientia, quæ voluntati proponitur de honestate, aut pravitate Actuum humanorum; ob quam causam in Conscientia attenditur applicatio moralis scientiæ ad aliquem actum, ut manifestetur conformitas, sive diffinitas illius a prima, æterna, & immutabili regula morum. Conscientia in certam dividitur, probabilem, & dubiam. De Conscientia certa hoc problema proponitur; utrum quidpiam præcipiens, aut prohibens, obliget sub pœna peccati; & utrum ultimum Conscientiæ dictamen de actu licito sive illicito, debeat esse moraliter certum. De Conscientia probabili, quæ ut plurimum sententiæ probabili innititur, hanc thesım ostendendam propono: non licere sequi opinionem minus probabilem in concursu probabilioris. De Conscientia tandem dubia, quæ neutri assentitur parti, propter erroris formidinem, statuendum erit tutiori parti adhærendum esse, licet aliquando præceptum cessare possit, & consilia ad eandem tutiorem partem eligendam invitent. Quæ tandem a Theologis disputantur de Conscientia erronea, perplexa sive scrupulosa, timorata, consulente, & permittente, secunda, temeraria, & perversa sat erit primoribus laboris gustare, earumque effectus, & salubriora remedia illis adhibenda scrutari.

Conscientia, interior est morum regula, cui exterior conformari debet, illa nimirum, quæ nobis a Lege proponitur. Lex autem bonum publicum præ



oculis habet, quod promulgatur per Legem ab eo, qui *Communitatis* curam gerit, eamque obligandi potestatem habet. *Expensis causis, effectibus*, atque *conditionibus* Legis, divisiones illius proponendæ erunt. Alia equidem lex est *æterna*, alia *naturalis*, sicuti alia *divina*, & alia *humana*. *Æternæ Legis* vocabulo, intelligitur ab Augustino Manichæos oppugnante, *Ratio & voluntas Dei* ordinem naturalem conservari iubens, perturbari vetans: *Lex vero naturalis* a Lege æterna, tamquam rivus a fonte scaturiens, *Ordinatio* erit *rectæ rationis* in bonum, insculpta cordibus hominum ab Authore Naturæ. Hanc *Legem naturalem* existere, probandum est Scripturarum, Patrumque testimonio, quo firmitus stabilientur argumenta, quæ de eadem Lege exposita fuerunt anno tertio philosophico. Ibidem præcepta *Juris* sive *Legis naturalis* ad amorem Dei, sui ipsius, & proximi revocavimus. Confectaria nunc eorundem præceptorum explicentur, ut *Legis naturalis* veri *limites* innotescant. Quærendum deinde erit, an *Lex naturalis una* sit atque *indelebilis*, an *mutationi* subjaceat, & *dispensationi* impetratæ a Deo *Legis conditore*; & an *Jus Gentium*, quod constanti consuetudine, & necessitate impellente, societates humanæ sibimetipsis præscripserunt, ad *Jus naturale* pertineat, sive, ut veritati conformius mihi visum est, ad *Jus positivum*.

Inter *positivas Leges Divina* primatum obtinet, sive *Decretum Dei* præcipientis modum, quo possint homines vitæ actus disponere in finem supernaturalem, & illum attingere. Dividitur in *Legem veterem*, quam *Mosaicam* vocant, & *novam*, sive *Evangelicam*. De Lege Mosaica demonstrandum est, *bonam* fuisse adversus Manichæos, suo in ordine & gradu *perfectam*, quamvis cum Evangelica si conferatur, sublimiori careat perfectionis statu, sedemque occupet humiliorem.

Fi-

*Finis proximus antiquæ Legis, institutio fuit Israëliticæ Gentis, cujus etiam supernaturalem felicitatem Sapientissimus Legislator promovere intendit in altera vita, quod inficiatur Janfenius scribens, veterem Legem sine ulla gratia sufficiente, aut adjuvante datam fuisse, eamque gratiam scopo Mosaicæ Legis repugnasse: Quærendum denique est, an Lex antiqua abrogata fuerit, & quo tempore cœperit esse Mortifera. In Lege nova, cujus causa efficiens unus est Christus Dominus, præcepta invenientur moralia, & ceremonialia; & de ipsa eadem quærendum est, quando hominibus data fuerit, & quousque sit duratura.*

*Legis humanæ vocabulo Præcepta intelligimus Civilia, & Ecclesiastica promulgata ab illis, qui legitima potestate fruuntur, eadem Præcepta condendi in bonum Reipublicæ, & Ecclesiæ. Ad utramque legem servandam tenentur homines, qui utrique subjacent potestati. Qui vero sint utriusque potestatis limites nostri muneris non est definire.*

Neminem porro latet *Peccatum* liberam esse transgressionem Legis; quomobrem a Legibus ad *Peccata* sermonem transferre decet. *Peccatum* definitur ab Augustino: dictum, vel factum, vel concupitum contra Legem æternam; & quamvis humanæ Leges ab æterna separentur, ab illa tamen proficiscuntur, sicuti de potestate legislativa Imperantium suo loco docuimus; ex quo sequitur, a peccato *imunes non reddi*, qui humanas leges infringunt, Deique ordinationi resistunt; & jure optimo proscriptam fuisse laxiorem sententiam, quod humanæ leges *in conscientia* non obligent. *Peccatum* opponitur rectæ rationi, æternæque Legi; atque ex oppositione, *specificæ distinctio* sequitur peccatorum, quorum essentiam in sola *privatione* collocandam esse non arbitror. *Subjectum* peccati omnis est, & sola creatura rationalis, quæ abutitur liber-  
tate

tate, & quæ prava voluntate assensum præbet actioni veritæ a Legibus. Voluntas igitur *caussa* erit peccati, non Deus, de quo proterve simul & impie scripsit Calvinus, quod peccatum velit & operetur, hominesque ad illud excitet & impellat. Neque peccata omnia *æqualia* sunt *inter se*, quod a Stoicis didicerat Jovinianus, quia non omnia æqualiter opponuntur rectæ rationi, & alia præstantiores virtutes lædunt, inferiores alia.

De *conditionibus* etiam, quæ sunt exitialia alimenta peccati, de *advertentia*, & de voluntatis *consensione* verba fiant, atque peccatorum effectus tristissimi numerentur. *Divisio* deinde proponenda est peccatorum, & hanc meditati e vestigio se offert peccatum *Originale*, quod a *Personali* distinguitur. Peccatum *Originale* admittendum esse, contra Pelagianos, & Socinianos testatur Fides Catholica. Hoc itaque dogmate præostenso, remanet investigandum *quid sit* originalis noxa in quo formaliter *consistat*, quomodo *propagetur*, an Beata Virgo Maria ab illa *immunis* servata fuerit, quibusve *pænis* universa hominum turba originali veneno vitiata subiaceat. *Personale* peccatum in *Mortale*, & in *Veniale* dividitur. Inficiantur hoc Lutherani cum Calvinistis, quorum errori subscripsit Bajus, qui *nullam* admisit *venialem culpam*; & peccatum *quodcumque* pœnam æternam mereri commentus est. *Discrimen* propterea, Mortalia inter & Venialia crimina intercedens, tamquam fidei dogma theologicis doctrinis fulciatur, ac deinde repræsentetur criminis utriusque *natura* cum regulis, quibus unum ab altero discernitur, & segregatur. Laconica tandem oratione de peccatis *capitalibus* disceptandum est, & etiam de illis, quæ ex *omissione* nascuntur.

Peccatis, & vitiis miseræ hominum conditioni insensissimis opponuntur *Virtutes*, de quibus sparsim plura  
pro-

proposita sunt & discussa . Peculiarem eas inter animadversionem efflagitat *Justitia* , quæ cum doctrinis connectitur de *Jure Naturali* traditis , & in *Elementis Juris Ecclesiastici* tradendis . *Justitia* , sive constans , & perpetua voluntas jus suum cuique tribuendi , ut effectum sortiatur , & latentibus injustitiæ scopulis allisa non pereat , primo quærendum est quid sint *Jus* , & *Dominium* , & in quas classes , sive species distribuantur . Investigari deinde poterunt modi , sive *tituli* acquirendi *Dominium* , ex *Juris gentium* principiis deductum . Inter eosdem primum sibi locum vindicat *Occupatio* illorum , quæ nullius subjacent potestati , ac deinde *Nativitas* animalium ex proprio animali , *Alluvio* , quæ a civilibus legibus regitur , *Specificatio* , sive novæ formæ introductio , *Confusio* , *Permixtio* , *Accessio* rei accidentalis ad principalem , *Aedificatio* , *Plantatio* , fructuum *Perceptio* , & *Translatio* . *Tituli* , sive modi , quibus *Dominium* acquiritur ex *Juris Civilis* dispositionibus , sunt *Præscriptio* , sive *Usucapio* , *Donatio* , *Hæreditas* , *Legatum* , *Fidei commissum* , *Bonorum possessio* , *Acquisitio* per arrogationem , & *Contractus* . Tum illa , tum ista *Dominii* legitimi fundamenta breviter explanentur .

Quamvis autem hominum *Dominio* subesse valeant sublunaria quæcumque , peculiari tamen studio investigandum est *Dominium* , quo frui possunt homines supra seipsos , supra familiam , & supra servos . Deinde proponendum est *Dominium Clericorum* , ex multiplici titulo illis obveniens , & *Religiosorum* , in quibus abdicatio proprietatis rerum , consecrarium est *Voti* sollemnis , ab eisdem emissi .

Præmissa cognitione *Juris* , *Dominii* , & *Subjecti* cui *Dominium* competit , planior aperitur semita *Justitiæ* , cujus beneficio homines , feritate deposita , socialis vitæ commodis & libertate fruuntur . Dividitur  
in


in *distributivam*, *legalem*, & *commutativam*: & ad eandem species revocari potest *Iustitia vindicativa*, quæ distributiva est in *Principe*, legalis in *subdito*, tolerante tributa & pœnas, commutativa in *æqualitate*, intercedente *datum* inter & *acceptum*, inter *delictum*, & *supplicium*. Unaquæque species ad debita *Iustitiæ* servanda impellit, ut evitetur cum *injustitia* onus restitutionis, de qua *Moralis Theologiæ* magistri fusc loquuntur.

---

## Annus Octavus.

### DE SACRAMENTIS IN GENERE,

#### *Baptismo, Confirmatione, & Eucharistia.*

Uamvis unumquemque fidelem deceat *Sacramenta* nosse, per quæ omnis vera *iustitia*, vel incipit, vel cœpta augetur, vel amissa reparatur, necessarium tamen est ab ecclesiastico homine, divinis eisdem *Mysteriis* tractandis addicto, nihil prorsus ignorari illorum, quæ referri possunt ad hæc pretiosissima *Dona*, quibus *Christus Dominus* reversurus ex hoc mundo ad *Patrem*, filios suos lucupletatos reliquit. *Theologis* propterea præstantissimis morem gerentes, priusquam de unoquoque *Sacramento* sermonem instituamus, generalia documenta proponenda erunt, in quæ omnium *Sacramentorum*, vel saltem plurium indoles, & natura conspirant. Hæc autem *Prolegomena*, quibus eximia luce quodlibet *Sacramentum* perfunditur, *Dissertationem* conficiant, quæ obsoleto vocabulo appellatur *de Sacramentis in genere*, quia in illa tractandum est de *Sacramentorum Essentia*,  
*Exi.*

*Existentia, Materia, & Forma, Autore, Ministro, Subiecto, Efficacia, & virtute, Effectibus, & Ceremoniis.*

De *Essentia* itaque differentibus occurrunt nomina *Mysterii, & Sacramenti*, quibus intelligitur signum rei sacræ, qua fideles sanctificantur, Divinoque cultui dedicantur, atque initiantur. Hæc sane vocabula, sicuti & alia *Materiæ, & Formæ* novatores fastidiunt, præsertim Sociniani, qui mirari non debuissent rarius materiam, & formam, sive *partes* Sacramentorum, illorumque essentiam, & ceremonias, a vetustioribus Ecclesiæ Patribus recensitas inveniri, si animum intendissent ad *Arcani disciplinam*, quam Albertinus, & Binghamus falso affirmant, custodiri incœpisse Tertulliani ætate. Ostendit enim Emman. Schelltrat in *Dissert. de Disciplina Arcani* contra Tentzelium, in ipsis veluti Ecclesiæ crepundiis fuisse adhibitam, nedum ut prophanus Ethnicorum vulgus, sed et ipsi Catechumeni, ab Ecclesiæ plurium mysteriorum notitia arcerentur, sicuti ante Schellstratum docuerat Gabr. Alapinæus in suis *Observat. Ecclesiast.* libris. De hac Arcani Disciplina pauca saltem delibanda tyronibus proponantur, præsertim ad eorum animos præparandos ad ea, quæ suo loco erunt inquirenda de *Verbis* ad sensibilia *Elementa* accedentibus, ut fiant *Sacramenta*; quod argumentum diligentissime versat anonymus Scriptor Dissertationis *de formulis Sacramentorum*, paucis ab hinc annis Parisiis editæ. Definitionem Sacramentorum a Catechismo Rom. propositam amplectentur, repudiatis, refutatisque illis, quæ proponuntur ab heterodoxis, quorum omnium mens fuit *Sacramentorum* germanam ideam, naturamque corrumpere, & impio in quod juraverant systemati accomodare.

*Existentiam* Sacramentorum a Lege naturæ excludendam esse censerem : quidquid in oppositum proferat

K

Tour-

Tournely, cui tamen, sicuti & aliis pluribus, facile permiserim, pro lege Mosaica, ad Sacramenti dignitatem evectam fuisse Circumcisionem, Agnumque Paschalem, usque ad tempus, quo, ut vidimus anno superiore, legalia & ceremonialia veteris Testamenti, abrogata per Evangelium, cæperunt esse mortifera. Sacramenti tamen nomina & characteres pleno jure conveniunt *Baptismo*, *Confirmationi*, & *Eucharistiæ*, de quibus scholastico hoc anno, *Pœnitentiæ*, *Extremæ Unctioni*, *Ordini*, & *Matrimonio*, de quibus anno sequenti tractandum erit. *Septenarius* numerus imminui non debet, neque augeri, humili præsertim *pedum lotioni*, quam Ecclesia, voluntatis Christi fidelis interpret, nunquam albo Sacramentorum inseruit. Et quamvis antiquitus pedum ablutio fieret in *Baptismo*, omisam tamen fuisse novimus, ne ad Sacramenti essentiam spectare videretur; & sequiori ætate, in Dominica Palmarum die, *Capitilavium* loco Pedilavii fiebat supra Catechumenos, quod Alcuinus, & vetera Missalia a Mabillonio diligenter collecta & illustrata testantur.

*Materiæ*, *Formæque* Sacramentorum vocabula, sæculo Ecclesiæ XIII. invaluisse notum est, & sane utiliter, ad exprimenda sensibilia *Elementa*, & *Verba*, in quibus mutatio quælibet caute evitanda est, licet non omnis mutatio Sacramenta irriter. Huic mutationi obnoxia præsertim redduntur *Verba*, quæ consecratoria esse, non mere promissoria, sive concionatoria, frequenter Ecclesia docuit contra Lutheranos, & Calvinistas, quibus non suffragantur *catecheses*, atque *conciones*, quæ ex inducto apud veteres usu, præmittentur Sacramentorum ministratiōi. Eadem Sacramenta a Christo Domino *instituta* fuisse una omnium Catholicorum sententia est, fidei dogmate stabilita; & quamvis cum Mag. Sententiarum nonnulli veteres, *mediatam* Divino Reparatori Sacramentorum quorundam

dam tribuant Institutionem, a me ipſo tamen impedire non potui, ut illis acquieſcerem, cum evidens ſit, institutionem *immediatam*, inconcuſſæ fidei doctrinæ conſentaneam eſſe.

De Sacramentorum *Miniftro* in eamdem ſententiam omnium vota conſpirant, nempe, quod eſſe debeat homo fidelis, qui legitimæ *Ordinationis* beneficio, ad Dei myſteriorum diſpenſationem vocatus fuerit. Quæ de Miniſtris *extraordinariis* quorundam Sacramentorum ſunt excipienda, alibi proponuntur. Internæ Miniſtrorum conditiones, *Intentio* videlicet, *Fides*, & *Probitas* controverſiæ graviffimæ locum dedere, quæ ſapientum ingenia exercet. Intentionem *æſtualem*, ſive *virtualem* requiri in Miniſtris, id faciendi quod facit Eccleſia, inficiantur novatores, quibus perſuaſum eſt homines juſtificari per fidem, & ſenſibilia Sacramentorum ſymbola, nuda eſſe ad fidem incitamenta; cumque Lutherus *mimici* etiam *miniſterii* valorem probaverit, Chemnitius cum Calviniftis, audaciſſimam impii præceptoris veſaniam emollire conatur, pluribuſque gloriatur hiſtoricis, dogmaticiſque argumentis, a quibus ſane cauſſa Catholicorum non læditur. Quid tamen conſilii capiendum, de Ambroſii Catharini opinione, novis phaleris exornata a PP. Contenſonio, Serry, & Rei Sacramentariæ Scriptore? Adverſus eam aliquando plura argumenta congeſſi, ut auditorum animos in oppoſitam ſententiam deducerem. Verum, ſi Miniſter *libere* & *ſerio* operetur, cum firmo mentis propoſito id faciendi quod facit Eccleſia, quanti æſtimanda erit occulta intentio illius irritandi Sacramentum, ſive illud non conſciendi? Sacrum opus libere & ſerio peractum, nonne reddit enervem, vel melius enecat contrariam, & in animo latentem, ſententiam, qua improbus Miniſter ſibi metipſi fucum



facit ? Hoc argumento me vehementer commotum ,  
eoque solvendo imparē , ingenue fateor .

Alterum controversiæ caput de *Fide* Ministri ,  
maximo partium impetu agitatum fuit eo tempore ,  
quo S. Cyprianus a Januario , aliisque Numidiæ Epi-  
scopis interrogatus , respondit , nullum esse Baptisma  
collatum ab *Hæreticis* , & a *Schismaticis* . Quamvis  
autem , ut notum est , & Firmilianus Cæsaræensis  
Metropolita , in Cypriani , & Carthaginensis Synodi  
sententiam descendisset , S. Stephanus Rom. Pontifex  
contrarium decretum edidit , a Conciliis pluribus con-  
firmatum , atque etiam a *Plenario* , cujus meminit Au-  
gustinus , & a Tridentino . Præter Theologos , hoc Cy-  
priani dissidium accurate expendunt Nat. Alexander ,  
& Tillemontius , nostraque hac ætate PP. Missorius ,  
& Sbaralea , quorum labores eruditi magis quam soli-  
di , mihi eos consulenti visi sunt . Hæresi , & Schis-  
mati addatur Ministri *improbilas* , quæ Sacramenta non  
vitiat , sicuti Donatistæ opinabantur , exemplo ducti ve-  
nenatæ arboris , ex qua saluberrimi fructus nequeunt  
erumpere , & muscæ morientis , quæ perdit unguenti  
suavitatem ; perinde ac si , propria Ministrorum Sacra-  
menta forent , non Jesu Christi . De *subjecto* , in quod Sa-  
cramenta virtutem suam exerunt , & efficaciam , pauca  
notanda erunt . *Gratiam* ab eisdem conferri *ex opere ope-  
rato* , nemo omnium Catholicorum dubitat , quoties-  
cumque nullo obice tanti beneficii diffusio retardetur .  
*Moraliter* tamen , non *physicæ* eandem gratiam a Sa-  
cramentis produci , ipse ego arbitror adversus Thomi-  
stas . Angelico tamen eorum Magistro adhærendum est ,  
scribenti , vetera Sacramenta , ipsamque Circumci-  
sionem contulisse gratiam *ex opere operantis* , minorique  
in pretio habenda esse Sacramentis Evangelicæ legis .  
Post Gratiam , alterum quibusdam in Sacramentis effe-  
ctum Ecclesia recolit , videlicet *Charactērem* a perpetua

tra-

traditione propositum, & a Concilio Tridentino firmitus stabilitum.

Quatuor de Sacramentis in genere Theologos cuiusque obvios nuncupabo, Calp. Juvenium, Hon. Tournely, Rei Sacramentariæ Scriptorem, redundantem quamvis verborum copia lectoribus gravem, & Laur. Berti. Eorum subsidio absolutam de Sacramentis in genere, & in specie tractationem adornare poterunt Juvenum nostrorum Magistri. Præter Bellarminum, aliosque Controversistas Th. Waldensis, Maldonatus, & Arcudius plura exhibent, ad Sacramentorum in genere doctrinam utilissima. De Sacramentorum numero in utraque Ecclesia cum Arcudio legendus est. Allatius de consensu lib. 2. De lotionem pedum a Sacramentorum numero exturbanda differunt Maurini in *Ambrosium*, Mabillonius in *Bernardum*. Quando vocabula *Materiæ*, & *Formæ* adhibita primum fuerint in Ecclesia, erudite docet Morinus lib. 7. de *Pœnitentia*, & post eum Arcudius, & alii. Idem Morinus examen assumit *Formæ conditionalis* lib. 10. de *Pœnit.*, & de *Sac. Ordin.* Exerc. 1. cui addatur Martenius de *ant. Eccl. rit.* Intentionem Ministri ad trutinam revocant Salmeron in *Epist. ad Rom.*, Contensonius in exiguo libello contra Bellarminum, Card. Pallavicinus in *Hist. Conc. Trid.* & Pet. de Marca in *Dissert. posthuma de Sacrificiis*. De Characteribus Sacramentorum Morinus de *Sac. Ordin.* Exercit. 3. Tandem pro ritibus, & ceremoniis nomino Jos. Vicecomitem, Euchologium Goarii, Edm. Martene, Liturgias editas a Mabillonio, & ab Assemanio, & Jos. Binghamum accuratissimum, qui Anglicanæ tamen Ecclesiæ venena utilibus doctrinis permiscet.

Aquam mundam ab Ezechiele prænunciatam, & supra unumquemque Christianorum effusam, extulit ad *Sacramenti* dignitatem Christus Dominus, ut ab ori-

ginali macula, & ab actualium criminum fordibus homines purgarentur. Catholicam de hoc *Baptismi* Sacramento doctrinam, sartam tectam custodiunt Dogmatici, qui illius *Essentiam*, in definitionem partemque divisam, *Existentiam*, *Necessitatem*, *Institutorem*, *Ministrum*, *Subiectum*, *Virtutem*, *Effectus*, & *Ceremonias* solerti investigatione scrutantur. Baptismus itaque, sive Sacramentum *regenerationis* per *aquam* in *verbo*, longe distat a Gentilium, Judæorumque *ablutionibus*, neque ab illis suam desumit originem, quemadmodum Grotio, Spencero, Vandalio, & Lightfooto visum est, neque etiam *externi signi* nudum characterem habet, sicuti Sociniani affirmant, cum ab eo producat gratia, & veteris hominis crimina deleantur. *Materiæ* Baptismi corruptores numerantur a Martenio lib. 1. art. 4., ubi cum Grotio, & Binghamo ignem cum aqua a pluribus fuisse adhibitum scribit, pro ritu ceremoniali, non pro Sacramenti materia. Verum hæc Baptismata sicuti etiam illa, quæ fiebant in oleo, vino, cervisia, arena, & similibus improbanda erunt, quotiescumque Aqua *vera & naturalis* designata a Christo, in sensum metaphoricum detorqueri non possit. Per *trinam immersionem* antiqui fideles baptizabantur; cum tamen exempla non desint Baptismatum per *ersionem unicam*, per *infusionem*, & per *aspersionem* collatorum, non in sola Clinicorum necessitate, sed in publico etiam solemnique ritu, ideo Sacramentum hoc suo valore non destituitur, si per *infusionem*, aut *aspersionem* conferatur, quod sæculo XIV. labente, fieri cœptum fuit apud Latinos, ut sceminarum modestiæ, & infantium incolumitati provideretur. Præter documenta, quæ ex Mabillenio, & Ciampinio collegit P. Berti, alia reperiri poterunt apud Binghamum in suis *Originibus*, Martenium supra commendatum, Chardonium lib. 1. *Hist. Sacram.* & Thiers Tom. I. *Hist. Superstitionum*, qui-

quibus impii homines conati sunt Ecclesiæ Sacramenta vitare.

Ab eisdem Scriptoribus recensentur innovatores *Formæ* institutæ a Christo, pro sancto regenerationis lavacro. Ab ipso Apostolorum ævo Baptismi Formam interpolatam fuisse certum est, in eum præcipue finem, ut nova erroribus pararentur præsidia; quamobrem præter Gnosticos, Priscillianistas, Menandrum, Cataphryges, Marcosianos, & Sabellianos, ab ipsis quoque Arianis adulteratam affirmat Baronius, cui tamen assentiri non possum, ob Athanasii, aliorumque antiquorum silentium. Eunomius, qui suis cum gregalibus *in mortem Domini* baptizabat, abstinuisse mihi visus est ab expressa Trinitatis invocatione, ut Arianos palparet, quibus impense favebat. Caveant tamen nostrorum juvenum præceptores, a confundendo pravam Eunomii disciplinam, cum opinione catholica Theologorum quorundam, qui docuerunt ex Dei speciali mandato Apostolos, in prima exorientis Ecclesiæ propagatione, neophitos *in Christi nomine* abluisse. Quamvis enim nullius efficaciæ reputandum nunc foret Baptisma traditum in Christi nomine, adhuc non desunt post S. Thomam viri doctissimi, quos inter eminet Card. Orsius, qui censuerunt primis post Ascensionem Christi temporibus, ab Apostolis in divini ejusdem Ecclesiæ Institutoris *nomine*, Catechumenos salutaribus undis aspersos fuisse. Ex adverso tamen præliantur innumeri fere doctores, ad quorum latus incedendum cenleo, cum testimonia & exempla, quibus Orsius gloriatur, præscriptam Trinitatis invocationem non turbent, & de Baptismo Christi, & in ejus fide suscepto explicanda sint.

Quibuscumque hominibus sanctum *Lavacrum* necessarium esse necessitate medii, & pro adultis etiam præcepti, docet fides & insinuat traditio. De Pueris

decedentibus *sine Baptismo*, & de eorum *pœnis*, hoc loco differendi facultas dabitur, nisi de eisdem actum fuerit in discussione Originalis peccati. De hoc similiter ambigendum non est, quod Baptisma *flaminis* sive desiderii in adultis, & *sanguinis*, sive martyrii etiam in parvulis, *flumineo*, ut ajunt, sive aqueo Baptismati æquivalet, ex voluntate Christi Domini, qui hoc salubre mysterium mihi vilius est instituisse in Jordane, manifestasse Nicodemo, & aliis quibusdam ante passionem, & post mortis triumphum, & resurrectionem, ad universum humanum genus ampliasse, ut vim *medii*, atque *præcepti* obtineret. Nisi mea opinio deferit, ita conciliantur dissonæ Patrum, & Theologorum sententiæ.

In proponendo *Ministro*, & *Subjecto* Baptismi, a laudatis Scriptoribus recedendum non est, & præsertim a Tournely, & a P. Berti, qui sermonem instituunt de Ministro extraordinario, pro quo utilis foret Dissertatio Binghami *de Baptismo Laicorum*, nisi audacissime in Romanam Ecclesiam insurgeret. De Infantium Baptismo, quæ turbæ excitatæ fuerint, neminem fugit; verum in proponendo catholico dogmate, refellenda est opinio Salmasii in *Epist. ad Justum Pacium*, Suicerii Tom. II. *Thes. Eccles.* Vitringæ in *Dissert. de Pædobaptismo*, & Vandalii in *Bapt. Hist.* Eisdem placuit adhærere Lud. Vives affirmanti in cap. 27. lib. 1. *de Civit. Dei*, licitum quidem esse Baptisma puerorum, sed hanc disciplinam destitui Apostolica, & Ecclesiastica priorum sæculorum traditione. Splendidum hoc mendacium erudite confutatum invenio ab ipso Binghamo, proferente vindices *Pædobaptismi*, Hermam, Justinum Martyrem, auctorem Recognitionum, Irenæum, Cyprianum, ipsumque Tertullianum, quem Anabaptistis eripiunt Muratorius *de ingen. moderatione* & P. Berti, lib. 31. Ampliari tamen Ba-

Baptisma non poterit *ad defunctos*; & Apostoli verba de illis, *qui baptizantur pro mortuis*, exponuntur juxta plausibiliores sententias, quæ leguntur in Dissert. Calmeti de hoc argumento.

Virtus, atque efficacia Baptismi negligendæ non sunt, cum *figuris* Sacramentum aquæ in veteri Lege adumbrantibus, & cum *Joannis Baptismo*, quem audacissime Melancthon, Bucerus, Zuinglius, alique, faciunt Christi Baptismati æqualem: perinde ac si *Præcurso*, & ad pœnitentiam agendam cohortatio, complecterentur diffusionem cœlestis gratiæ, obtinendæ ab eo, qui baptizaturus erat in *Spiritu Sancto*. Cere monias Baptismi diligenter exponunt Vicecomes, Casalius, Martenius, & Chardonius, quibus addantur ex novatoribus Binghamus lib. XI., & Cavæus in *Christianismo primitivo*. Ego quidem in votis habeo, ut diligens collatio fiat *Catechumenorum*, & quatuor Catechumenatus *graduum* ante Baptisma, cum *Pœnitentibus*, eorumque *gradibus*, pruisquam ab Ecclesia illi Sacramentum aquæ, isti plenam reconciliationem obtinerent. Prodesse enim poterit comparatio hujusmodi disciplinæ pœnitentiali, quam sequenti anno proponam. Absolutis Baptismi ceremoniis, Sancto Chrismate, & Eucharisticis Symbolis donabantur in veteri Ecclesia novi fideles; & hanc consuetudinem post Albaspinæum a Chardonio cap. 18. lib. 1. egregie discussam reperi. Ad eorundem itaque Sacramentorum contemplationem progrediamur.

De Confirmatione eadem proponenda erunt doctrinæ orthodoxæ capita, quæ ventilata sunt de Sacramento Baptismi. Verum, post exposita nomina *Confirmationis*, sive *Magni Chrysmatis*, quam operam a P. Berti diligenter navatam invenio, *Existentia* Sacramenti ita stabiliri debet, ut appareat illud, nudam non fuisse apud veteres Baptismatis *cere moniam*, quem ad-

admodum Binghamus; atque Cayæus inutiliter conantur evincere. Hoc *Sacramento* consummantur, siue roborantur fideles in christianæ vitæ proposito, medio etiam stigmate, & *sigillo indelebili*, quo declarantur milites Christi, cujus merentur stipendia, divini Flaminis unctionibus locupletata. Dubitari equidem posset de Confirmationis *iteratione* in hæreticis, qui adhibita manuum impositione, & chrismatione ad Ecclesiæ pacem admittebantur. Attamen adversus Sirmundum, atque Morinum, qui Sacramenti indolem, & prærogativas sibi visi sunt invenisse in hæreticorum ceremoniali reconciliatione, insurgunt agmine facto nostræ ætatis Dogmatici; & quamvis revertentibus ad unitatem imponerentur manus in *Spiritu Sancto*, facili tamen & obvia erit animadversio, Divini Spiritus dona in evomentibus pravorum dogmatum venena reviviscere, nihilque differre a reconciliatione, quæ dabatur in *pœnitentiam*. Testimonia quæ diligenter collegit Binghamus cap. 1. lib. xii. robur addent probatissimæ recentiorum sententiæ. Apud eundem Acatholicum Scriptorem plura inveniuntur, sicuti de Baptismi, ita etiam de Confirmationis *ceremoniis*, de *Sponsoribus* utrobique adhibitis ex veterum ritu, & de Confirmationis *ministerio*, de quo contra Photium, aliosque Orientales legi poterunt *Animadversiones* Benedicti XIV. lib. vii. de *Syn. Diocesana*.

*Eucharistia*, in qua omnium Christi beneficiorum summa colligitur *Sacramentum* est, simulque verum *Sacrificium*; quamobrem in duas partes segregandi erunt labores in hoc argumento subeundi. Si de *Sacramento* loquamur, post *Essentiam*, *Existentia* illius, siue *realis Christi præsentia* ostendenda erit, cum præsentia modo, videlicet *Transubstantiatione*, *Necessitate*, *Autore*, *Ministro*, *Subiecto*, *Effectibus*, & *Ceremoniis*, quæ tamen referri poterunt ad *Sacrifici-*  
ci-

cium, ad quod pertinet Liturgiarum examen.

*Nomina*, quibus Sacramentum Eucharisticum designatur, plurima sunt, & post Lanfranchum *de Sacrif. Euch.* cap. 27. exponuntur a Tournely, Berti, Chardonio, Martenio, Binghamo, aliisque. In illius definitione, cum *Corpore*, & *Sanguine Domini*, locum habere debent *panis*, *vinique species*, ut in istis servetur ratio *mysterii*, in illis vero substantia *permanens* Sacramenti, distincta a simplici, & nuda *sumptione*, cujus gratia Calvinistæ blasphemant, quoslibet de mensa Domini participantes, Eucharistici muneris *ministerium* fungi. Panem *triticeum*, sive ille sit *azimus*, sive *fermentatus* materiam esse, ex qua præexistente *consecratur* Eucharistia, Latinis persuasum est, contra ejusdem materiæ corruptores, qui panem cum caseo, infantis membra & sanguinem, lac, mel, & prophaniores etiam substantias, loco Eucharistici *panis*, suos inter gregales distribuebant, & contra Græcos, qui cum Michaelæ Cerulario Latinis vitio vertunt, quod in *Azimo* Sacramentum, Sacrificiumque incruentum conficiant.

*Perpetuum* in Occidentali Ecclesia *usum* Azimi, ante recentiores Controversias defenderant Mabillonius in *Præf. sec. 3. Benedict.*, Macedo in *Disquisitione de rit. Azimi*, Lupus in *Actis S. Leonis IX.*, Ciampinius in *conjecturis de perpet. azim: usu*, & Cabassutius *Disser.* 12. *sec. II.* Per octo priora sæcula panem fermentatum adhibitum fuisse a Latinis nititur demonstrare Sirmundus in *Disser. de azimo* cum Card. Bona lib. 1. *rer. liturgic.*; & Azimo locum dedisse Latinos media ætate, quæ intercessit a Photio ad Cerularium, utriusque postremi Scriptoris opinio est. Priorem Mabillonii, aliorumque sententiam veritati proximiorē judico, eosdemque arbitror *Orientaler* Eucharistiam in *azimo* consecrassē antiquiori ætate, de-



desumpto exemplo a divina Sacramenti institutione. De hac controversia optime meruit Honoratus a S. Maria Tom. II. *animadvers. in reg. & us. Crit.* Neque sententiæ prioris jugulum petit *Fermentum*, quod ab Ecclesia Matrice ad inferiores, & suburbicarias Subdiaconorum, aliorumque Clericorum manu antiquitus deferabatur. Vocabulo enim *Fermenti*, quamvis non significarentur *Eulogiæ*, sicuti Baronius, & Binius arbitrantur, sed Eucaristica dona, quod Ant. Augustinus, Mabillonius, Lupus, & Card. Thomasius affirmant, & Tarficii M. celebre factum suadet, adhuc pro certo haberi debet *Fermentum* vocem arcanam fuisse, qua conjunctio Fidelium cum Christo figurabatur.

*Vinum* ex uvis expressum, alterum est Eucharistici Sacramenti Elementum, cui religio vetat substituere alios liquores, quod antiquitus ob ignorantiam, recentioribus sæculis, ob novatorum malitiam contigisse querimus. Corruptorum Sancti *Calicis* nomina diligenter enumerat Thiers Tom. II. lib. 3., una cum illis, qui *aquæ* cum vino commixtionem damnabant. Vossius Disput. 4. de S. *Mense Dom. Symbolis*, mentem exprimit Calvinistarum, qui ab *aqua* se abstinent. Perpetuam traditionem, præcepto Ecclesiæ stabilitam, nos sequemur, quamvis post vindicatam S. Cypriani sententiam, fateamur ad Sacramenti necessitatem non pertinere aquam, quæ *immediate* convertitur in Sanguinem Christi, qui vinum aqua temperatum adhibuit in ultima Cœna.

Exemplum Divini ejusdem Magistri inquirendum est in *Forma* Eucharisticæ institutionis. Hanc Formam, non *historice* solum pronunciandam cum Calvinistis, neque ampliandam cum Græcis, quibus Card. Bessarion, Allarius, & Arcudius contradicunt, protulit Christus Dominus, nobisque documentum exhibuit, ut sequamur exemplum illius. Non omnia sane  
Evan-

Evangelica verba pertinent ad *essentiam* Formæ, sed illa, quæ referuntur ab omnibus Evangelistis, quæ non omittuntur in Liturgiis, & in quibus Ecclesiæ Patres Sacramenti *essentiam* reposuerunt. Virtute & efficacia Formæ, sive verborum, quibus Sacerdos *significative*, & *effectively* illud operatur, quod in ultima Cœna peregit Christus, cujus legatione fungitur, personamque induit, præsens sistitur sub panis & vini speciebus idem Divinus Sacramenti Institutor, qui æternus *Sacerdos*, simul & *Victima* vocari debet.

Quamvis autem omnes, qui Christo nomen se dedisse gloriantur, *Realem Præsentiam* ejusdem Christi in Eucharistia fateantur, a veritatis tamen limine longius errant Acatolici, qui veterum Hæreticorum monstra ad vitam revocare conati sunt. Apud Arnaldum *in perpet. fidei*, Bossuetum *in varat. bist.*, Tournely, Thiers, Berti, Witasse, & Chardonium expositæ, discussæ, & refutatæ inveniuntur prævæ opiniones, ut clarius effulgeat lux veritatis, quam in quolibet sæculo reperit laudatus Scriptor *perpet. fidei*, cujus in hoc argumento labores eximiis laudibus sunt cumulandi. Nova documenta in *Tract. de Sacram. Altaris* proponit Harduinus, qui Basnagium, & Pfaffium spoliatur auctoritate Chrysostomi in *Epist. ad Casarium*, ubi visus est quibusdam, præsentiam metaphoricam reali substituissæ. Quod vero *tota* panis vinique *substantia* convertatur, sive *transubstantietur* in Corpus & Sanguinem Christi, adversus Lutheranos, ejusdemque furfuris nebulones, a Scriptoribus Catholicis demonstratur, simulque ostenditur utrumque Mysterium supra humanæ rationis limites esse, non *contra illam* pugnare, sicuti Sociniani ausu improbo putaverunt.

De Eucharistici Sacramenti Divino *Instituto* statuendum est, comestum ab eodem fuisse Agnum Paschalem in anno suo emortuali; & concilianda erunt in-

inter se Evangelistarum testimonia, quod Lamy, Honoratus, Harduinus, Serry, & Gravelon, præter Theologos præstant. Neque opus erit confugere ad sententiam Petavii, qui fautoribus Vossio, & Lupo, lib. XII. *de doctr. temp.*, atque in *not. ad Epiph.* opinatur, anno vitæ Christi postremo Scribas, & Phariseos præposterum Pascha celebrasse. Stante enim legitimo Paschate, Christus Dominus recubuit cum suis Discipulis in sui obitus pervigilio, videlicet in secundis vespers diei 14. mensis Nisan, & in secunda cœna, quæ post Paschalem instruebatur, Eucharisticum Sacramentum instituit, deinde surgens a cœna, lavit Discipulorum pedes loco manuum, quæ a Judæis abluebantur, & accumbens iterum, bucellam panis Judæ tradidit proditori.

Idem Petavius in *diatr. de potest. consecrandi*, crudite & solide vindicat *solis Sacerdotibus* dignitatem & jus conficiendi, sive *consecrandi* Eucharistiam, quod est dogma fidei. Illius vero *dispensandi* officium, Diaconis antiquitus committebatur, contradicente nemine. Quod *offerendi* quoque licentiam *Diaconi* arripuerint, P. Sbaralea ostendere nititur, testimonio Conciliorum Arelatensis, & Ancyрани. Sed adversus eundem ostensum fuit *oblationis*, & *consecrationis* vocabula expressa pro Diaconis, referri posse, & debere ad eorum *ministerium*, & ad Sanctorum munerum *distributionem*. In *Actis* MM. in Tract. S. Cypriani *de lapsis*, & in aliis Ecclesiæ monimentis apud Harduinum, Arcudium, & Binghamum, plura lector inveniet, quæ singularem afferent utilitatem.

*Subjectum*, atque *necessitas* Eucharistiæ, argumenta sunt minoris momenti; sed quæ de *Communione* sub *unica specie* ab Heterodoxis promoventur querelæ, prolixiorum inquisitionem exposcunt. Si exempla illi nobis obtrudant, ad ostendendum *sub utraque specie* Fideles Eu-

Eucharistiam antiquitus accepisse, laterem lavant, quia Mabillonius *Præf. in 3. sæc.* Bossuetus in *Dissert. de hoc argumento*, Martenius, & alii ingenue fatentur, Laicos de Divino etiam Calice participasse, eisdemque interdictum fuisse sequiori ætate Calicis usum ob graves causas, quæ a Tridentino Concilio probatæ sunt. Demonstrandum propterea erit, neque *divinum præceptum*, neque *salutis capessendæ necessitatem* exigere, ut *sub utraque specie* Laici communicent: contrarium suadentibus, præter argumenta theologica, exemplis Fidelium, qui Ecclesia probante, unico panis Symbolo antiquitus reficiebantur. Inter *effectus* hujus Sacramenti principem locum obtinet *Gratia*, & incrementum illius. Inter *dispositiones* vero numeratur *Jejunium*, quod ab Apostolica traditione dimanat. Me non latet in Corinthiorum Ecclesia, saturos ad sanctificata dona Fideles accessisse. Verum Ecclesiæ illius disciplina singularis fuit, neque concordî aliarum Ecclesiarum suffragio fulcitur. Boehmero, qui eruditam scripsit *Dissertationem* de hoc argumento, & aliam de *Agapis* veterum Christianorum, opponatur Thomasinus in suo *Tract. de Jejunis*, Albaspinæus *lib. 1. Observ. cap. 18.* cum Mabillonio. Novi Suicerum, Dallæum, ipsumque Estium in *cap. xi. 1. Corinth.* præmisisse *Agapas* Synaxi, & Mensæ Dominicæ; sed contra eos dimicant verba Plinii in *Epist. ad Trajanum*, Tertullianus qui elegantissimam Agaparum descriptionem inseruit *cap. 39. Apologet.*, Antiquiora Concilia Africana, & alia vetera documenta, a quibus edocemur, quod in sola feria quinta ante Pascha, alicubi cœnæ convivales cœnæ Eucharisticæ præmittebantur.

Divinum Eucharistiæ Mysterium cæteris Sacramentis præstat, non solum propter realem Christi præsentiam, sed etiam quia fructus quodammodo vocari potest *Sacrificii* Incruenti, cujus *Existentia*, *Es-*  
*sen-*

*sentia*, *Minister*, *Subiectum*, *Effectus*, *Proprietates*; & *Ritus*, juvenum nostrorum notitiæ subtrahi non debent. Vera Religio suis semper *Sacrificiis* in lege *naturæ*, & in lege *Mosaica* gavisa est. Suum propterea lex Evangelica *Sacrificium* habet *Incruentum*, & *Latreuticum*, de quo legi poterunt cum Theologis Card. Bona in *libb. rer. liturg.*, Martenius, le Brun, & Chardonius. *Essentia* ejusdem Sacrificii in *Consecratione* collocanda est. Oblatio enim, quæ Consecrationi antepositur, Divini Institutoris destituitur exemplo; & si subsequens Panis contractio non fieret, adhuc *ratio* Sacrificii persisteret. In Consecratione offertur *Victima* Deo, ex Tertulliani, Irenæi, & Chrysostomi sententia; atque *immutatio mystica* peragitur Corporis, & Sanguinis Christi, virtute verborum Ministri. Cum tamen Corpus, & Sanguis Christi exhibeantur sub speciebus panis, & vini, videlicet cibi, & potus, ideo Consecratio earundem, volente Deo, ordinatur ad consumptionem, tamquam ad terminum, & finem *extrinsecum* essentiae, sed *intrinsecum integritati* Sacrificii.

Opportunum hic erit verba facere de *Liturgiis*, ut appareat, quam polleant *authoritate*, & *antiquitate*. Plura de Liturgiis scripserunt Pamelius, Menardus, Cafalius, Card. Bona, & Thomafius, Mabilionius, Muratorius, & Georgius; atque ex novatoribus Cassander, Clarksonus, & Bohemerus. Recedendum non arbitror ab Euseb. Renaudotio, & Pet. le Brun, qui Tomo præsertim 3. plura utilissima versat ad sacras Liturgias pertinentia. Claudius de Vert in sua *Expositione literali ceremoniarum Missæ*, oleum perdit & operam; & ejus loco lectionem suadeo *Observationum* Jos. Vicecomitis, & Gabr. Albaspinæi.

## Annus Nonus

### DE SACRAMENTIS POENITENTIAE,

#### *Extremæ Unctionis, Ordinis, & Matrimonii*

**M**ultiplex Dei Misericordia non in solo Baptismate, in Confirmatione, & in Eucharistia elucet, quibus Sacramentis regeneramur, fortiores reddimur, atque pascimur pro æternæ Vitæ, Regnique cœlestis assecutione, sed in aliis etiam Sacramentis manifestatur, & cumprimis in *Pœnitentia*, qua Christus Dominus rebellium filiorum conditionem misertus, manum lapsis voluit porrigere post ruinam, & exhibere tabulam post naufragium. De hoc igitur saluberrimo Sacramento, & necessario errantibus post Baptismum remedio, plura investiganda erunt, videlicet *Existentia*, *Essentia*, & *Partes*, quæ sunt *Contritio*, *Confessio*, & *Satisfactio*, *Forma*, sive *Absolutio*, *Minister*, & *Effectus*, quibus expensis, *pœnitentialem* Ecclesiæ Veteris *disciplinam*, & catholicum dogma de *Indulgentiis* meis aliquando auditoribus tradidi.

Et primo quidem varia, & probata Pœnitentiæ nomina debent exponi, juxta diversam græci, latini-que idiomatis etymologiam, ut appareat, præter novitatem vitæ, pœnam, sive punitionem assumi debere a pœnitente in scelerum patratorem vindictam, contra Dallæum, qui ex Lutheri mente homines liberat a quocumque pœnalis satisfactionis debito. Atque ut nitidius indoles & natura Pœnitentiæ repræsentetur, de

L

Vir.

*Virtute Pœnitentiæ* verba fiant , & discrimen illius *Sacramento Pœnitentiæ* proponatur .

Ejusdem Sacramenti *Existentia* pluribus heterodoxis stomachum movet . Lutherus parum sibi constans, quod prius Sacramentum admilerat in libro *de captiv.*, deinde negavit , *contra Lovan.* In *Apologia Confess. Augustan.* Pœnitentia inter *Sacramenta* locum habet , & quidem in sensu catholico , ut opportune animadvertit Witalse , penes quem leguntur artes , & fallaciæ Lutheranorum , simulque audacia Zuinglii , & Calvinii , qui aperta fronte a Sacramentorum numero expunxerunt *Pœnitentiam* . Post Morinum Jueninus , Rei Sacramentariæ Scriptor , Berti , & Chardonius de *Montanistis* affirmant , quod graviora delicta , Ecclesiæ judicio , & potestati subdlexerint , relicto *Lapsis* arbitrio implorandi pacem a Deo , sicuti colligitur ex Tertuliano in lib. de *pudic.* cap. 3. *Novatus* Afer Montanistarum filigine tinctus , cum Romam adventasset , *Novatianum* fautorem nactus , cum Idololatriis communicandum non esse statuerunt ; cumque intellexissent ex catholicorum oppugnationibus , *Idololatrias* a *Mæchis* , *Homicidis* , aliisque scelestioribus hominibus separari non posse , a schola Stoicorum novum errorem in suæ hærescos præsidium transtulerunt , affirmando delicta quælibet esse *equalia* , & veniam ab Ecclesia mereri non posse , quam duriores sententiam ut emollierent , concesserunt Ecclesiæ potestatem relaxandi leviora crimina . Hæc traduntur a SS. Philastrio , Ambrosio , Paciano , & a Theodorito , eaque animadvertenda esse censui , pro ampliori cognitione eorum , quæ inferius ventilari debent . De vetustioribus Pœnitentiæ *adversariis* disserit Tournely , cui præcesserunt pro hæreticis mediæ ætatis Thom. Valdensis *Tom.* 2. & pro novatoribus sæculi 16. Bossuetus in *bist. variat.* lib. XI.

Pro-

Probanda itaque erit *Existentia* sacramenti Pœnitentiæ, instituti pro abolendis criminibus baptizatorum, etiam gravissimis, simulque ostendendum erit, discrimen *Baptisma* inter & *Pœnitentiam* intercedens. In hac autem, non solum *declaratur* peccata remitti, sed vera & propria sit illorum *solutio*, & *condonatio* per actum *judicalem* Ministri, cui cœlorum claves traditæ sunt a Christo Domino. Post suam ille ab inferis Resurrectionem, salubre hoc mysterium instituit, quando Apostolis *ligandi*, & *solvendi*, a peccatis largitus est potestatem, cui necessarium est ut subjiciantur omnes, qui innocentiae stolam in lavacro regenerationis acceptam, maculaverint. Argumenta a *Novatianis* disseminata Theologorum ingenia vexant, atque illud præcipue de *blasphemia* in Spiritum Sanctum, quæ *irremissibilis* dicitur in hoc, & in altero sæculo. Jo. Morinus lib. 9. de *Pœnit.* hoc unicum crimen a S. Ambrosio subtrahctum fuisse scribit ab Ecclesiæ clavibus, & potestate; verum PP. Maurini in *notis* ad Opera Ambrosii, contrarium probant. Hoc argumentum præter Morinum luculenter prosequuntur Nat. Alexander *Dissert.* 22. *Sæculi III.* & Calmetus *Dissert. de blasph. in Sp. S.*

De Pœnitentiæ *Materia*, quæ in multiplici significatione assumitur a Scholasticis, legi poterunt Witasse, & Rei Sacramentariæ Scriptor. Diligenter Jueninus, & Tournely explanant singula, quæ catholice doctrinæ de *Contritione* præmittenda sunt. *Contritio perfecta*, cum Sacramenti percipiendi proposito, reconciliat infallibiliter impium hominem Deo. Hanc *perfectam Contritionem* necessariam esse æstimatum fuit a Theologis magni nominis, numeratis ab eodem Witasse, cuius in hoc argumento labores haud negligendi erunt. A nobis tamen absoluta illius necessitas cum sit excludenda, fiet locus *Attritioni*, cujus nomen, cum ti-



more, qui ad Attritionem utilem disponit; accurate expendatur. Ego quidem in *Attritione*, ut medio Sacramento justificationem operetur, *amorem* aliquem *initialem* exigo, cum Theologis gravissimis; quia si in peccato *creaturarum amor* prædominatur, operæ pretium est, ut in conversione cordis ad Deum, *amor Dei* prævaleat. *Ameris initialis* necessitatem solide propugnatam invenio a Witasse, & a P. Berti, a quibus ostenditur amorem *Attritionis* ad *charitatem* revocandum esse, non ad *concupiscentiam*, sive cum Tournely ad amorem *spei*, quo nostræ utilitatis intuitu, diligitur Deus.

*Confessionem*, sive manifestationem criminum, quæ a Græcis *Exomologesis* vocata est, novatores cane pejus & angue repellunt, quamvis Morinus lib. 9., & Huetius in Alnetanis ostenderint, Judæos, & Gentiles ab ea non abhorruisse. Dogma illud est Catholicæ Ecclesiæ a Christo institutum, & a quolibet sæculo firmissime custoditum. Dallæus, qui PP. testimoniis abutitur, ut incautis sua propinet venena, celebri etiam gloriatur facto *Nectarii*, in cujus expositione tot fere invenientur sententiæ, quot capita. Thom. Valdensis, & Melch. Canus, qui a Nectario putant *antiquatam* fuisse *Confessionem Sacramentalem*, manus victas videntur tradere Calvino & Dallæo. Bellarminus, & Petavius, *sublatam* fuisse scribunt *publicam Pœnitentiam* & parum ab eisdem distat lib. 34. part. 2. P. Berti, qui in testimonio Socratis, celebrem Nectarii historiam narrantis, sibi visus est invenisse vadem suæ illustrationis. Morinus lib. 2. cap. 9. fidenter affirmat *abrogatas* simul fuisse a Nectario *publicam Pœnitentiam*, *publicamque* occultorum criminum *revelationem*. Adhærendum ego ipse censo Tournely, Witasse, Rei Sacramentariæ Scriptori, & Chardonio, qui publicam Pœnitentiam sublatam non fuisse, legitime inferunt

runt ex eorum temporum disciplina , sed *publicam peccatorum manifestationem* . Argumentis quibus seiplos tumentur Theologi , quos nominavimus , hoc addere placeat : Nectarium de medio illud abstulisse , quod , referentibus Socrate , & Sozomeno , scandalo dederat occasionem . Publica Pœnitentia sponte etiam assumebatur , crimenque reddebat incertum . Audientium aures lædere debuit *publica Confessio* nobilis Fœminæ , quæ se stupri consuetudinem habuisse cum Diacono testata est . Presbiter itaque *Pœnitentiarius* , cujus officium , *abrogavit* Nectarius , *publicis Confessionibus* præerat , non privatis , quas per contemptum Acatholici vocant *auriculares* . Verba Socratis , & Sozomeni huic solutioni manifestissime favent .

Propositis deinde *conditionibus* , a quibus Confessio *sincera* , & ad criminum expiationem *utilis* redditur , de *Secreto* , sive de *Sigillo* Confessionis verba habeantur . Morinus *lib. 2. cap. 9.* , & Chardonius *lib. 1. cap. 4.* ostendunt , primis Ecclesiæ temporibus , peccata in publicis Christianorum cœtibus frequenter revelata fuisse . Verum , neque a Divinis Literis , neque a Traditione erudimur , de publicæ Confessionis *necessitate* ; quin etiam Jure Naturali , Divino , & Ecclesiastico *vetantur* Pœnitentiæ Ministri Fidelium crimina manifestare . Ab eisdem Morino , & Chardonio exempla proferuntur *Confessionum per Epistolas* , de quibus accurate disserit Witalle *quæst. 4.* in qua plura inveniuntur de *nutibus* , aliisque *signis* linguæ officio fungentibus .

*Satisfactionis necessitatem* , novatoribus invisam , in clariorem deduxit diem Concilium Tridentinum , cujus doctrinis adhærendum est , ut demonstretur , relaxata cum reatu culpæ *pœna æterna* , adhuc luendam superesse *pœnam temporalem* , quæ a Pœnitentiæ Ministris irrogari potest , ac debet , servata *æqualitate* illius , cum delictorum malitia , & gravitate .

Eisdem Sacramenti Ministris ab Ecclesia exhibetur *Forma judicialis*, proferenda in peccatorum dimissione. Ante Sæculum XII. inveniuntur plura exempla *Formæ deprecativæ*, quam retinent Orientales, atque etiam *imperativæ* in Sacramentariis Gelasii, & Gregorii, & in testimoniis Patrum, authumantium, quod *Ministri rogant*, & *Divinitas donat*. A Sæculo XIII. invaluit *Forma indicativa*, quæ a Tridentina Synodo novam firmitatem obtinuit. Formæ proferendæ, & pœnitentialis Judicii exercendi *potestas*, solis concessa est *Sacerdotibus*; quamobrem *Exomologesis* apud Diaconum facta, de qua loquitur Cyprianus, externa erat, & *cereemonialis* reconciliatio, a *Sacramentali* absolutione secernenda, quod animadvertit Benedictus XIV. *de Syn. Diœc. lib. 7. cap. 16.* Pœnitentiæ *subiectum* sunt omnes homines, qui post Baptismum in peccata labuntur, a Ministrorum Ecclesiæ judiciali potestate auferenda. Hæc judicialis potestas toties *renovari* potest, quoties necessitas postulet, ut condonetur pœna æterna, deponantur peccatorum sordes, merita, & bona opera *reviviscant*.

Quænam vero fuit Ecclesiæ veteris disciplina in *concedenda lapsis Pœnitentia*, & Absolutione? Quarto, & sequentibus sæculis, cuicumque *gravissimo* sceleris aditus patuit ad Pœnitentiam in Catholica Ecclesia. Petavius *ad hæresim* 59. *Epiphani*, vetustiora tempora segregat: ab Apostolorum ævo ad Zephyrini ætatem, in qua Tertullianus scripsit: & a Zephyrino ad Constantinum Augustum. Antiquissima primi temporis disciplina, Petavio docente, non patiebatur, ut graviorum criminum rei, *Apostatæ*, *Adulteri*, *Homicidæ*, reconciliationem ab Ecclesia obtinerent. Zephyrinus *mœchis* indulgit, ut a publica Pœnitentia non repellerentur, quæ consuetudo sensim *ad alia crimina* propagata est, dummodo in extremo vitæ discrimine,

Ec-

Ecclesiæ pacem impii homines non implorassent. Albaspinæus *lib. 2. Observat.* Petavii sententiam pluribus argumentis confirmat, & rigidiorē primi temporis disciplinam, protrahit ad S. Cypriani ætatem. Albaspinæo præverat Sirmundus in *Hist. Pœnit. publ.*; & ab eisdem non dissentit Card. Bona *lib. 1. Rer. Liturg. cap. 17.* Ex novatoribus Binghamus *lib. 18. cap. 4.* Fellius ad 8. *Epist. Cypriani*, & Moshemius in *part. 2. sæc. I. Institut. Hist. Christ.* Petavio adhærent: A Petavii, & Albaspinæi sententia declinavit Lupis, qui *ad Can. 13. Nicæn.* asperiores disciplinam pro *Mæchis*, imminutam fuisse scribit a Zephyrino, & sublatam a SS. Cornelio, & Cypriano pro illis, qui Pœnitentiam Canonicam obivissent. Morinus *lib. 9. cap. 20.* Romanam, Carthaginensem, & Orientales Ecclesias cuilibet crimini veniam perpetuo concessisse probat; eidemque suffragantur Nat. Alexander, Tournely, Witasse, Juenin, Card. Orsi, Berti, & Chardon, cujus tamen mentem assequi, mihi non licuit. Fateamur tamen necesse est, Ecclesias aliquas adeo *immites*, & *immisericordes* fuisse, ut neque extremis lapsorum lacrymis, & singultibus mollirentur: quod ex testimoniis Tertulliani, Cypriani, & Concilii Eliberitani, aliorumque Conciliorum resultat. *Severiores* Episcopos dicendum tamen non est, Novatianorum luto adhæsisse. Illis persuasum erat, potestatem Ecclesiæ ad *solutionem* quorumcumque criminum *extendi* posse, quod insuebantur Novatiani; sed opportuna visa non est eisdem atrociorum delictorum condonatio, non *desperatione indulgentiæ*, sed *vigore disciplinæ*, ut verbis utamur S. Augustini.

De *Origine Publicæ Pœnitentiæ*, opus est nonnulla proponere. Pulcherrimum hoc Historiæ Ecclesiasticæ caput illustrandum acceperunt, Sirmundus, Petavius, Albaspinæus, Morinus, Martenius, Filescus,

cus, alique plurimi; & in eadem palæstra se exercuerunt Cavæus, Binghamus, & Suicerus, qui tamen Calvinianum venenum spargunt, & qui a viris emundæ naris caute legendi sunt. Apud eosdem Scriptores ortus inveniuntur, & progressiones Publicæ Pœnitentiæ, ab Apostolorum temporibus, usque ad Sæculum XIII., quo illius mentio cessat; quamvis Trid. Concilium hortetur *Sess. 24*, in atrocioribus quibusdam delictis, ut *imponatur* Publica Pœnitentia. Numerentur deinde *quatuor* Pœnitentiæ *Gradus*, sive *Stationes*, quibus, utrum *quintus Gradus* additus fuerit, me aliquando dubitasse fateor. *Quintam* Bellarmini, & Cavæi *Stationem* rejicio; sed pro *Hyemantibus*, & *Energumenis*, qui excludebantur etiam ab Ecclesiæ porticu, & sub dio manere jubebantur, in Christianorum cœtibus antelucanis, diversum, *primumque Gradum* arbitror constitui posse. Recenseantur deinde *ritus*, & *ceremoniæ* adhibitiæ in Publica Pœnitentia, & in Pœnitentium reconciliatione; & ad examen revocetur Pœnitentia *Clericorum*, quibus post IV. Sæculum pœnæ servatæ sunt, distinctæ a Pœnitentia Laicorum. *Depositio* pœna erat gravissima Clericorum, qui redigebantur etiam ad *Communionem Laicam*, & *Peregrinationem*, quæ vocabula ansam dederunt pluribus expositionibus, quas diligenter scrutantur Albalpinæus, & Binghamus. Proponantur denique *crimina* obnoxia Publicæ Pœnitentiæ, & de *iteratione* illius verba fiant.

Communis Theologorum sententia est, ab exordio Pœnitentiæ Publicæ, usque ad Sæculum VII. *non iteratam*, sed *semel* concessam fuisse eandem Pœnitentiam, quod cum Sirmundo, Petavio, Morino, & Martenio poterit demonstrari. Si tamen Pœnitentes in eadem *crimina relapsi fuissent*, a *venia* assequendæ, *pacisque* obtinendæ spe, penitus excludebantur? Respondent Theologi, *privatæ Pœnitentiæ* remediis, eisdem re-

relapsis consuli consuevisse ab Ecclesia. Instat tamen Petavius, & *privatæ* huic *Pœnitentiæ* opponitur, quia homines gravioribus pœnarum flagellis cruciandi, mitiorem sortem experti fuissent illis, qui *prima vice*, Christianum nomen, quod profitebantur, maculaverant. Validissimo huic Petavii argumento neminem invenire potui, qui plene satisfaceret. Illius solutionem deducendam arbitrarer, a latissimo *discrimine*, quod ex mente Patrum intercedebat Publicam inter, privatamque Pœnitentiam. Nisi prorsus desipiam, censuerunt Ecclesiæ Patres, quod per arduam, luctuosam, & laboriosissimam *Pœnitentiam*, in facie totius Ecclesiæ peractam, ita satisfaceret Deo, qui claves cœlorum tradidit præsertim Episcopis, Pœnitentiæ veteris moderatoribus, ut *nihil luendum* superesset, etiam quoad pœnas temporales. Acquiparantur enim duo Sacramenta Baptismus, & Pœnitentia, *idemque* utrique *effectus* tribuuntur ab Herma lib. 2. *Pastoris*, *Mandato* 4., a Tertulliano *de Pœnit. cap. 7.* a Clem. Alexandrino lib. 2. *Strom* & ab aliis; & quemadmodum *non iteratur* Baptisma, ita constanti lege *non iterabatur* Publica Pœnitentia, monentibus Patribus cum Ambrosio *de Pœnit. cap. 10. sicut unum Baptisma, ita una Pœnitentia*. Hanc fuisse mentem Ecclesiæ deduci etiam potest ex Gradibus *Pœnitentium*, qui Gradibus *Catechumenorum* assimilabantur, quamvis purgatio istorum mitior foret purgatione Fidelium, qui *semel in* Baptismate *illuminati* assumptam innocentiae stolam maculassent. Utrique laborabant, quoadque *evalissent perfecti*, & consummationem Christianæ vitæ accepissent in Eucharistia, quæ cum utroque Sacramento conjungebatur.

*Relapsi* privata Pœnitentia purgabantur ab Ecclesiæ Ministris imposita, sive sponte suscepta. Relinquebantur tamen Relapsi non iudicio Ecclesiæ, sed *iudicio Dei*, cui erat satisfaciendum, & quidem pœna  
gra-

graviores, quam ob *repetita* crimina merebantur. Ex hac solutione sequitur *satisfactio*, etiam alterius vitæ, ex mente Patrum, & novo veluti argumento fulcitur Existentia *Purgatorii*, cum *Indulgentiarum* communicatione. Ecclesiæ enim Rectores, non unius *pænæ temporalis* Iudices a Deo renunciati sunt, sed etiam *compensationis* acceptandæ, & Satisfactionis alienæ erogandæ in solutionem pænæ, & in criminum purgationem. Hæc *compensatio* locum semper habuit in Ecclesia, pro imminutione, & condonatione Pœnitentiæ Publicæ, sicuti evidenter inferitur ex *Libellis*, qui a Martyribus offerebantur pro *Lapsis*, & efficax est in *Pœnitentia Privata*, pro minuendo onere pænæ temporalis in præsentia aut in futuro sæculo perolvendæ. Intelligitur itaque admittendas esse *Indulgentias*, earumque *Tresaurum*, cujus *Existentia*, *Ministri*, *Subiectum*, & *Causæ* demonstrari debent. De Indulgentiis peculiarem Maldonatus, & absolutissimum *Tractatum* edidit Theodorus a Spiritu Sancto.

*Extremam Unctionem Sacramenti* nomine, & caractere spoliare aggressi sunt Waldenses, Albigenes, Wiclefitæ, Hussitæ, Lutherani, & Calvinistæ. Eberardus *contra Waldenses cap. 11.* Alanus *lib. 1. contra hæreses*, Conc. Constantiense *Sess. 8.* & Polemici omnes de impio hoc hæreticorum ausu nos reddunt certiores. Quæ ab adversariis argumenta excogitata sunt, improbo labore prosequitur Dallæus *in lib. de Extr. Unct.*, ubi evertere tentat dogma catholicum de *Sacramenti existentia*, & deinde opponitur *Ministro*, *Effectibus*, & *usui* illius. Ostendenda itaque erit *Sacramenti Existentia*, præmissa inquisitione *Nominum*, quibus in utraque Ecclesia *Sancti Olei* Mysterium designatum est. Apostoli Jacobi *verba* illustrari debent, una cum *Epistola* Innocentii I. ad Decentium, in qua plurima invenientur ad Fidei depositum, & ad veterem Romanæ impri-

imprimis Ecclesiæ disciplinam spectantia . De Oleo, & *Unctione* legantur Menardus in *Sacrament. S. Gregorii*, Morinus *lib. 8. de Pœnit.* Martenius, Goarius ad *Eucholog.*, Berti, & Chardonius, qui *lib. 3.* plura exhibet ad refutandum Dallæum opportuna . Ab eisdem Scriptoribus differitur de *Ferma*, quam *deprecativam* esse apud Græcos ostendit Allatius . Utrum vero in sola *graviori* infirmitate, vel etiam *sanis*, & bene valentibus ministrari possit, scrutantur cum eodem Allatio Goarius, & Chardonius . Renaudotius de *perpetuit. Fid. lib. 5. cap. 3.*, disciplinæ patrociniatur apud Græcos, & alios Orientales diffusæ, ungendi Fideles *incolumes post infirmos*, ita tamen ut Sacramenti ratio solos *infirmos* respiciat .

Quod ante *Viaticum* periclitantes de vita *Sancto Oleo* ungerentur, affirmant Launojus de *Extr. Unct.*, Mabillonius in *Pref. 3. Sæc. Benedict.* & Chardonius *cap. 2.* Antiquitus non expectabantur pro *Sacramenti* susceptione ultima morientium suspiria . In *Clinicis* vero *Sancta Unctio* cum cilicio, & cinere conjungebatur, quam disciplinam discussam invenio a Chardonio *cap. 5.* Tandem circa Sacramenti *Ministrum* exponenda sunt verba S. Innocentii, qui visus est *Laicis* quoque impertiri Sancti Olei *ministrationem* . Tillemonius hunc nodum insolutum reliquit; sed idem Chardonius felici labore, *obscura* Innocentii *verba*, accommodat veterum temporum disciplinæ .

Cœlestium vero bonorum, quibus *suprema Unctio*, & alia quælibet Sacramenta redundant, participes redduntur Fideles ministerio Sacerdotum, pro quorum inauguratione novum *Sacramentum* institutum est, quod *Ordo Sacer* dicitur, sive *Sacra Ordinatio* . Huic Sacramento sedulam operam navare debent nostri tyrones, qui clericali militiæ nomen dedere, quique in *duas partes* hanc *Dissertationem* distribuunt . In *primæ Parte*

illi-



illustrabuntur *Nomina* ad Sacras Ordinationes pertinentia, cum Ordinationum *oppugnatoribus* . 2. proponetur, & vindicabitur *Hierarchia Ecclesiastica* constituta a Deo . 3. ostendetur Sacram Ordinationem *verum* esse, verique nominis *Sacramentum* . 4. dividenda est Sacra Ordinatio in suos *Gradus* . 5. designentur *Materia*, & *Forma* Sacrorum Ordinum . 6. vindicanda est Christo Domino *immediata institutio* Presbyteratus, & Diaconatus, *mediata* vero pro aliis Ordinibus . 7. de *Ministro* . 8. de *Subiecto*, ejusdemque *dispositionibus* . 9. de *Effectibus* . 10. de *Ritibus*, & *Ceremoniis* Sacramenti Ordinis verba fiant . Ad alteram *Partem* pertinet examen primæ *Tonsuræ*, & quorumlibet Ordinum, usque ad *Episcopatum*, addita Appendice de *Celibatu*, & de aliis *conditionibus* Clericorum .

Investiganda itaque primum erunt *Nomina Ordinis*, & *Manuum Impositionis* . Quicumque per illam, etiam antiquitus promoti fuissent, *Clerici* vocabantur, non ratione Sortium ut affirmat Dodwellus *Dissert* 1. *Cyprian.*, sed quia in *sortem*, & in *hereditatem* Domini commigrabant, quæ Hieronymi sententia est; & quamvis S. Mathias ad Apostolatus apicem *dati sortibus* evectus fuerit, paucissima tamen alia invenientur exempla, inter quæ locum habet *Canon* Concilii Barcinonensis Anni 599., qui Dodwelli diligentiam fugit . De eisdem *nominibus* disputant Hallierus, & Morinus *de Sacr. Ordin.* Martenius, Witasse, atque ex A catholicis *lib.* 4. Binghamus . Ostendi deinde opus est *Existentiam* Ordinis assumpti pro *Ecclesiastica Hierarchia*, segregante ex Divina Institutione Ecclesiæ Ministros a Laicorum *gradu*, qui *Hierarchico* inferior est . Adversabantur huic *Dogmati* hæretici quidam II. sæculi, qui Laicis *Sacerdotalia munera* committebant . Wiclefitæ, & nostrorum temporum novatores Divinæ, & ipsi dispositioni resistunt, quando omnes æ-  
quali-

*qualiter*, & indiscriminatim *Sacerdotes* esse comminiscuntur, & quempiam e trivio ad *Ministerium* evehunt, & pro libito in Laicorum ordinem iterum redigunt. Eadem hæc consuetudo damnari debet in Puritanis, & in Maniacis qui Tremiscentes in Anglia vocantur, apud quos Ministerium a præsumpta *superni luminis* illustratione dependet, ut vocari possint ad exercitium illius etiam *Fœminæ*, sicuti scribit eorum Apologista Barclajus *Thesi* 10. Quicumque *Hierarchiam* negant, illi etiam a Sacramentorum albo *Ordinem* expungunt, non tamen constanti doctrina, uti videre est apud Io. Bapt. Thiers, Hon. Tournely, Casp. Juenin, & Laur. Berti.

Postquam igitur demonstratum fuerit *Sacram Ordinationem*, qua inaugurantur & consecrantur Ecclesiæ Ministri, verum esse propriumque Legis Evangelicæ *Sacramentum*, de numero Ordinum in Latina, & in Græca Ecclesia disputatio instituatur. *Septenarius* Ordinum numerus apud Occidentales, nititur testimonio S. Cornelii, & aliorum Romanorum Pontificum, quibus additur Concilium IV. Carthaginense. *Psalmistæ*, *Cantores*, *Copistæ*, sive *Fossarii*, *Parabolani*, & *Catechistæ* Officiis fungebantur, quibus *Veri Ordinis* nomen aptari nequit. Quæ de eisdem Officiis scripserunt Morinus, Martenius, & Binghamus præteriri non debent. *Minorem* Ordinum numerum Græcos habuisse, nemo omnium ignorat, & de illis consulantur, præter Morinum, Goarius in *Euchologio*, Mabillonius, qui de Gradibus Ecclesiæ utriusque plura tradit in *not. ad sæc. I. & III. Benediçt.*, & Dogmatici fere omnes. Hoc Orientalis disciplinæ caput mihi investiganti, occurrerunt Ricautius in *hist. Eccl. Græc.*, & la Croze in *hist. Christian. Indiar. & Armen.*, qui conantur nodosnectere, & tenebras diffundere, contra utriusque Ecclesiæ disciplinam; sed nullius erunt autho-

authoritatis Nestoriani, & Jacobitæ, sive Monophysitæ Orientales, qui ab Orthodoxæ veritatis fonte segregati, aquam turbidam bibunt, & fabulis ingenuam Ecclesiæ faciem commaculant.

*Impositio manuum Materia Essentialis* Sacrarum Ordinationum æstimanda est. Verum in Ecclesia Latina *Instrumentorum porrectio* necessario adhiberi debet, veluti pars, & *materia integrans* easdem Ordinationes. Hoc ipsum affirmetur de *Forma*, sive de *Verbis* Episcopi manus imponentis, & porrigentis Instrumenta. In Orientali Ecclesia, Morino teste, *Instrumenta* traduntur, sed absque ulla verborum formula, & post absolutam sacram Ordinationem. Presbyteratus, & Diaconatus *immediata* Christi Domini *institutione* gloriantur; Subdiaconatus, & alii Ordines inferiores qui a Diaconatu, tamquam a fonte rivuli, scaturiunt, *mediate* a Christo, & *immediate* constituti sunt ab Ecclesia, cujus Rectores atque Pastores, *Episcopi* scilicet, Ordinationum *Ministri* censei debent, in casum obstrepente Calvino. Poterunt propterea *Presbyteri* deputari pro collatione Subdiaconatus, minorumque Ordinum, non tamen pro Diaconatu; quamobrem falsitatis vitio laborare dixerim *Diploma* Joannis VIII. pro Monachis Cistercensibus datum, de quo Morinus *Exercit. IV. cap. 3.*

Quæcumque de *Ministro legitimo*, atque de *Effectibus* Sacrarum Ordinationum, & præsertim de *charactere* proponi opus est, penes Theologos invenientur. *Iteratas* fuisse Sacras Ordinationes, quarum *Ministri Hæretici* fuissent, & *simoniaci* Morinus existimat, pluraque nobis obtrudit exempla, quæ tamen in suam nos sententiam pertrahere non poterunt. Recedendum sane non erit a Tournely, Witasse, & Berti, qui cominus cum Morino congregiuntur; & quamvis P. Sbaralea novas vires Morino suppeditaverit, in suo  
Libro

Libro de *sacris pravorum Ordinationibus*, nihili tamen ducenda esse illius argumenta, arbitror me ostendisse in ejusdem Libri *recensione*. Locus hic etiam fieret Ordinationibus *Ecclesiæ Anglicanæ*, videlicet Matthæi Parkeri, aliorumque, qui ad Episcopale fastigium cum Parkero promoti fuerunt. Hanc tamen historicam controversiam dirimendam relinquo P. le Quien, qui latuit sub nomine Stephani de Altamura, cui contradicit Curajerus.

Solum *Hominem Viatorem* Subjectum esse Sacrarum Ordinationum, testatur Fides, excludens *Fœminas* a sancto Altaris ministerio, & diris devovens Collyridianos, aliosque antiquioris ævi nebulones, repressos ab Epiphanio, & ab Augustino. Neque ad sanctum Altare accedebant Mulieres *Episcopæ*, & *Presbyteræ*, neque ipsemet *Diaconissæ*, quarum opportunum erit scrutari originem, & officia. Fabulas inter aniles, amandari etiam poterit Joanna Papissa, quam in Petri Cathedra *numquam* sedisse, eisdem A catholicis contra Salmasium persuasum est. Judicium quoque ferendum erit de Ordinationibus collatis *Infantibus*, *Amentibus*, & *Invitis*, & ultimo proponentur *dispositiones*, quæ in Subjecto requiruntur, cum ceremoniis quæ in ministerio Sacrarum Ordinationum frequentantur ab Ecclesia Catholica.

De Sacris Ordinibus *singillatim* acceptis, opus etiam est verba fieri, sumendo initium a *Clericali Tonsura*, de qua erudite loquuntur Morinus, Thomassinus, Martenius, & Hallierus. Ejusdem *Institutio* in primis sæculis videtur inquirenda non esse, quando Fidei persecutoribus, externa quælibet Christianæ professionis, & Ecclesiasticæ dignitatis indicia, occultabantur. *Minores Ordines* a Sacramentorum numero, & amplitudine arcendos esse affirmant Morinus 3. part. Exercit. 11., Nat. Alexander de Ord. cap. 1.

art. 4.

*art. 4.* Jueninus *quæst. 7.* aliquæ plures, quibus assenti-  
ri placet, si Minores Ordines *singulariter* accipiantur.  
Quæ fuerint in veteri Ecclesia Clericorum *Officia*,  
quotiescumque Minoribus Ordinibus insigniti fuissent,  
accurate exponunt Morinus, Martenius, & Chardon-  
nius. Dubia quædam oriri poterunt de *Exorcistis*, a  
quibus Dæmones torqueri Tertullianus, & Cyprianus  
affirmant. Valesius, & Gothofredus apud Binghamum  
arbitrantur a Clericis Exorcistis adjuratos fuisse *Cathecu-  
menos*. Falluntur tamen Viri Cll., nam *Exorcismi Cate-  
chumenorum*, quibus addendos censeo *Exorcismos Pœnitent-  
ium* a Baptismi, & Pœnitentiæ *Ministris* peragebantur.

Neque ipsum *Subdiaconatum* vera inter Sacramen-  
ta reponerem, ex eo præsertim, quod destituitur con-  
stanti sensibili *signo*, cui Deus gratiam suam alligavit,  
quæ plurimum Theologorum sententia est. Nihilo-  
minus magno in honore haberi debet *Officium* vetustis-  
simum in utraque Ecclesia, & cui irrevocabile *Casti-  
tatis* propositum conjunxerunt Latini. Urbanus II.  
*Sacros* inter *Ordines* numeravit Subdiaconatum, non  
tamen inter Sacramenta, sicuti evidenter probat, cum  
aliis Theologis Witasse *quæst. 4.*

*Diaconatus*, & *Presbyteratus* Hierarchici Ordi-  
nes sunt, verique nominis Sacramenta, de quibus Ec-  
clesiasticos Scriptores disserentes, ardua res foret enu-  
merare. Quæ a Dogmaticis de utroque sublimi *Gradu*  
traduntur, obvia cuilibet, & familiaria silentio præteream.  
Utilissimum erit inquirere, veterumque Patrum testi-  
monio confirmare, ad quæ munera *Diaconi* antiqui-  
tus destinarentur. Illi Sacrorum *Vasorum* curam gere-  
bant; *dona* populi exhibebant Episcopo, & supra men-  
sam deponebant; *Offerentium* nomina inferebant Dy-  
pticis, & publice recitabant; Episcopo Sacrum ope-  
ranti *adstantes* aderant in ministerio; *Evangelium* le-  
gebant; *Eucharistica Dona* porrigebant Christianæ ple-

bi ad Presbyterii cancellos genuflexæ; *Baptizabant* jubente Episcopo sive Presbytero, & *concionabantur*; urgente necessitate *Pœnitentes* externa ceremonia, non Sacramentali, Ecclesiæ *reconciliabant*; Laicos, & inferiores Clericos inordinate quidpiam in Ecclesia facientes *corrigebant*, & modica coercitione multabant. Extra Ecclesiam vero *ministrabant* Episcopis, eosque in *Conciliis* aliquando repræsentabant. De criminibus populi, & Clericorum, monebant *Episcopos*, quorum *nomine* circumlustrabant Diœceses, & *elemosinas* distribuebant pauperes inter & viduas, pupillos & peregrinos. Curabant demum Ecclesiæ *reditus* etiam pro Cleri sustentatione.

*Presbyterorum Nomina & Officia* poterunt eadem ratione enunciari. *Episcopi* aliquando vocati sunt, non ita tamen, ut Episcoporum potestas cum Blondello, & Salmasio imminuatur, quod præter Catholicos, Hammondus, & Beveregius ostendunt. Cum Episcopo in *thronis secundis* sedebant Presbyteri, & cum eo in sacris Ordinationibus *manus imponebant*. In Consensu Diœcesano, & Provinciali *suffragium* tulisse inveniuntur Presbyteri, quidquid in oppositum reclamet Celsotius in suo *Tract. de Hierarch.*, adversus quem plura documenta exhibet Justellus Tom. I. *sue Biblioth.*

*Episcopi* primitus fuerunt omnes *Apostoli*, a quibus constituti Ecclesiarum Rectores, *Apostolorum Successores* vocati sunt, *Principes populi*, *Papæ*, *Angeli Ecclesiæ*, aliisque titulis gradum, & dignitatem sublimissimam designantibus. *Episcopatum* verum esse propriumque *Sacramentum*, a Sacerdotio nova consecratione distinctum, ostendi debet, simulque probari Episcopos ex divina institutione, atque ab Apostolorum ævo fuisse semper *Presbyteris superiores*, cum dignitate, tum potestate. In hoc argumento refutari debet audacia Blondelli, qui in Apologia Hieronymi omnem mo-

vit lapidem, ut Episcopos Presbyteris reddat *æquales*. Petavius qui de *Hierarchia Ecclesiastica* scripsit contra Salmasium, sub nomine Wal. Messalini latentem, Mabillonius in *Præf. III. Sæc.*, Cotelerius *ad Epist. S. Clem. ad Corinth.*, Morinus *Dissert. I. de Sac. Ordinat.*, Nat. Alexander, Hallierus, Thomasinus, & Dogmatici, opponuntur Blondello, una cum A catholicis, quorum agmen ducunt Usserius, Hammondus, & Pearsonius. Diversi sunt Episcoporum *Gradus*, qui enunciari poterunt cum potestate, qua antiquitus *Catholici* fruebantur.

De Episcoporum, aliorumque Clericorum *Cælibatu* Controversiæ fere omnes inquirunt. Erudite & solide in hoc argumento versatus est Duguetus in suis *Confer. Ecclesiast.* Quicumque *Dissertat.* illius *XL. supra Can. X. Conc. Ancyr.* inviserit, nihil omissum reperiet eorum, quæ scitu necessaria sunt in celebri hoc Clericalis Disciplina articulo. Brevitati consulens, in tria capita controversiam hanc distribuerem. In primo agerem de *Cælibatu* temporum Apostolicorum, & primi sæculi: In secundo de *Majorum Ordinum Cælibatu* in Ecclesia *Orientali*. Ad tertium referrem *Cælibatum Occidentalis* Ecclesiæ. Conditiones aliæ, quæ requiruntur in Clericis pro *scientia, moribus, & qualitatibus* eorundem, opus erunt & labor in Institutionibus Juris Canonici subeundus.

*Matrimonium*, quod est Officium Naturæ, & imago conjunctionis Christi Domini cum Ecclesia, *magis in Sacramentum* dicitur ab Apostolo. Diligentiam studiumque singulare in illo impendi oportere mox S. Augustinus, scribens Questionem de Conjugiis *difficillissimam* esse, & *implicatissimam*. Contractus *Naturalis*, atque *Civilis* a Sacramento Matrimonii segregetur. De Naturali, Civilique Matrimonii Contractu, investigatis *nominibus* assumi debet examen *Essentiale,*

*tie, Materiae, Formae, Objecti, Honestatis, Necessitatis, & Institutoris* Matrimonii, nec non *Proprietatum* illius, quæ sunt *Unitas, & Insolubilitas*. Contemplari deinde opus est Matrimonium, erectum a Christo Domino ad sublimissimam *Sacramenti* excellentiam, quæ novum laborem postulat in statuenda *Materia, & Forma* Sacramenti, ejusdemque *Ministro, & Effectibus*, quibus consociari debent *Impedimenta*, quæ viciant, & *Solemnitates*, quæ Matrimonium commitantur, & quæ illi præmittuntur.

Inter *Nomina* Matrimonii collocari etiam debet illud, quo Græci utuntur, videlicet *Στεφανισμός* *coronæ impositio*; & miratus sum, quod Chardonius in *Hist. Matrim.* cap. 3. ritum *coronandi Sponsos* tribuat Orientalibus recentioris ævi, cum sit antiquissimus, testibus Allatio, & Goario, & exempla illius inveniuntur in Occidente, & in Africa, scribente Tertuliano *de Cor. Milit.* quod *coronant Nuptiæ Sponsos*. Matrimonii *adversarios* numerant cum Theologis idem Chardonius cap. 1. & Thiers *de Superstit. Matrim.* diligentissime. Post *definitionem* Romani Catechismi probatam expositamque, statuendum esse videtur, quod *Essentia* Matrimonii, uti illam vocant *in feri*, resultet ex *mutua Contrahentium consensione*; & *in facto esse*, quod reponi debeat non in carnali corporum commixtione cum Pelagianis, & Wiclefo, sed in *Vinculo*, quod enascitur a consensu viri, & mulieris signis externis manifestato. Impudentissime igitur Calvinus Catholicis vitio vertit, quod per immundum actum carnalis commixtionis *Gratiam Sacramentalem* generari docuerint. Matrimonii utriusque *Materia, Forma, & Objectum* evidenter ab *Essentia* dimanant.

Quamvis autem contra Jovinianum, & recentiores Sectarios *Virginitatem*, perpetuamque continentiam, exemplo, & consiliis Divini Præceptoris stabilitam,



*Matrimonio* anteferendam esse doceat Ecclesia, nihilo-  
minus *Matrimonium*, carnali etiam copula consumma-  
tum, *bonum* est, *honestum*, & *utile*, frustra obstrepentibus Manichæis, aliisque antiquioribus, a quibus *Nuptias* vetandas esse, Paulus ad Timotheum scribens, vaticinabatur. Ad *Matrimonium* contrahendum tenebantur homines lege *Naturæ*, Divinoque *præcepto*, eo tempore, quo propagationi humanæ speciei consulendum erat. Postquam vero humano generi provisum fuit, & non defuerunt, neque defunt, qui *Matrimonio* dent operam, licitum erit aliis *cælibem* vitam ducere, & imitari Christum Dominum, cui præcessisse novimus in veteri Lege Josue, Eliam, Jeremiam, Jo. Baptistam, & alios. Matrimonii *Honestas*, *Bonitas*, atque *Utilitas* ex eo legitime deducuntur, quod ortum traxerit Maris conjunctio cum Fœmina in vitæ individuum consuetudinem, a *Lege Naturæ* insculpta cordibus hominum, & confirmata ab eorumdem hominum Domino, & Creatore.

*Proprietates* Matrimonii sedulo considerandæ, *Unitas* sunt, atque *Insolubilitas*. Unitati opponitur *Polygamia*, quæ dividitur in simultaneam, & in successivam. *Polygamia*, *simultanea* unius Fœminæ cum Viris pluribus, *Polyandria* dicitur, & *Juri Naturali* repugnat, neque unquam in illa a Deo dispensatum fuit. Stomachum propterea movit ipsis quoque Gentilibus Plato, qui *Polyandriam* permisit in sua Republica. *Polygamia simultanea* unius Viri cum pluribus Fœminis, illicita similiter est, & nefaria, Juri que *Naturali secundario* repugnat; quamobrem reprehensum a Patribus legimus Lamechum, qui fracto individuae societatis viaculo, duas sibi sociavit uxores. Post Diluvium vero *dispensasse* Deum cum veteribus Patriarchis, ut *absque peccato* plures simul uxores ducere possent, Catholicorum communis sententia est, adversus Calvinum, qui

qui ausus fuit gravissimi veluti criminis reos traducere Patriarchas Sanctissimos, qui Legem Unitatis Matrimonii haud violassent, nisi indulgente Deo, & dispensante. Et quamvis uxores ab eisdem post primam ductæ, *Concubinæ* vocentur in libro Genesis, vero tamen cum illis Matrimonio copulabantur, & *secundariæ* erant *Uxores*, quod cum aliis Theologis evidenter ostendit Pontius lib. 7. de Matrim. cap. 54.

In Lege autem Evangelica vetita atque interdicta perpetuo fuit *Polygamia simultanea*, & relicta a Legis ejusdem Institutore *dispensatio* Legis Mosaicæ. Permissio igitur facta Hassiæ Landgravio alteram ducendi Uxorem, prima superstita, æternæ infamiae nota maculat Lutheri memoriam, sicuti animadvertunt Bosluetus lib. 6. *Hist. Variat.* & Jueninus *Dissert. X. quest.* 4. Quod si Valentinianus Senior Legem tulisset de duabus uxoribus, a gravi crimine excusari non posset. Valerio autem placuit inter fabulas amandare historicam de Valentiniano narrationem Socratis, qui subleste fidei in aliis quoque deprehensus fuit. Revera Ammian. Marcellinus, & Zozimus synchroni, & Christiano nomini infesti, aliique Historici silent, quod fieri non debuisset, in abrogatione alterius Legis, quam de unitate Uxoris promulgari jusserant Diocletianus, & Maximianus.

*Polygamia* autem *successiva*, *secundæ* videlicet, & *ulteriores Nuptiæ*, Jure neque *Naturali*, neque *Divino* prohibentur; quamobrem Novatianis, atque Montanistis vitio vertitur, quod *Bigamos* veluti Adulteros condemnaverint. In votis quidem habuit Ecclesia, ut a *secundis Nuptiis* arcerentur Fideles; & quidpiam *intemperantiæ* in *Bigamis* latere censuit, eosdemque a Sancto Altaris ministerio repulit, publicæ *Pœnitentiæ* subjecit, *Sacerdotali benedictione*, & Sponsorum *corona* spoliavit; sed hujus disciplinæ severitas non officit Ca-

tholico Dogmati, quod ipsiusmet Apostoli doctrinæ, & hortamentis innititur.

Firmum similiter est, atque *indissolubile* Vinculum Matrimonii. Inutilem itaque operam ludit Launojus, Leges Cæsareas *Repudium* permittentes in medium proferens, quando illis obstitit Lex Evangelica. Theologi disputantes de Judæorum *Repudio*, scinduntur in partes. Legantur de hac celebri Controversia, & de eorumdem Judæorum Polygamia Sanchez *lib. X. de Matrim.* Bellarminus *cap. 17.* Pontius *lib. VII. cap. 50.* Lud. Vietta *de Matrim. Hebr.* Bartoloccius *in Bibl. Rabbin.* alique Dogmatici, atque ex A catholicis Seldenus *in Uxor. Hebr.* & Buxtorfius *de Sponsal. & Divort.* Cætera, quæ disputari debent de solutione Matrimonii *ob conversionem* unius, aut amborum Conjugum ad Christi Fidem, ob *Adulterium*, sive ob *solemne* Castitatis *Cotum*, discussa inveniuntur ab eisdem Dogmaticis, & a Moralis Theologiæ Præceptoribus. Solutionem Matrimonii, causa Adulterii quæsitam, critica lance expendunt Petavius *in Epiphanium*, Cotelæus *in not. ad Hermam*, Nourry *in eundem Hermam*, & *in Ambrosium*, & Th. Campegius in absolutissimo *Traët. de indissolubilit. Matrim.*

Quod vera ratio, sublimisque dignitas *Sacramenti* Matrimonio conveniat, nullus dubitat Catholicorum. Pro hoc eodem Dogmate dimicant omnes Controversistæ, quorum augment numerum Renaudotius *Tom. ult. perpet. Fid.* & Jac. Boileau in exiguo, sed aureo *libello de Sacramenti hujus veritate*. Si tamen *inter absentes* Matrimonium contrahatur, Sacramenti prærogativa illud spoliari, probabilius arbitror cum Cano, Concina, aliisque Theologis, qui rata & firma pronunciant post Evangelii promulgationem *Infidelium* Matrimonia in ratione *Contractus*, non *Sacramenti*, cujus tamen effectum communicari arbitror Conjugi *Fide-*

*deli*, si dispensante ob publicam utilitatem Ecclesia, cum *Infideli* conjungatur. Hæc sane Matrimonia primis Reipublicæ Christianæ temporibus tolerata fuisse, Historiæ Ecclesiasticæ monumenta suadent.

Sacramenti Matrimonii *Materia*, & *Forma* decerni non poterunt, nisi prius statuatur ejusdem Sacramenti *Minister*. Me non latet a pluribus, *Contrabentes* Matrimonium assumi pro illius *Ministerio*. Militant pro hac sententia, cum Juris Canonici expositoribus Scholastici veteres, quibus adhærent Soto, Vasquez, Pontius, Bellarminus, & Gotti, cum aliis. Condecoratur tamen a pluribus eodem *Ministerio Sacerdos*, qui ex Concilii Tridentini mandato Sponsis benedictionem impertitur, eosdemque in Matrimonium conjungit. Post Guill. Parisiensem Canus, Toletus, de Marca, Maldonatus, Estius, Silvius, Nat. Alexander, & fere omnes Galliarum, aliarumque Nationum recentiores Theologi, hanc prærogativam *Sacerdotibus* vindicant, neque ab hac secunda opinione, tanquam a probabiliore recedendum existimo, præsertim ob testimonia Conciliorum, & Ritualium, quæ in *Sacerdotibus* videntur agnoscere, in hoc etiam sacro ritu, Mysteriorum Dei dispensationem. Quotiescumque illa *Contrabentes* spolientur, *actus* eorundem *Materia*, & Sacerdotis *verba* erunt *Forma*, in cujus prolatione cœlesti gratia Sponsi locupletantur. Præter enunciatus Theologos, ad Ministrum, Materiam, Formamque Matrimonii, referuntur *opera posthuma* Pet. de Marca, *Euchologium* Goarii, Menardi *annot. in Sacrament. S. Gregorii*, & Martenius de *Ecclesiæ ritibus*. Theologis etiam, quibus placuit inquirere, quæ sententia veritati magis sit consentanea, addatur Habert de *Matrim. Cap. 4.*, in quo utriusque partis rationibus nitide breviterque traditis, consuetudina inde infert legentibus utilissima.

Duobus *Impedimentorum* generibus subjacet Matrimonium . Alia illicitum reddunt , & *impedientia* dicuntur , alia *dirimentia* Matrimonium irritant . Priusquam de utrisque sermo habeatur , dissolvenda est Quæstio de *potestate* statuendi impedimenta , præsertim dirimentia , & refellendi duo oppositi errores . Priori adhæserunt cum novatoribus M. Ant. de Dominis , & Jo. Launojus , qui penes Laicam Potestatem residere solummodo voluerunt *arbitrium* ampliandi , sive etiam de medio auferendi *impedimenta* . Alter proponitur a Theologis quibuldam obſcuri nominis , qui conati sunt a Suprema Principum Potestate auferre *facultatem* ponendi obstacula , quæ dirimant Matrimonium . Launojii audaciam repressam fuisse invenio ab ipsis quoque Parisiensis Scholæ Theologis , quibus curæ fuit supremis etiam Regnorum Moderatoribus *potestatem* vindicare , & asserere , quæ supra Matrimonii *Contractum* frui debent . Chardonius *lib. 3. cap. 8.* duplicem hanc controversiam proponit , exemplis illustrat , & feliciter solvit . Impedimenta *dirimentia* oriuntur vel ex Lege Naturali , & Divina , vel ex Ecclesiæ Decretis , vel demum a Principum Constitutionibus . Breviter recensantur , cum aliis quæ *impedientia* dicuntur , & cum Matrimoniis *Filiorum* , & *Servorum* , quando invitis Parentibus , & Dominis contrahantur .

De *Gratia* , quæ *Effectus* est Sacramenti , nulla moveri poterit difficultas . Matrimonio præmittuntur *Sponsalia* apud Hebræos , Romanos , & Christianos antiquissima . Ut *obligationem* inducant , conditiones aliquæ requiruntur , quibus legitime positæ , a Nuptiis resilire non licet , nisi ob causas apud Theologos inquirendas . Si recentiorem Matrimonii *disciplinam* cum antiquiori conferre velimus , recedendum non est a Mamachio in suo erudito Opere de *moribus Christianorum* , a Binghamo , atque ab Albaspinæo animadvertente ,  
Fide-

Fideles secundo etiam sæculo ex Episcopi sententia nupisse, referentibus Diaconis, qui vocabantur *Nuptiarum Consiliarii*. Anulum *Pronubum* nominant post Tertullianum SS. Greg. Turonensis, & Isidorus; quin etiam in Græcorum Ecclesiis Sponsi *Anulum* accipiebant de manu Episcopi, cujus nomen apponebatur *Tabulis Matrimonialibus*, de quibus loquitur Augustinus *Serm. 51. de divers.*, & ante illum Ignatius Martyr in *Epist. ad Polycarpum*.

Ex veteris Ecclesiæ Fastis alia plura scitu dignissima depromi possent, nisi consulendum foret brevitati. In eum finem antiquarum ætatum *mores*, & *disciplinam* in singulis Sacramentis summatim attingi, ut intelligant nostrorum Juvenum Institutores, egregiam operam navaturos, si ex Martenio, Goario, Thomafino, Chardonio, aliisque documenta, & testimonia desumpserint, a quibus antiquorum Fidelium consuetudines, in Sacramentorum ministratione, & usu, manifestentur. Ab eisdem profecto illustratur Catholicum Dogma; & exempla, quæ proponuntur intimius nosse, & diligenter imitari, utile non minus est quam decorum.


Specimen assumpto huic labori addendum foret Ecclesiastici Juris, cui consociari debet Methodus servanda in studio Ecclesiasticæ Historiæ, & præcipuarum Questionum, quæ a Theologo discuti debent, & ad unumquodque Ecclesiæ sæculum referuntur. Quamprimum meam liberabo fidem, & curabo, ut nova hæc opella ad manus perveniat nostrorum Juvenum, quorum menti insculptam velim Spiritus Divini sententiam, quod *non erudietur, qui non est sapiens in bono*.

# DUBIA ET QUÆSTIONES

*Datis fortibus solvendæ in experimentis, quæ præmittuntur Graduum afsecutioni*

Annus Quartus

*EX LOCIS THEOLOGICIS, ET EX TRACTATIBUS DE DEO UNO, ET TRINO.*

1.  N Divina Revelatio utilis sit, & necessaria, & quibus argumentis ejus existentia, ac credibilitas evincatur.
2. Quid sit Divina Scriptura, & quinam sint Libri Canonici tum veteris tum novi Testamenti.
3. An Scripturæ tam veteris, quam novi Testamenti integræ sint quoad omnes partes; & utrum omnes Scripturarum libri sint veri, an supposititii.
4. An Libri omnes veteris & novi Testamenti divinæ sint autoritatis, atque infallibiles.
5. An prodigia, quæ in ipsis narrantur, occultis naturæ viribus, sive potius Deo naturæ ordinem immutanti in testimonium veritatis sint adscribenda; & utrum in ejusdem veritatis confirmationem ab improbis etiam miracula fieri, & futura manifestari possint.
6. Quid de Paganorum miraculis, ac oraculis sit statuendum
7. Quot Libros complectatur Judæorum Canon; an olim plures quam nunc sint, continuerit; & a quibus confectus fuerit idem Canon.
8. Quinam Libri olim fuerint in Canone Catholicorum; & an Versio, qua nunc universalis utitur Ecclesia, pro authentica habenda sit.
9. Quot olim fuerint Veteris Testamenti Versiones Græcæ; quo

quo tempore , quo in loco , & quomodo incœpta ac peracta fuerit Septuaginta Seniorum Versio, quos libros complectatur, & quantæ olim fuerit, & nunc sit authoritatis .

10. Quot fuerint Versiones latinæ veteris novique Testamenti ante Hieronymi tempora , & quænam inter ipsas in Occidentalibus Ecclesiis obtinuerit ; quænam ab Hieronymo edita fuerit , & quænam posterioribus Sæculis prodierint .
11. An Scriptura multiplicem contineat sensum ; & quomodo iste sensus multiplex adæquate dividatur , & ad quem spectet tradere germanum sensum Sacræ Scripturæ .
12. Quid , & quotuplex sit Traditio ; & an Traditiones divinæ necessario sint admittendæ ; & quomodo demonstrari possit per eandem veram doctrinam a Mundi exordio ad nostram ætatem custoditam fuisse .
13. Quibus regulis vera Traditio a falsa , Divina ab humana distinguantur .
14. Quid sit Ecclesia , & an soli prædestinati , sive soli iusti sint membra illius .
15. Utrum soli baptizati sint in Ecclesia , & an ad illam pertineant Hæretici , atque Schismatici .
16. An Ecclesia sit Una , Sancta , Catholica , & Apostolica .
17. An sit visibilis , infallibilis , & indefectibilis .
18. Quid & quotuplex sit Concilium , & ad quem spectet Concilia Generalia convocare , illis præesse , eademque confirmare .
19. An Concilia Generalia , quibus nullæ desunt requisitæ a Catholicis conditiones , divinæ sint authoritatis , & infallibilia .
20. Utrum Concilia sint Ecclesiæ necessaria ad fidei , morumque controversias definiendas .
21. Utrum , & quo jure Romanus Pontifex Primatum habeat in Ecclesia .
22. An Romanus Pontifex in fidei & morum Decretis errare possit ; & an sit supra Concilium Generale .
23. Quæ sit Ecclesiæ Patrum authoritas in Regulis Fidei , ac morum .
24. An Christianæ Religionis veritas demonstretur contra Deistas , & Polytheistas .



25. An demonstretur contra Judæos, & Mahumedanos.
26. Quibus nominibus Dei natura apud Hæbræos, Græcos, Latinos exprimitur, & quid denotetur per nomen Jehovah.
27. Quisnam sit gradus constitutivus seu differentia essentialis divinæ naturæ.
28. An perfectiones omnes, & divina attributa in essentia Dei includantur, & quomodo tum ab essentia, tum inter se distinguantur.
29. An Deus sit unus.
30. An Deus sit Ens omnino simplex, ita ut omnis compositio sit ab ipso removenda.
31. An Deus sit infinitus in omni genere perfectionis.
32. An Deus sit immensus, rebusque omnibus intime præsens, non tantum cognitione, & operatione, sed essentia; & an præsentia Dei efficaciter probeatur ex operatione illius, & quomodo.
33. An Deus sit omnino immutabilis etiam in Decretis.
34. Utrum Deus & quidem solus sit æternus.
35. An Deus videri possit oculis corporeis, atque ab intellectu creato per solas naturæ vires.
36. An possibilis sit saltem per gratiam intuitiva Dei visio, & an hæc possit esse perfecta, & comprehensiva.
37. Utrum animæ Sanctorum, quibus nihil luendum superest, statim ac corpore solvuntur, ante ultimum generale Judicium intuitiva Dei visione donentur; & quæ fuerit Joannis XXII. sententia de Sanctorum beatitudine.
38. Utrum in hac mortali vita aliquibus intuitiva Dei visio concessa fuerit.
39. Quid sit Lumen Gloriæ, quæ ejus necessitas, quæ officia, & quomodo intellectus creatus concurrat ad visionem Dei intuitivam,
40. An visio beatifica Angelorum, & Hominum sit ejusdem speciei; & an sit in omnibus Beatis æqualis, & quodnam sit principium inæqualitatis visionis beatificæ.
41. Quomodo Deus dicatur Vivens in Scripturis, & quid ejus Vitæ nomine intelligatur.
42. An in Deo sit vera Justitia, & vera Misericordia.
43. Utrum Deus sit Omnipotens, & an creare possit alia, & meliora illis, quæ creavit.

44. Quid sit, & utrum detur in Deo providentia, quodnam sit divinæ Providentiæ objectum; an semper suum finem assequatur; & an rebus provisus necessitatem imponat.
45. An sit in Deo proprie loquendo veri nominis scientia.
46. Utrum, & quo medio Deus semetipsum perfecte cognoscat, & comprehendat.
47. An Deus cognoscat singillatim omnes creaturas possibles, & existentes, omnia secreta cordis, & omnia mala seu pœnæ seu culpæ.
48. Utrum Deus cognoscat futura omnia, necessaria, libera, & contingentia, tam absoluta quam conditionata.
49. Quo medio cognoscat Deus possibilia, præterita, præsentia, & futura libera, sive absoluta, sive conditionata, tam naturalis, quam supernaturalis ordinis.
50. Utrum divina scientia adæquate dividatur in scientiam simplicis intelligentiæ, & in scientiam visionis, an vero admittenda sit tertia quædam scientia, quam Mediam vocant.
51. An, & quænam scientia Dei sit causa rerum effectrix.
52. An in Deo sit proprie dicta voluntas; & quodnam sit objectum formale, & materiale primum, & secundarium illius.
53. An Dei voluntas sit libera, & quæ sit ejus libertatis explicandæ ratio.
54. Utrum admittenda sit divisio divinæ Voluntatis in voluntatem signi, & in voluntatem beneplaciti, in antecedentem & consequentem, & unde petantur istæ divisiones.
55. Utrum Dei voluntas sit causa rerum, an semper impleatur, & semper sit absoluta.
56. An sit in Deo vera, sincera, formalis, & beneplaciti voluntas salvandi omnes; & an Christus pro omnibus mortuus fuerit.
57. Quid sit prædestinatio, quomodo differant prædestinatio, electio, electio, propositum, discretio, præparatio, & quibus nominibus appellentur prædestinati in Scriptura, & in Patribus.
58. Utrum prædestinatio hominis lapsi ad gratiam, & ad gloriam sit omnino gratuita, & independens a meritum prævisione, & sit immutabilis.


59. An sine speciali revelatione quisquam certus esse possit de sua prædestinatione.
60. Quid sit reprobatio; & an a Deo decreta fuerit, saltem post prævisum originale peccatum.
61. An reprobatio Angelorum & Hominum a Deo facta fuerit post prævisa eorum demerita; & quinam sit effectus reprobationis in Angelis, & in hominibus.
62. An numerus reproborum multo major sit electorum numero, etiamsi de solis Christianis loquamur.
63. Quinam sint hæreticorum errores circa Trinitatis Mystrium, & an rationis lumini opponatur.
64. An Mystrium Sanctissimæ Trinitatis sola ratione naturali demonstrari possit, & an Gentilibus, & Judæis innotuerit ante Christi adventum.
65. An sint reapse in Deo tres Personæ a se invicem realiter distinctæ, in unitate ejusdem numericæ essentix, & naturæ.
66. An versiculus septimus capitis 5. Epistolæ I. S. Joannis sit genuinus.
67. An admittendæ, & quot sint in Deo processiones, & quodnam sit principium earundem.
68. An, & cur processio Filii sit generatio, non autem processio Spiritus Sancti.
69. An admittendæ sint in Deo relationes, quot sint relationes originis in tribus personis, & an sint veræ perfectiones.
70. An, & quæ Personæ Divinæ mittantur; & an in Personis Divinis admittenda sit circuminfectio.
71. An detur in unaquaque Persona Divina aliquid proprium, & specificativum quod sit reale, & intrinsecum; & per quid Personæ Divinæ constituentur, & specificentur.
72. Quibus nominibus Persona Patris soleat designari; an, & quo sensu Pater dici possit principium, & fons totius divinitatis; & an dici possit causa Filii.
73. Quibus nominibus designetur Persona Filii; & an Verbi divinitas possit ex Scripturis demonstrari, atque ex Traditione.
74. Quænam de Verbi divinitate fuerit sententia Iuliani, Athenagoræ, & Theophili Antiocheni.

75. Quid de eadem Verbi divinitate senserint Irenæus, Clemens Alexandrinus, Origenes, Dionysius Alexandrinus, Lactantius, & Eusebius Cæsariensis.
  76. Quid Concilium Nicænum I. circa Verbi divinitatem definierit; & an jure ac merito vocabulo Omoousion ejusdem Concilii Patres usi fuerint.
  77. Cuinam Syrmienti formulæ subscripserit Liberius Summus Pontifex; & an Osius Cordubensis Arianæ formulæ subscripserit, atque in hæresi, & impietate Arianorum obierit.
  78. An Spiritus Sanctus sit vera Persona, & vere Deus Patri, & Filio consubstantialis.
  79. An Spiritus Sanctus procedat etiam a Filio, & utrum a Filio distingueretur, si ab eo non procederet.
  80. Utrum vox Filioque merito addita fuerit Symbolo Constantinopolitano.
- 

## Annus Quintus.

### EX TRACTATIBUS DE INCARNATIONE,

*Gratia, Mysteriis, Annis, & Cultu Christi Domini, & Sanctorum.*

1.  uibus nominibus a Sacris Literis, & a Patribus utriusque Ecclesiæ exprimitur Incarnatio Verbi Divini; & quinam fuerint præcipui Hæreticorum errores circa Incarnationis Mysterium.
2. An possibile sit Incarnationis Mysterium; & an ratione naturali demonstrari possit.
3. An Angelis, Judæis, & Gentilibus fuerit cognitum.
4. An conveniens fuerit Incarnatio, atque etiam necessaria.
5. An ex Jacobæo vaticinio relato Gen. 49. contra Judæos demonstraretur venisse Messiam in Lege promissum; & quid nomine Sceptri & Judæ intelligendum sit in præfato vaticinio.

6. An ex Danielis vaticinio ostendi possit Messiam jandiu-  
venisse ; & a quo anno desumendum sit initium  
70. Hebdomadatum Danielis .
7. Utrum evinci possit contra Judæos Jesum Nazarenum esse  
Messiam in Lege promissum .
8. Num testimonium , quod de Jesu Nazareno legitur Lib.  
18. Antiquit Judaic. cap. 4. apud Fl. Josephum ,  
hujus authoris genuinus sit fœtus .
9. An demonstrari possit contra Gentiles Messiam venisse ,  
eumque esse Christum Salvatorem nostrum .
10. An Verbum Divinum verum corpus , veramque carnem  
assumpserit ; atque illam non e Cœlo, sed ex Ma-  
tre acceperit .
11. An Corpus Christi vere doloribus obnoxium fuerit ; &  
quæ fuerit S. Hilarii Picavienſis sententia .
12. An Verbum Divinum animam humanam assumpserit  
mente , ac ratione præditam .
13. An Christi Corpus ex Maria Virgine prodierit , illibata  
remanente Matris virginitate .
14. An una, vel duplex fuerit in Christo voluntas, & operatio.
15. An Honorius I. Romanus Pontifex Monothelitis adhæserit.
16. An una tantum sit in Christo Persona Verbi Divini ; &  
an Beata Virgo Mater Dei dicenda sit .
17. Utrum Nestorius legitime & canonice ab Ephesina Sy-  
nodo damnatus ac depositus fuerit ; & utrum Jo-  
hannes Antiochenus cum suis Orientalibus Nestoriano  
errori adhæserit .
18. Utrum S. Cyrillus Nestorium impugnans in oppositum  
Apollinaris errorem lapsus fuerit .
19. Utrum duæ sint in Christo naturæ invicem distinctæ ,  
atque impermixtæ .
20. Quid sit Unio hypostatica , & in quo consistat ; quid  
communicatio Idiomatum ; & an Ubiquitas naturæ  
humanæ Christi Domini conveniat .
21. Quodnam fuerit motivum totale , & adæquatum , & qui-  
nam terminus Incarnationis Verbi Divini .
22. Quibus nominibus Gratia designetur , quomodo definitur  
tur , & quoruplex sit .
23. Quinam fuerint errores veterum ante Pelagium circa  
Gratiam . Quænam fuerit Pelagii Patria, vitæ insti-  
tu-

- tutum , & quos socios in hæresi disseminanda habuerit , primosque discipulos .
24. Quo tempore Pelagius errores suos disseminare cœperit , quoties de Gratia & libero arbitrio differens sententiam mutaverit , & ob quam causam .
25. In quo dogmate Semipelagiani erraverint ; quo in loco hæresim suam disseminaverint , & unde errandi motivum hauserint ;
26. An Cassianus , Faustus Rejensis , Vincentius Lirinensis , Hilarius Arelatenis , Gennadius , & S. Jo. Chrysostomus inter Semipelagianos numerandi sint .
27. An hæresis Prædestinatiana aliquando extiterit ; & an Gothescalcus illam defenderit , & disseminaverit .
28. Quidnam Lutherus , atque Calvinus docuerint de Gratia , & Libero Arbitrio contra catholicam veritatem .
29. Quinam fuerint præcipui errores Michaelis Baii circa Gratiam , Liberumque Arbitrium : a quibus Rom. Pontificibus fuerint proscripti : quomodo se gesserint Galliarum Episcopi , & Parisiensis schola in hac controversia ; & an jure Baii propositiones damnatæ fuerint .
30. Quisnam fuerit Jansenius , quæ illius 5. Propositiones , a quibus summis Pontificibus damnatæ , & quomodo se gesserit circa S. Sedis damnationem Ecclesia Gallicana .
31. An 5. Propositiones Jansenii jure merito damnatæ fuerint , & an opponantur doctrinæ S. Augustini .
32. An in factis dogmaticis Rom. Pontifices errare possint , & an licuerit obsequioso silentio uti in subscriptione Formularii propositi ab Alexandro VII.
33. An doctrina Quesnellii tanquam Janseniana jure merito damnata fuerit in Bulla *Unigenitus* a Clemente XI. , & an hæc Bulla pro regula fidei habenda sit .
34. In quibus statibus considerari possit natura humana ; an in statu innocentie primi Parentes justitiam originalem , sive gratiam sanctificantem acceperint ; & quam gratia indiguissent ad perseverandum in bono .
35. An sit possibilis status naturæ puræ .
36. Quid sit Gratia habitualis sanctificans , an intrinsece animæ inhæreat , & permanenter , an distinguatur a Charitate , & quomodo formaliter reddat hominem justum

37. Quid sint, & quotuplicis generis virtutes infusæ, ac dona Spiritus Sancti; & an infundantur per modum habitus cum Gratia sanctificante.
38. Quid sit Gratia actualis, quomodo distinguatur ab habituali, & an homo possit absque Gratia se præparare ad Gratiam.
39. An homo sine Gratia diligere Deum, & operari valeat aliquod opus bonum tam naturale, quam morale.
40. Utrum homo possit sine Gratia implere omnia Legis præcepta, & superare tentationes, & se abstinere ab omni peccato tam mortali, quam veniali.
41. Utrum Fides necessaria ad salutem sit Gratia proprie dicta; & utrum initia Fidei sint ab homine absque Gratia.
42. Utrum sine Fide bonum aliquod morale fieri possit; & utrum omnia opera Infidelium sint peccata.
43. Utrum Gratia sanctificans possit amitti, & an sit æqualis in omnibus iustificatis.
44. An admittenda sit Gratia per se, ex se, & ab intrinseco efficax, & a quonam repetenda sit efficacia Gratiæ.
45. Quid sit delectatio victrix, & an per illam moraliter determinetur voluntas ad opus eliciendum; & quodnam discrimen intercedat inter delectationem victricem plurium Catholicorum, & delectationem victtricem Jansenistarum, & in quam illarum auferatur libertas.
46. Quid sit Gratia sufficiens, & an debeat admitti in statu naturæ lapsæ; & utrum detur etiam Infidelibus, & an denegetur aliquando.
47. Quid sit iustificatio; an collocari debeat in forma intrinseca, quæ animæ inhæreat; & quæ dispositiones requirantur ad eam assequendam, tam in parvulis, quam in adultis.
48. An per solam Fidem homines iustificentur.
49. Quid sit meritum, & utrum acquiratur per opera pietatis, & quæ ad comparandum meritum conditiones requirantur, tam ex parte hominis, quam ex parte Dei.
50. Utrum Beata Virgo Deipara, firmo permanente Virginitatis proposito, verum contraxerit Matrimonium cum.

S. Jo-

S. Iosepho; & an ambo fuerint ex Tribu Juda, & ex Familia David.

51. An Christi Domini conceptio fuerit plane miraculosa, & supernaturalis.
52. Quo in loco, & quo anno, ac die natus sit Christus Dominus; & quæ prodigia Christo nascente contigerint.
53. Quot fuerint Magi, qui ad Christum adorandum venerunt: quænam eorum conditio ac dignitas, & ex qua Patria.
54. Utrum conveniens fuerit Christum circumcidi, & offerri in Templo; ac Virginem Deiparam purificari.
55. Quando, & undenam Ioseph cum puerulo Jesu, & Maria Coniuge fugam arripuerit; quanto tempore in Ægypto sint commorati; quo tempore Bethleemitica puerorum cædes indicta fuerit ab Herode; quotus fuerit puerorum occisorum numerus; & an pueri Bethleemitæ impio ferro sublati veri Christi Martyres sint habendi.
56. Quod vitæ genus, & institutum ab eo tempore, quo ex Ægypto eductus est, usque ad annum, quo baptizari voluit, Christus Dominus servaverit.
57. Quo anno, quoque loco Christus Dominus baptizatus fuerit; & quantum temporis effluxerit a Joannis Baptistæ ministerio, usque ad Baptismum Christi.
58. An conveniens fuerit ut Christo baptizato, & orante aperirentur Cæli, & Spiritus Sanctus in Christum baptizatum illaberetur in specie Columbæ, & Paterna vox audiretur.
59. Utrum Apostoli baptizati fuerint Baptismo Joannis, aut Christi Domini; & utrum Joannis Baptismus conferret gratiam sanctificantem.
60. An Christus vera miracula divina virtute patravit; & an per ipsa miracula suam Divinitatem comprobavit.
61. Quonam anno, mense, die, & hora ultimam Cœnam Christus celebraverit, & quo loco; quosnam commensales habuerit, & quomodo hæc Cœna peracta fuerit.
62. An Christus acerbissimis doloribus corporis, & animæ in Passione, & in Morte cruciatus fuerit; & quomodo illius dolores cum visione beatifica concilientur.





63. An Divinitas Christi ab ejus anima, corpore, & sanguine in triduo mortis, ac sepultura fuerit separata.
64. An Christus post mortem suam ad Inferos descendit; & quibus descensu suo salutem attulerit.
65. An Christus Dominus vere a mortuis surrexit; & an post resurrectionem verum habuerit corpus integrum, & gloriosum.
66. Utrum conveniens fuerit, & salutis nostræ necessarium, ut Christus in Cælum ascenderet; & utrum, sedens ad dexteram Dei Patris officio Mediatoris, & Sacerdotis etiamnunc fungatur, oretque pro nobis.
67. Quo tempore, & a quibus Spiritus Sancti Missio facta sit, quo loco, ad quos, quo externo signo prodiderit se se Spiritus S.; quosque effectus produxerit.
68. Utrum anima Christi a primo conceptionis instanti insu-  
fa rerum omnium scientia, & beatifica visione donata fuerit.
69. An Christus Dominus secundum humanitatem habuerit scientiam infinitam.
70. An humana Christi voluntas fuerit maxime libera, & qua libertate; & quomodo conciliari possit libertas Christi cum imposito moriendi mandato, ejusque impeccantia.
71. Quid sit meritum, & an Christi merita fuerint infiniti pretii; quidque sibi, nobisque Christus meruerit.
72. An Christus Dominus vere, & superabundanter pro humano genere satisfecerit divinæ Justitiæ.
73. Possit ne Christus Mediator appellari, & secundum quam naturam; & an sit verus Sacerdos, ac Pontifex novæ Legis, Rex, & Judex vivorum simul & mortuorum; & quo cultu sit adorandus.
74. Quid sit cultus sacer, & quotuplex; quibus nominibus tam in genere, quam in specie exprimatur, & a quibus improbus fuerit.
75. Utrum Angeli, & Sancti in Cælis regnantes pro hominibus in terris degentibus orent; & an rite ab eisdem invocentur, & sacro cultu honorentur.
76. An Ecclesia citra ullam erroris maculam consueverit Tempia, & Altaria Sanctorum nominibus insignire, Sanctorumque natalitia pio cultu recolere.

77. An licite possimus Sanctis aliquid polliceri , & votorum quæ Deo sunt Sanctos adjutores invocare , vel tabulas votivas in eorum Templis , & ad illorum Sepulchra appendere .
78. Utrum a nobis colendæ sint Reliquiæ Sanctorum .
79. Utrum Sanctorum Imagines sint colendæ , & quo Cultus genere .
80. An Symbolicæ Imagines Dei , Trinitatis , Angelorum , Christi Domini , licitæ sint ac probandæ .
81. Quo cultus genere B. V. Mariam prosequi debeamus .
82. Utrum tam Dominicæ Cruci , quam illius Imaginibus facer cultus debeat , & qualis esse debeat .
83. An antiquissima sit in Ecclesia consuetudo muniendi tam nos , quam alios signo Crucis manu efformato .

## Annus Sextus

### EX TRACTATIBUS DE ANGELIS ,

#### *primo Homine , Novissimis , Purgatorio , & Suffragiis .*

1. uid sint Angeli , quibus nominibus designentur , & quibus argumentis eorum existentia evincatur .
2. An Angeli creati fuerint in tempore , quando , & ubi creati .
3. Utrum Angeli sint incorporei , & natura spirituales ; an multiplex sit Angelorum numerus , & an specie differant .
4. Utrum Angeli boni suam beatitatem promeruerint , & mali suam damnationem .
5. Quodnam sit cognitionis Angelicæ objectum , seu an Angeli naturæ viribus cognoscant substantias spirituales , &

materiales, futura sive necessaria, sive libera, occultas hominum cogitationes, & Myſteria Fidei.


6. Utrum miſſio conveniat Angelis : vtrum ex omnibus Ordinibus Angeli mittantur : an corpora aſſumpſerint ; & an quilibet homo habeat Angelum ſui cuſtodem.
7. Utrum Deus in principio temporis cuncta creaverit ; & an Moſaica Coſmogonia prophanis hiſtoriis ſit anteferenda.
8. Utrum ſex illi dies, quos Deus impendit in rerum omnium creatione, ſint veri, vel metaphorici ; & in quonam conſtitui debeat imago, & ſimilitudo Adami, qui ſexta die creatus eſt, cum Deo.
9. An Adam per peccatum ab originali juſtitia exciderit ; & quomodo ; & quas pœnas tum ſibi, tum poſteris per peccatum promeruerit.
10. An Adam ſit omnium hominum primus, an vero admittenda ſit Præadamitarum fabula.
11. Quid ſit Mors, & an quicumque homines ſint morituri. Utrum Henoch, & Elias cum Joanne Evangeliſta mortem obierint.
12. An Adamo non peccante corpora hominum a morte immunia ſervata fuiſſent.
13. Utrum Reſurrectio humanorum corporum poſſibilis ſit, & aliquando futura.
14. Utrum reſurrecturi ſint omnes omnino homines etiam impii ; & qua ætate, quo corpore, & quo tempore, quove loco reſurrectio fiet.
15. Utrum Deipara reſurrexerit, & in Cælum aſſumpta fuerit.
16. An præter privatum Judicium, quod in morte prægatur cujuſlibet hominis, Judicium aliquod univerſale expectari debeat.
17. Quæ ſigna univerſale Judicium, & adventum Divini Judicis prænunciatura ſint ; & utrum Antichriſtus ſit dominaturus in terris poſtremis mundi temporibus.
18. Quonam in loco, quo tempore, & qua methodo fieri debeat Judicium ; & an etiam Sancti ſublimes judicaturi ; & Angeli cum parvulis ſint judicandi.
19. Quæ futura ſit conflagratio, & renovatio mundi poſt Judicium.
20. An ſubterranea defunctorum receptacula ſint admittenda, & ea inter numerari debeat Infernus.

21. Quinam Angeli, & homines inferorum pœnis crucientur.
22. Utrum Inferni supplicia sint æterna; & an cessent aliquando, aut mitiora reddantur, & utrum quispiam ab Inferno liberari possit, sive liberatus fuerit.
23. Quibus pœnis damnati puniantur; & an tartareus ignis sit corporeus, & qua ratione cruciet spiritus immateriales, & cruciaturus sit corpora post universale Judicium, absque corporum eorundem resolutione.
24. Utrum Regnum millenarium Christi, & Sanctorum post universale Judicium opponatur fidei, & rationi.
25. Utrum Iusti veteris Testamenti in sinu Abraham fruerentur intuitiva Dei visione.
26. In quonam collocari possit essentia beatitudinis, & quale iudicium ferendum sit de illapsu Dei in Beatorum animas.
27. Quæ futuræ sint dotes corporum gloriosorum, Sanctorumque Aureolæ; & qua gloria essentiali, simul & & accidentali fruatur B. V. Maria.
28. Quid sit Purgatorium, & an Purgatorii existentia ex Divinis Literis, ex Traditione, & ex theologicis rationibus demonstretur.
29. An Purgatorius ignis verus sit, & corporeus; & an gravitas pœnarum Purgatorii major sit pœnis huius sæculi,
30. Utrum Animæ Purgatorii de æterna felicitate assequenda dubitent, & utrum Dæmonum potestati subjaceant,
31. Utrum Animæ Purgatorii sint in statu merendi, vel demerendi; & an pro viventibus orare possint, & aliquid de congruo mereri, seu impetrare.
32. An venialia peccata, etiam quoad reatum culpæ, in Purgatorio remittantur.
33. An Suffragia viventium profint Animabus Purgatorii; & utrum ex titulo Misericordiæ, vel etiam Iustitiæ Dei, suffragia defunctis profint, eisdemque Indulgentiæ communicentur.

# Annus Septimus

## EX TRACTATIBUS DE ACTIBUS

*Humanis, Conscientia, Legibus, Vitiis, & Peccatis, Justitia, & Jure.*

1. uid sit Actus humanus; quid sit spontaneum, voluntarium, liberum, involuntarium, violentum, & coactum; & quomodo ad voluntarium referantur ignorantia, concupiscentia, & metus.
2. Undenam Actus humani desumant suam bonitatem, malitiamque moralem; & utrum bonitas, & malitia inveniantur in Actibus nedum internis, sed, etiam externis, & an utrique pertineant ad eandem speciem.
3. Quid, & quotuplex sit Conscientia; & utrum Conscientia certa quidpiam præcipiens, aut prohibens obliget sub pœna peccati.
4. Utrum ultimum conscientia dictamen de actu licito, siue illicito debeat esse moraliter certum.
5. An liceat sequi opinionem minus probabilem in concursu probabilioris.
6. An in dubiis tutiori parti sit adhaerendum, licet aliquando præceptum cessare possit, & consilia ad aliquam partem eligendam invitent.
7. Quid sit Lex, quinam ejus finis, quinam possint ferre Legem; quænam conditiones requirantur, ut Lex obliget, & undenam obligandi vim habeat.
8. Quotuplex sit Lex, & utrum a Lege æterna Lex naturalis derivetur, & an ex Scripturarum, Patrumque testimoniis probetur hanc legem naturalem esse admittendam.

9. An


9. An Lex naturalis una sit , atque indelebilis ; & an mutationi subiaceat , aut dispensationi .
10. Utrum Jus Gentium ad Jus Naturale pertineat ; vel potius ad Jus positivum .
11. Quid sit lex positiva divina , & quotuplex .
12. An Lex Mosaica fuerit bona & perfecta ; & quisnam fuerit finis proximus Legis antiquæ .
13. An Lex antiqua abrogata fuerit , & quo tempore cœperit esse mortifera .
14. Quandonam hominibus data fuerit Lex nova , & quousque sit duratura .
15. Quid , & quotuplex sit Lex humana ; & an homines qui Civili , & Ecclesiasticæ subiacent Potestati , ad utramque Legem Civilem nempe , & Ecclesiasticam servandam teneantur .
16. An qui humanas Leges infringunt , sint a peccato immunes .
17. Quid sit peccatum , & quotuplex , & undenam desumatur specifica peccatorum distinctio .
18. Utrum formale peccatorum constitutivum in sola privatione sit collocandum .
19. Quodnam sit peccati subiectum , quænam causa ; & an Deus peccatum velit , & operetur , hominesque ad illud excitet , & impellat .
20. Utrum peccata omnia æqualia sint :
21. An ad peccandum formaliter requiratur actualis advertentia , vel dubitatio , aut scrupulus de malicia actionis ; an vero sufficiat advertentia interpretativa .
22. Quid , & quotuplex sit voluntatis consensus ; & quinam consensus voluntatis sufficiat ad peccandum .
23. Quinam sint præcipui effectus peccati .
24. Quid sit originale peccatum , in quonam formaliter consistat , & an debeat admitti .
25. Quomodo peccatum originale in Adæ posteros propægetur .
26. An Beata Virgo Maria ab originalis peccati labe immunis servata fuerit .
27. Quænam pœnæ sint originali peccato debita , & utrum Parvuli morientes cum solo originali peccato patiantur etiam pœnam sensus .
28. Utrum detur peccatum veniale ex natura sua a mortali distinctum .

29. Per quid formaliter, & primario peccatum mortale, & veniale constituentur, & differant; & quibus regulis unum ab altero secerni possit.
30. Quanam sint peccata Capitalia, quanam eorum natura, quinam eorum præcipui actus, & quanam ex ipsis peccata pullulent; quibus remediis contra singula capitalia peccata sit utendum.
31. Quodnam sit peccatum omissionis. An dari possit omisso culpabilis sine omni voluntatis actu præcedente; an actus qui causa est omissionis culpabilis habeat malitiam ab ipsa omissionis malitia distinctam.
32. Quid sit Jus, & in quas species dividatur, quomodo acquiratur Jus in re; quid, & quotuplex sit actio judicialis.
33. Quid, & quotuplex sit Dominium, & quot sint modi acquirendi rerum Dominium Jure Gentium servato.
34. Quinam sint tituli, seu modi acquirendi rerum Dominium ex Jure Civili.
35. Quonam Dominio homines frui possint supra seipsos, supra familiam, & supra servos.
36. Quotuplicis generis sint bona, quæ Clericis Sæcularibus obveniunt; & quorumnam bonorum Clerici Sæculares plenum habeant Dominium.
37. An Religiosi Ordines in communi sint capaces Domini proprietatis. An Religiosus Professus sit incapax Domini proprietatis, & unde hæc incapacitas proveniat; cuinam acquirat, quod ab aliis acquirit; & cujus Juris, & Domini Religiosus sit capax.
38. Quid, & quotuplex sit Justitia, & quodnam ejus objectum materiale, & formale.

## Annus Octavus.

### EX TRACTATIBUS DE SACRAMENTIS

*in genere, Baptismo, Confirmatione,  
& Eucharistia.*

1. uid Mysterii, ac Sacramenti nominibus apud Ecclesiasticos Scriptores designetur; quid sentiendum sit de vetustioris Ecclesiæ circa Sacramenta silentio; & an repeti debeat ab Arcani Disciplina.
2. An ante Legem Gratiz aliqua extiterint Sacramenta in statu naturæ innocentis, in Lege naturæ, & in Lege Mosaica; & qua ratione Sacramenta appellentur.
3. An in Evangelica Lege vera & propria Sacramenta existant, quinam sit eorum numerus, & an variari possit.
4. An ablutio pedum sit novæ Legis Sacramentum.
5. Quidnam nomine Materiz, & Formæ Sacramentorum designent Theologi; & utrum Materiz, & Formæ Sacramentorum variari possint.
6. An Sacramentorum verba dicenda sint promissionis, aut concionis, vel potius consecrationis.
7. An Christus Dominus immediate, & per semetipsum Sacramenta instituerit.
8. An solus & quilibet homo viator sit Minister Sacramentorum.
9. Quid, & quodplex sit intentio; & an ad valorem Sacramenti prærequiratur in Ministro intentio actualis, vel saltem virtualis faciendi id, quod facit Ecclesia; an vero sufficiat intentio habitualis.
10. Utrum si Minister intentionem habeat faciendi ritum externum, quem facit Ecclesia, sed occulta deliberatione velit rem sacram non facere, ut fieri solet in Ecclesia Christi, nullum atque irritum sit Sacramentum m.



11. An pro Sacramentorum validitate requiratur in Ministro fides, & probitas.
12. An Sacramenta ab Hæreticis, & Schismaticis collata catholico ritu, valida sint.
13. Quodnam esse possit subiectum Sacramentorum, quæ in eo requiratur intentio; & an subiecti improbitas Sacramenta irritet.
14. Utrum Sacramenta producant gratiam ex opere operato; & an generent eandem gratiam physice, aut moraliter.
15. Utrum Sacramenta veteris Legis contulerint gratiam ex opere operato, an vero ex opere operantis.
16. An in quibusdam Sacramentis novæ Legis, imprimatur Character; & in quonam reponenda sit characteris impressi essentia, & natura.
17. Quænam sit Cæremoniæ, quæ in Sacramentis occurrunt, definitio, institutio, atque eas servandi necessitas.
18. Quid sit Baptisma, & quotuplex; quinam fuerint præcipui errores circa Sacramentum Baptismi, & quodnam sit illius discrimen a Baptismate Gentilium, & Judæorum.
19. Quænam sit materia remota Baptismi, & an validum sit Baptismi Sacramentum sive illud per immersionem, sive per infusionem, aut aspersionem ministretur.
20. Quandonam incæperit, & quamdiu obtinuerit in Ecclesia consuetudo baptizandi per trinam immersionem, & quo tempore, quibusve de causis immersioni infusio substituta fuerit,
21. Utrum Forma Baptismi necessario constituenda sit in expressa invocatione Sanctissimæ Trinitatis; utrum Apostoli in solius Christi nomine baptizaverint, & an Baptisma in solo Christi nomine collatum validum foret.
22. Utrum, & quomodo Baptismus sit hominibus necessarius; & quando a Christo Domino fuerit institutus.
23. Utrum Baptismus aquæ institutus a Christo Domino suppleatur per Baptismata flaminis, & sanguinis; & an Baptisma sanguinis suppleat Baptismi vices etiam in Parvulis.
24. Quisnam sit Baptismi Minister ordinarius, & ex officio; quis-

- quidam Minister extraordinarius, & ex delegatione;  
& an in casu necessitatis mulieres etiam & homines  
non baptizati valide baptizent.
25. Quæ controversia excitata fuerit a S. Cypriano de Baptismo collato ab hæreticis; & quomodo hæc controversia dirempta fuerit a S. Stephano Romano Pontifice.
  26. Utrum Infantes sint capaces Baptismi, eosque conveniat baptizare
  27. An invitis Parentibus Infidelium filii sint baptizandi; & an baptizari possint defunctorum cadavera, & viventes pro defunctis.
  28. Utrum homines per Baptismum plenissime liberentur ab Originali, atque ab actualibus culpis, eisdemque infundatur gratia sanctificans; & an gratiæ sanctificanti adjungantur etiam infusæ virtutes, fides videlicet, spes, atque charitas.
  29. Utrum pœnæ omnes peccatis debitæ per Baptismi efficaciam remittantur.
  30. Utrum Character indelebilis sit effectus Baptismi, & an Baptismus iterari possit.
  31. Quænam ceremoniæ præcedant, comitentur, ac subsequantur Baptismum, & an hujusmodi ceremoniæ sint antiquæ, universales, sanctæ, & ab omni superstitione immunes.
  32. Quid sit Catechumenatus, & quomodo fuerit institutus, qui fuerint antiquitus gradus seu classes Catechumenorum, & quænam Ecclesiæ disciplina erga Catechumenos.
  33. Quibus vocabulis Auctores Ecclesiastici in Confirmationis Sacramento designando usi fuerint; quomodo definiatur; & an Confirmatio collocanda sit in numero Sacramentorum novæ Legis.
  34. An materia Confirmationis essentialis, & adæquata in impositione manuum simul, & Chrismatis unctione consistat. Quotuplex occurrat manuum impositio in Confirmatione, & quæ præsertim considerata sit tamquam essentialis Confirmationis materia: Utrum de fide sit credendum Sacram unctionem pertinere ad essentiam Confirmationis, & quis sit S. Chrismatis consecrandi Minister.

35. Utrum forma Confirmationis in oratione manuum impositioni adjuncta, & in verbis Chrismatis unctioni respondentibus contineatur.
36. An Christus immediate instituerit Sacramentum Confirmationis, & an de institutionis tempore constet.
37. Quinam sit Minister Ordinarius Sacramenti Confirmationis, & an simplex Sacerdos ex potestate extraordinaria idem Sacramentum conferre possit.
38. Quinam confirmari possint, & vocari hujus Sacramenti subiectum; quanam ætas sit idonea ad hoc Sacramentum suscipiendum, & quæ dispositiones in suscipiente requirantur.
39. Utrum ad Confirmationis Sacramentum suscipiendum necessario teneantur omnes baptizati; & quinam sint Sacramenti Confirmationis effectus.
40. An Sacramentum Confirmationis iterari possit, & an impositio manuum, & Chrismatio in recipiendis hæreticis olim adhibita, fuerit confirmatoria.
41. Quibusnam ceremoniis olim usa fuerit, & hac nostra ætate utatur Ecclesia in hoc Sacramento administrando.
42. Quibus nominibus Eucharistiæ Sacramentum a Sacris Scripturis appelletur, quomodo definiatur, & quinam fuerint Hæretici, qui realem Corporis Christi in Eucharistia præsentiam inficiati sunt.
43. Utrum ex Scripturis realis, & substantialis Christi præsentia in Eucharistia valeat demonstrari.
44. Utrum eadem efficaciter probari possit ex constanti, antiqua, universali SS. Patrum, & Ecclesiæ traditione.
45. Utrum Mysterium realis Christi præsentia in Eucharistia rationi repugnet.
46. Quid Transubstantiationis nomine intelligatur; quinam fuerint circa ipsam Hæreticorum errores, quanam Scholæ opiniones; & an per verba consecrationis fiat totius substantiæ panis & vini in substantiam corporis & Sanguinis Christi conversio, seu transubstantiatio.
47. Quanam fuerit Jo. Chrysostomi, Theodoreti, Gelasii Pontificis, & Ruperti mens circa transubstantiationis dogma.
48. An Eucharistia sit Sacramentum; quid præcise rationem habeat Sacramenti in Symbolis Eucharisticis; & an

Eu-


- Eucharistia consistat in re permanente, vel in usu tantum, & actione transeunte.
49. Utrum Materia Sacramenti Eucharistiæ in solo pane triticeo, & solo vino de vite sit necessario collocanda.
  50. An consecratio Eucharistiæ cum in Azimo tum in Fermentato valeat; quinam agant convenientius, Græci fermentatum, an vero Latini azimum consecrantes; & utrum liceat Græcis in azimo, & Latinis in fermentato Eucharistiam consecrare.
  51. Utrum antiqua sit apud Græcos in fermentato, & apud Latinos in azimo consecrandi consuetudo.
  52. An, quo jure, qua necessitate, & qua quantitate aqua in Sanctum Calicem sit infundenda; & an convertatur in Sanguinem Christi, & quomodo.
  53. Quænam sit Forma necessaria, & essentialis in consecratione panis, & vini; & qua ratione in ultima Cœna panem & vinum consecraverit Christus Dominus.
  54. Quisnam sit consecrandæ Eucharistiæ, ejusdemque dispensandæ Minister.
  55. Quodnam sit percipiendæ Eucharistiæ subjectum idoneum, & quæ in eo dispositiones requirantur; utrum Infantibus, Amentibus, reis morte damnatis, peccatoribus tam notoriis, quam occultis Sacra Communio sit concedenda.
  56. Utrum, & quomodo Eucharistia omnibus necessaria sit.
  57. Utrum Communio sub utraque specie, sit omnibus necessaria; & quo jure Ecclesia Laicis usum Calicis interdixerit.
  58. Utrum Eucharistia per se, aut saltem per accidens peccatorum mortalium remissionem operetur, & utrum venialia peccata remittat, & gratiam producat, & quænam sit illa gratia, quæ Eucharistiæ propria dicitur.
  59. Quid sit Sacrificium, & quomodo definiatur, quotuplex sit, & quæ ejus necessitas.
  60. Utrum Christus in Ara Crucis verum æterno Patri obtulerit Sacrificium.
  61. Quibus nominibus a SS. Patribus, & Scriptoribus Ecclesiasticis appelletur Missæ Sacrificium, & quinam fuerint præcipui circa illud Hæreticorum errores.
  62. Utrum Eucharistia sit verum, ac proprie dictum Sacrificium

- cium; & in quonam præcise Eucharistici Sacrificii essentia sit ponenda.
63. Quisnam sit Minister Sacrificii Missæ, quis in eo principalis offerens, & an Sacerdos excommunicatus, suspensus, depositus, degradatus, hæreticus, aut schismaticus valide Sacrificium conficiat.
  64. Utrum vero sensu dici possit Eucharisticum Sacrificium non a Sacerdotibus tantum, sed a tota Fidelium societate offerri.
  65. Utrum Missæ Sacrificium sit propitiatorium, & sit infiniti valoris.
  66. Pro quibus viventibus offerri possit Sacrificium; & an utiliter offeratur etiam pro Defunctis.
  67. Utrum ita sit necessarium solemniter, & publice celebrari Missam, ut Missæ quæ privatæ dicuntur illicitæ sint, atque illegitimæ.
  68. An antiquus sit Liturgiarum usus, earumque authenticitas probari possit ad dogmata catholica vindicanda.
- 

## Annus Nonus.

### EX TRACTATIBUS DE SACRAMENTIS

#### *Pœnitentiæ, Extreme Unctionis, Ordinis, & Matrimonii.*

1.  Uibus nominibus Pœnitentia designetur, quibus modis considerari possit; & utrum Pœnitentia sit specialis virtus; & quodnam sit discrimen istius a Sacramento Pœnitentiæ.
2. An Christus Ecclesiæ veram concesserit potestatem dimittendi omnia peccata per verum, & proprie dictum Sacramentum Pœnitentiæ. An & quomodo Pœnitentiæ Sacramentum a Baptismate distinguatur.
3. An per Sacramentum Pœnitentiæ vere, & iuridice peccata

cata remittantur, an vero tantum declarentur esse dimissa.

4. Quandonam a Christo Domino Sacramentum Pœnitentiæ fuerit institutum; & an omnibus, & singulis post Baptismum lapsis sit absolute necessarium, atque iterari possit.
5. An detur aliquod crimen, quod per Pœnitentiæ Sacramentum remitti non possit.
6. Quænam sit materia remota Sacramenti Pœnitentiæ, quænam sit materia proxima, & an satisfactio sit pars integralis hujus Sacramenti.
7. Undenam derivetur Contritionis nomen; quid sit contritio in genere, quænam ejus proprietates, ac necessitas, & quocumque distinguenda sit contritio.
8. In quonam collocanda sit ratio essentialis, & specifica contritionis, & charitatis perfectæ; & an contritio perfectæ, cum Sacramenti Pœnitentiæ percipiendi proposito, infallibiliter impium hominem Deo reconciliet.
9. Quomodo differat contritio, & attritio; utrum attritio concepta ex gehennæ & pœnarum metu bona sit, honesta, & laudabilis, & utrum metus gehennæ possit excludere voluntatem peccandi.
10. Utrum ad justificationem in Sacramento sufficiat attritio pure formidolosa, an e contra requiratur aliquis Dei amor, & qualis.
11. Quid Confessionis, seu Exomologesis nomine intelligatur, quomodo definiatur, & utrum Confessio Sacramentalis sit necessaria necessitate mediæ ad salutem pro lapsis in gravia crimina.
12. Utrum a Nectario Patriarcha C. P. Sacramentalis Confessio, & Canonica Pœnitentia, an vero publica dumtaxat criminum manifestatio abrogata fuerit; & utrum in veteri Ecclesia publica peccatorum manifestatio aliquando fieret.
13. Quandonam peccatores teneantur ad Confessionem ex præcepto divino, & ecclesiastico; & an etiam Justii ad Tribunal Pœnitentiæ accedere teneantur.
14. Quo jure necessarium sit Confessionis sigillum, quæ sit  

O

ejus

- ejus materia , quinam ad illud teneantur , & quæ pœnæ adversus sigillum Confessionis violantes , & infringentes sint a sacris Canonibus decretæ .
15. An Confessio per Epistolas facta , & absolutio absentibus data sit valida .
  16. Quid , & quotuplex sit Satisfactio ; & an sit necessaria peccatoribus , & an post remissionem culpæ , & pœnæ æternæ luenda supersit in hoc saculo , vel in Purgatorio pœna temporalis .
  17. Quando sit implenda , & imponenda satisfactio , & quanta sit a Ministro injungenda ; quæ conditiones requirantur ad satisfactionem , & quinam sint ejus effectus .
  18. Quænam sit Forma Sacramenti Pœnitentiæ , & an ex institutione Christi , atque natura Sacramenti debeat esse actus Judicii . Quibus verbis exprimi debeat an deprecatoris absolutis , seu indicativis ; & quandonam forma indicativa apud Latinos invaluerit ; & an apud Græcos valuerit , & nunc etiam proferatur forma deprecativa .
  19. Cuinam Pœnitentiæ Ministro formæ proferendæ , & pœnitentialis Judicii exercendi potestas sit concessa ; & an Exomologesis apud Diaconum facta , de qua Cyprianus loquitur , fuerit ceremonialis reconciliatio a Sacramentali absolutione secernenda .
  20. An præter Ordinis Potestatem necessaria sit in Sacerdote potestas Jurisdictionis , ut valide possit absolvere a peccatis .
  21. Utrum peccata per Pœnitentiam remissa redeant per subsequens peccatum , & utrum per Pœnitentiam virtutes restituantur , & merita per peccatum mortificata reviviscant .
  22. Quænam fuerit origo , & progressio publicæ Pœnitentiæ ; quot fuerint gradus & stationes pœnitentium , & an pro Hyemantibus , ut vocabantur , & Energumenis diversus gradus fuerit constitutus in veteri Ecclesia .
  23. Quænam peccata per Pœnitentiam publicam purgari antiquitus deberent .

24. Utrum Ecclesia excluderet aliquando ab aditu Pœnitentiæ graviorum criminum reos .
25. Utrum publica Pœnitentia semel concederetur in veteri Ecclesia .
26. Quomodo se gesserit vetus Ecclesia circa relapsos , qui post acceptam Pœnitentiam iterum peccassent ; & quare relapsi relinqui dicerentur Judicio Dei .
27. Quod discrimen intercederet inter Catholicorum severitatem , & Novatianorum hæresim .
28. An Clerici majores obnoxii aliquando fuerint publicæ Pœnitentiæ ; quidve significatum fuerit per Communionem Laicam , & Peregrinam ad quam redigebantur .
29. Quandonam publicæ Pœnitentiæ rigor imminui cœperit in utraque Ecclesia .
30. Quid , & quotuplex sit Indulgentia ; & an detur in Ecclesia thesaurus Indulgentiarum , qui applicari possit iis , quibus remanet pœna temporalis luenda in hac , vel in altera vita .
31. An sit in Ecclesia potestas hunc thesaurum applicandi , seu Indulgentias ex hoc thesauro dispensandi , & quibus competat .
32. Quæ causæ movere debeant animum conferentis Indulgentias , ut effectum suum sortiantur , & quædam dispositiones requirantur ex parte suscipientis easdem Indulgentias .
33. Quibus nominibus Extrema Unctio a Latinis , ac Græcis designentur ; & an sit verum & proprie dictum novæ Legis Sacramentum immediate a Christo Domino institutum .
34. Quænam sint hujus Sacramenti Materia , & Forma ; nec non qualis olim fuerit eadem Forma .
35. Utrum in sola graviore infirmitate , sive etiam sanis hoc Sacramentum tribui possit ; & ante vel post SS. Viaticum ; a quo Ministro , & ad quem effectum .
36. Quibus nominibus Sacræ Ordinationes ab utriusque Ecclesiæ Scriptoribus exprimantur , & unde Clericorum nomen sit desumendum .
37. An detur Ecclesiastica Hierarchia a Christo Domino instituta .



38. Quot , & quinam sint Ecclesiasticæ Hierarchiæ gradus.
39. Utrum Ordo sit verum , & proprie dictum novæ Legis Sacramentum .
40. Qui nam Ordines obtinuerint in Ecclesia Latina , & Græca .
41. Quænam sit Materia , quænam forma , & qui Minister Sacrarum Ordinationum .
42. An per sacram Ordinationem conferatur Gratia , & imprimatur Character .
43. Quænam sit origo , & antiquitas Clericalis Tonsuræ , & quæ per Tonsuram Clericis beneficia obveniant .
44. Quid sint Officiarius , Lectoratus , Exorcistatus , Acoluthatus , & quænam fuerint horum Ordinum officia in veteri Ecclesia .
45. Utrum Exorcistæ potestatem suam exercuerint non solum supra Energumēnos in veteri Ecclesia , sed etiam supra Catechumenos , & Pœnitentes .
46. Quid sit Subdiaconatus , quænam ejus materia , & forma ; an in Ecclesia Latina sit , semperque fuerit Ordo Sacer ; quæ antiquitus fuerint Subdiaconi officia , & quæ sint obligationes illius .
47. An Diaconatus sit Sacramentum ; quæ sint , quæve fuerint in veteri Ecclesia Diaconorum officia .
48. An Presbyteratus sit Sacramentum ; quæ sint , quæve fuerint in veteri Ecclesia Presbyteratus officia .
49. An Episcopatus sit Ordo , & proprii nominis Sacramentum a Sacerdotio distinctum .
50. An , & in quibus ab Apostolorum ætate , atque ex divina institutione Episcopi sint Presbyteris superiores .
51. Quid Chorepiscoporum nomine intelligeretur , quænam eorum origo , officia , & dignitas in veteri Ecclesia .
52. Quænam sint initia , & progressus Cœlibatus Clericorum in Ecclesia tam Græca , quam Latina .
53. Quibus nominibus contractus Matrimonii soleat inter homines significari . Quid denotet apud Græcos coronatio , & an ritus coronandi Sponfos antiquus fuerit in utraque Ecclesia .
54. Quomodo definiatur Matrimonium , & an ejus essentia in carnali corporum commixtione sit collocanda , an  
potius

potius in vinculo resultante ex consensu viri, & mulieris signis externis manifestato.

55. Quænam sit materia, & forma contractus Matrimonii, quodnam ejus objectum, & an ad valorem contractus matrimonialis necessaria sit in carnis commixtionem consensio.
56. An Virginitas, & perpetua continentia pro Deo suscepta Matrimonio sit anteferenda.
57. An Matrimonium carnali etiam copula consummatum bonum sit, honestum, & utile; atque utrum sit, sive aliquando fuerit in præcepto.
58. Quid, & quocuplex sit Polygamia, & an Polygamia simultanea repugnet, & cui nam Juri opponatur.
59. An post Diluvium Deus cum Patriarchis dispensaverit, ut plures simul Uxores ducere possent; & an Concubinæ, de quibus in Libro Genesis, fuerint veræ uxores.
60. An in Lege Evangelica vetitum sit, & perpetuo interdictum connubium cum pluribus simul Uxoribus; & an a Christo Domino recissa fuerit memorata Legis Mosaicæ dispensatio.
61. Utrum Polygamia successiva, secundæ videlicet Nuptiæ sint licitæ; & qua de causâ Ecclesia erga Bigamos severiori disciplina antiquitus usa fuerit.
62. An Matrimonium sit indissolubile tam quoad vinculum, quam quoad thorum.
63. Quænam fuerit firmitas vinculi conjugalit apud Judæos, & an dirimeretur per libellum repudii.
64. An in Lege Evangelica solvi possit Matrimonii nexus & vinculum ob causam fornicationis, & adulterii.
65. An Matrimonium dissolvi possit ob conversionem unius aut amborum Conjugum ad Christi fidem; & per Religiosam Professionem.
66. An Matrimonium in nova Lege sit verum & proprie dictum Sacramentum a Christo Domino institutum.
67. Quis sit Sacramenti Matrimonii Minister necessarius, & legitimus.
68. An a supremâ Principum potestate impedimenta Matrimonium dirimentia statui possint; & an Sacramentum

tum Matrimonii subsistat, irrito etiam manente civili contractu, siue a Supremo Reipublicæ Moderatore abrogato.

69. An Ecclesia olim potuerit, & etiamnum possit impedimenta Matrimonium dirimentia constituere.
70. Quænam sint impedimenta dirimentia, & a qua Lege proveniant.
71. Quænam, & quot sint impedimenta Matrimonium impediunt.
72. An Matrimonia a Filiis familias, & a Servis, invitis aut infcisiis Parentibus, & Dominis contracta irrita sint, vel saltem illicita.
73. Quid sint Sponsalia; an Nuptiis sint necessario præmittenda, quænam requirantur, ut Sponsalia Nuptiarum obligationem inducant, & quænam causæ pro dissolvendis Sponsalibus legitimæ esse possint.
74. Quibusnam olim Ritibus, ac Solemnitatibus in Matrimonio conferendo usa fuerit, & nunc utatur utraque Ecclesia, & an sint ab omni superstitione immunes.

## F I N I S.

5. 5. 5. 5. 5.





005656563

CB

